

INSTITUTIO Hhh. 353

ASTRONOMICA,

Juxta Hypotheseis

~~et~~ TAM ~~quam~~

VETERUM,

Copernici & Tychoonis,

Dictata à PETRO GASSENDO

Regio Matheseos Professore.

EJUSDEM

Oratio Inauguralis

Iteratò edita.

Quinta Editio prioribus correctior.

L O N D I N I,

Typis Eliz. Fleſher. Proſtant apud Gubielmum
C. Morden, Bibliopolam Cantabrigienſem. &

MDC LXXV.



AD LECTOREM.

Hanc *Institutionem Astronomicam* clarissimi viri *Petri Gassendi*, ut optimam & brevissimam in hanc scientiam introductionem, secundum hypotheses tam veterum quàm recentiorum (Lector benevole) tibi commendamus; & in hac quinta Editione, quò magis sumptui parcas, in hoc compendiosius volumen rede-gimus. Vale, & nostrum tua studia promovendi desiderium boni consule.

INSTITUTIO Hhh. 353

ASTRONOMICA,

Juxta Hypotheseis

~~et~~ TAM ~~quam~~

VETERUM,

Copernici & Tychoonis,

Dictata à PETRO GASSENDO

Regio Matheseos Professore.

EJUSDEM

Oratio Inauguralis

Iteratò edita.

Quinta Editio prioribus correctior.

L O N D I N I,

Typis Eliz. Fleisher. Prostant apud Galielmum
Morden, Bibliopolam Cantabrigiensem. &

MDC LXXV.

INSTITUTO
ASTRONOMICA

Juxta Hypothesin

~~_____~~ TAM ~~_____~~

VETERUM

~~_____~~ HAM ~~_____~~

Copernici & Tycho

Digitis a F. EXO CASSEANO

Regio Mathematica Professor.

ELIUSDEM

Oratio Inauguralis

Idem edita.

Quinta Editio prioribus correctior.

LONDINI

Typis Libr. Elzevir. Prostant apud Galileum
& Typogr. Bibliopoli Cantabrigie.

MDCCLXXV

EMINENTISSIMO

S. R. E. CARDINALI

LUDOVICO ALPHONSO

PLESSEO RICHELIO,

ARCHIEPISCOPO LUGDUN.

GALLIARUM PRIMATI,

Magno Francie Eleemosynario,

PETRUS GASSENDUS

ET ASTRON.

SPECIMEN Tibi offero, EMINENTISSIME CARDINALIS, meæ illius observantiæ, quâ, quod exigendum censuisti abs me, id præstitum putes. Nimirum, cum pro ea cura quam Regii Collegii demandatam habes, fecisses ut me Professioni Mathematicos Rex Christianissimus destinaret, ipse diu quidem multumque abnuï; sed

E P I S T O L A.

evincente hinc tuâ instantiâ, heinc venera-
tione quâ te prosequor, adii denique quod
jussisti munus. Cum verò pro tuis alio-
rûmque votis à compendiosa Astronomiæ
Institutione occepissem, factum est deinceps,
ut conscius Librarius ejus exscripti-
onem variè procurari, efflagitârit illam à
se mandari typis paterer: ac ipse assenserim
quidem; sed eo consilio, ut qualiscunque
opella hujusmodi foret, illustre tuum No-
men in fronte præferret, quò omnes intel-
ligerent, Te esse qui ipsi occasionem fuisses.

Hoc ipsum ergò est specimen quo me
obsequutum Tibi fidem facio; Idque do-
nec præ jam diuturna invaliditudine inter-
quiesco. Quippe dudum est ex quo mea
illa pectoris intemperies ità cœpit ex-
asperari, ut ad victus moderationem
adhibere etiam ipsi deleniendæ quietem
oporteat. Non possum verò interim non
suavissimè recordari humanitatis illius
tantæ, quâ sollicitudinem testari de mea
valetudine es dignatus, & donec in Urbe
adfuissti, & dum ex ipsa discessurus, cogi-
tantem me patrium solum, commutandi
aeris

E P I S T O L A.

aeris gratiâ, voluisti tecum deducere, si patiens quidem itineris fuisset. Quinetiam discedens illud adjecisti tuæ bonitatis argumentum, ut cùm Professionem non aliâ conditione demum subiissem, quàm ut liceret, quoties liberet, citra jacturam tui erga me amoris ipsi renunciare, nè audire me quidem de renuntiatione verba facientem volueris; &, quòd causarer interruptionem futuram fortè longiusculam, si ob expositam mox causam in Provinciam concederem, exceperis, Te cum nemine quidem de residentia dispensare, nullive ab officio immunitatem tribuere, sed velle nihilominus præter ordinem me habere.

Neque verò nova hæc sunt tuæ erga me benevolentiae testimonia, quando ex quo usque tua virtus in sanctissima Eremita enituit, singulari fuisti erga me affectu; &, ritu antiquo, ex illa assumptus, ut præficereris, ac regeres Præsul Provinciæ nostræ Metropolim, tum voluisti me cunctantio rem ad te comiter evocatum; tum quantâ in me propensione fores, nullâ non fecisti occasione perspectum.

EPISTOLA.

Deinceps autem aliò translatus, & in Purpuratum cooptatus Collegium, variisque auctus honoribus, idem erga me perstitisti; neq; unquam remitti quicquam ex pristina illa ac facillima familiaritate es passus; & plerumque, absentem licet, hærere me tamen tibi in medullis præcordiisque significâsti. Quæ commemoro quidem lubens, ut quantâ possum animi gratitudine insinuem, ne quicquam non esse quòd Te mihi pridem sinuoso fixi in pectore: verùm nihil jucundius est quàm præterea commeminisse, quod mihi semper peperit insignem ut admirationem, ita venerationem tui.

Id autem fuit maximè singularis animi candor, quo, fingere nescius, talem in prospectu, qualem in secessu Te semper præbuiisti; ac, pro indole generosa, nihil unquam præter decorum; pro antiqua fide, nihil præter fas & æquum, unquam præstitisti. Heinc fuit semper sincera illa & sine fuce pietas, quâ prisca ac legitimi in Deum cultûs retinentissimus, es semper omnem novitatem superstitionemque aver-

versa-

EPISTOLA.

versatus ; quâque, ut patienter eos nunquam tulisti qui Religioni prætexerent fucum, sic miro ardore infectatus novos Alcibiades, non es passus illos ob sacra Mysteria pessundata abire impuné. Heinc vera germinâque illa commissi gregis sollicitudo, quâ, grassante etiam dirâ pestis lue, ipsi constanter interfuisti, ac felicitati vertisti posse animam pro eo ponere; raro in hac Dignitate exemplo, ac argumento singulari, nihil Te in speciem fictæ pietatis agere; cùm hujusmodi sanè occasione persona eripatur, res maneat. Heinc illa infracta celsâque constantia, quâ eripi Tibi fortunæ bona passus es ; ac, tum minoris illa ducens quàm ut Te amisisse quicquam tuum censes, nè salvis quidem Tibi in alium uti voluisti juribus ; tum superesse Tibi adhuc quæ abundè essent professus, ea quæ oblata subindè fuere Sacerdotia amplissima cordatissimè recusâsti. Heinc illud propositi tenax honestoque incoctum pectus, quo, seu in Collegio sacro confidens, seu tuo, imò & toti Clero Gallicano præfidens, spectâsti
semper

EPISTOLA.

semper quicquid dignum sapiente bonoque fuit viro ; quoque commissa Tibi varia titulis variis Munera, non ad gratiam unquam, sed proprio delectu, ac prout nota Tibi fuit cujusque industria, semper dispensasti.

Verum prolixa nimis inductio, si prosequeretur singula, cum & hic locus exigat ut recenseam potius eximium quo semper flagrasti ingenuarum artium amorem, ac hujusce quidem imprimis quæ in rerum coelestium contemplatione fita est, quaque haberi dignior ingenuo homine nulla potest. Vix certè unquam ad te accedo, quin hisce de rebus me aliquid roges ; quin exsultes, dum novi quidpiam aut observando deprehensum, aut ratiocinando deductum, inaudis. Ex quo fit ut Tibi hanc opellam tantò fidentiùs offeram, quantò de iis rebus est quas tibi jucundas cognitu perspexi. Sane & tametsi aliud nihil quàm rudimenta artis contineat, nihilo tamen minùs Tibi futuram esse gratam conjicio, quòd ipse quoque non dedigneris ad hæc interdum

EPICISTOLA.

dum descendere, quódque qualiscumque ea sit, mea sit, & non alio edita sine quàm quo publicè dictatam voluisti; ut nempe, si quid genii habeat, sortisque adeò felicitis sit, prodesse quamplurimis possit. Quippe licèt non pauci existent hoc de argumento & libri & commentarii doctissimi, non desunt tamen qui præterea informationem quandam requirant, quæ aliquantò accommodatior nondum initiatis ac rudioribus, neque brevitæ obscura, neque prolixitate importuna sit, & capita scientiæ præcipua non discutiat quidem, sed attingat tamen.

Non is verò propterea sum qui ejusmodi hanc esse profitear. Testor solùm primum affectum, quo gratificari discipulis volui; dum, nè aut multitudine aut caligine rerum obruerentur, in eo fui, ut concisè quidem, sed quàm tamen potui perspicuè, omnia enunciarem. Feci autem non modò quod spectat ad Ptolemaicum Systema, vulgarémve Hypothesin, cuius tum Sphæricam Doctrinam, tum Planetarem Theoriam duobus Libris complexus sum;

EPISTOLA.

sum; sed etiam quod spectat ad Systemata, Hypotheseisve minùs vulgareis tam Copernici quàm Tychonis, quas singulari Libro exposui, votis eorum facturussatis qui me impensè de iis rogârant, expetierântq; ut congererem, ac meo modo dicerem, quæ aut diffusius aut confusius ab aliis tradi existimarent. Et quippiàm ne præstiterim quale ab ipsis fuerat præsumptum, ipsi viderint dixerintque: mihi satis est si Tibi uni prober, & fuisse ex hac opella agnoscar, ut Tibi obsequentissimus, ità observantissimus Tui. Vive, EMINENTISSIME CARDINALIS, magno Ecclesiæ bono, ac VALE. Parisiis, Eidib. Julii M. DC. XLVII.

LIBRO-

LIBRORUM ET CAPITUM

I N D E X.

LIBER PRIMUS.

De Doctrina Sphærica.

Cap. I.	Q uid Sphæra sit, & ex quibus constet.	pag. 7.
Cap. II.	De vocato Cælesti Globo, quatenus idem cum Sphæra est.	10
Cap. III.	De representata in medio Sphære Terra.	12
Cap. IV.	De Axe & Polis, qui dicuntur Mundi.	13
Cap. V.	De Circulis Sphære, ac primum de Horizonte.	15
Cap. VI.	De Meridiano.	17
Cap. VII.	De Aequatore.	19
Cap. VIII.	De Tropis.	20
Cap. IX.	De Polaribus.	21
Cap. X.	De Coluris.	22
Cap. XI.	De Zodiaco & Ecliptica.	23
Cap. XII.	De Signis Zodiaci.	24
Cap. XIII.	De aliis quibusdam in Sphæra intellectis Circulis, ut qui dicuntur Verticales, Altitudinis, Distantie, Positionis, seu Domorum cælestium.	27
Cap. XIV.	De Circulis itidem aliis, ut Declinationis ac Latitudinis: ubi & de Ascensione ac Longitudine Siderum.	31
Cap. XV.	De triplici positu Sphære, Recto, Obliquo, Parallelo.	34
Cap. XVI.	De Zonis, ac ideo de Ventorum Plagis per Parallelos Sphære circulos designatis.	37
Cap. XVII.	De Climatibus, deque varietate Incolarum Terra propter Parallelos.	41
	Cap.	

INDEX.

Cap. XVIII.	<i>De Crepusculis quæ ad horizontem in quovis Sphæra sita videntur.</i>	43
Cap. XIX.	<i>De Radiorum Siderum Refractionibus, quæ ad horizontem maximè contingunt.</i>	45
Cap. 20.	<i>De Ortus Occasusque Siderum Horizontaltis</i>	47
Cap. XXI.	<i>De Ortus Occasusque Siderum Heliaco.</i>	49
Cap. XXII.	<i>De partibus Temporis (cujus mensura est Primus Motus revolutione Sphæra designatus) ac primum de Dies</i>	51
Cap. XXIII.	<i>De Hora.</i>	53
Cap. XXIV.	<i>De Hebdomade.</i>	54
Cap. XXV.	<i>De Mense.</i>	56
Cap. XXVI.	<i>De Anno.</i>	58
Cap. XXVII.	<i>De Epechis Temporum.</i>	62

LIBER SECUNDUS.

De Doctrina Theorica.

Cap. I.	D E Phenomenis : aris quæ Secundorum Mobilium Theoria occasionem fecerunt.	65
Cap. II.	<i>Varia genera Hypotheson saluandis, siue explicandis hujusmodi Phenomenis.</i>	68
Cap. III.	<i>Hypothesis Ptolemæica, seu communis, quæ est per Excentricos & Epicyclos.</i>	71
Cap. IV.	<i>De Theoria Solis.</i>	77
Cap. V.	<i>De Theoria Lune.</i>	80
Cap. VI.	<i>De Theoria trium Superiorum Planetarum, nempe Saturni, Jovis & Martis.</i>	85
Cap. VII.	<i>De Theoria duorum inferiorum Planetarum, Veneris nempe & Mercurii.</i>	88
Cap. VIII.	<i>De Theoria Firmamenti & Super-extracti unius alteriusve Crystallini.</i>	91
Cap. IX.	<i>Quare Planete nunc Majores, nunc Minores apparent.</i>	95
	Cap	

INDEX.

Cap. X.	<i>Quare nunc Veloces, nunc Tardi.</i>	97
Cap. XI.	<i>Quare nunc Directi, nunc Retrogradi, nunc Stationarii.</i>	101
Cap. XII.	<i>Quid Parallaxis, ob quam Planeta altiores aut humiliores judicantur.</i>	98
Cap. XIII.	<i>Qua sit proinde singulorum, & Fixarum etiam, à Terris distantia, quisque adeò Cælorum ordo.</i>	103
Cap. XIV.	<i>Qua item eorundem & fixarum sit (sed habitis simul apparentibus diametris) vera Magnitudo.</i>	106
Cap. XV.	<i>Qui Planetarum Adspectus sint.</i>	108
Cap. XVI.	<i>De variis Luna Phasibus, pro varietate Adspectuum Configurationumve ipsius cum Sole.</i>	112
Cap. XVII.	<i>De Eclipsi Lunæ.</i>	116
Cap. XVIII.	<i>De Eclipsi Solis.</i>	122

LIBER TERTIUS.

De specialibus Copernici & Tychonis Syttematibus.

Cap. I	Q <i>uos imitatus Copernicus in Syttemate confingendo fuerit.</i>	126
Cap. II.	<i>Quo proinde situ atque ordine Terram Sideraque habuerit.</i>	128
Cap. III.	<i>Cujusmodi triplicem motum Telluri attribuerit.</i>	132
Cap. IV.	<i>Quamobrem de motu quieteque Telluris, aut Siderum, fidendum sensui non duxerit.</i>	135
Cap. V.	<i>Quæ vise magis congruæ rationes ad adstruendum motum Telluris Diurnum.</i>	137
Cap. VI.	<i>Quæ vise magis congruæ ad offerendum Annuum.</i>	140
	Cap.	

I N D E X.

Cap. VII.	<i>Quæ visa demum magis congrua ad motum Tertium inducendum.</i>	146
Cap. VIII.	<i>Quid Copernicani ad ea quæ obijci solent ex Astronomia respondeant.</i>	151
Cap. IX.	<i>Quid ad ea quæ ex Physica.</i>	155
Cap. X.	<i>Quid ad ea quæ ex S. Scriptura</i>	116
Cap. XI.	<i>Quid de Siderum à Terris distantia & mag- nitudine definiant.</i>	164
Cap. XII.	<i>Quale Mundi Systema sit quod Tycho Bra- heus induxit.</i>	167
Cap. XIII.	<i>Quibus rationibus adductus illud excogita- verit.</i>	170
Cap. XIV.	<i>Quâ ratione id à Tychonis sectatoribus pro- pugnetur.</i>	171
Cap. XV.	<i>Quæ sit juxta ipsum Distantia & Magnitudo Siderum.</i>	175
	<i>Oratio Inaugurati.</i>	179

INSTITUTIONIS
ASTRONOMICÆ
PROOEMIALIA.

QUAM Plato Astronomiam, alii plerique Veterum etiam Astrologiam dixerunt. Ex quo autem Chaldæi suas nugas in Doctrinam hanc invexerunt, est ferè Astrologiæ nomen tributum Genethliacæ (quæ & Judiciaria ferè appellatur) Astronomia verò nuncupata est, quæ in contemplandis dimetiendisq; Astorum motu, distantia, ordine, magnitudine, luce, adiunctisque cæteris consimilibus, occupatur.

Originem ipsi fecit admiratio; tum nimirum cum homines præter splendorem, varietatem, multitudinem, amplitudinem Siderum, observârunt in ipsis motum tam constantem, tam regularem, tam incessanter diei ac noctis, æstatisq; & hyemis vicissitudines inducentem.

Commendat illam summopere dignitas subiectæ materiæ, quæ non alia est quàm amplissima, nobilissimâque totius Mundi re-

gio, Cælestis nempe ac Siderea, quam homines ut contemplantur, tum obtinere oculos, tum erectos habere vultus à Sapientioribus dicuntur.

Certant de ejus Inventione & Antiquitate Babylonii, ob authorem Belum; Ægyptii, ob Mercurium; Mauri, ob Atlantem & Herculem; Græci, ob Jovem, Orpheum, & Atreum; Scythæ, ob Prometheus, &c.

Quorum supersunt Observationes, antiquissimi Babylonii sunt: Nimirum habet Ptolemæus aliquot Eclipseis ab iis observatas annis paulò plus ante Christum septingentis. Quod de ulterioribus memorant, aut nullo probatur monumento, aut fabulam sapit.

Sunt verò Observationes eorum quæ in Astris apparent (ac Phænomena idcirco vocantur) germana totius Astronomiæ fundamenta; quatenus factis comparatisque Observationibus plusculis, confinguntur Hypotheses, supponunturve circuli & orbes, juxta quos moveri Sidera probabile sit, ad hoc, ut ea quæ observantur qualia observantur appareant.

Prætereo


Prætereo autem subindè condi quas Tabulas vocant Astronomicas : Abacos nimirum exprimenteis numeris notisue Arithmeticis ea Tempora quæ Sidera in absolvendis, juxta assumptas Hypotheseis, circuitionibus insumunt.

Prætereo & ex Tabulis Ephemeridas seu Diaria parari, quæ videlicet certis motuum atque temporum constitutis initiis, exhibeant quibus in Cælo locis Sol, Luna, cæteraque Astra diebus singulis sint, ac inter se configurentur.

Porrò cùm Astronomia pars sit præcipua Cosmographiæ, sive delineationis Mundi, sicque nihil possit congruè de Cælo ac Sideribus dici aut intelligi, nisi habeatur Systema Mundi generale ob oculos ; ideo subjiciendum heic Schema, quo dispositio partium mundi, qualis vulgò & concipi & tradi solet, repræsentetur.

In ipso, quem Orbiculum vides intimum, Terræ & Aquæ globum refert ; succedentes duo circuli Aerem & Ignem (quæ duo Elementa superiora sunt) repræsentant.

COELVM EMPYREVM IMMOBILE



P R O Æ M I A L I A. 5

Circuli undecim sequentes Cælos undecim mobileis exhibent : septem scilicet Planetarum proprios, dictosq; Lunæ, Mercurii, Veneris, Solis, Martis, Jovis, Saturni; unum Stellarum Inerrantium, quod idcirco Aplanes & Firmamentum dicitur; duos Crystallinos, ita dictos quòd, cùm sint ἀγαστρ, expertes Sideribus, speciali ratione pellucidi sint; ac unum denique Supremum, ipsum quoque ἀγαστρ, & Primum Mobile appellatum.

Dico verò Mobileis Cælos ; quia Theologi duodecimum, ipsùmque Immobile, statuunt, cælum videlicet Empyreum, quod sit mentium beatarum sedes, & habeatur formæ exterioris quadratæ, quòd Civitas sancta in Apocalypsi descripta posita in quadro dicatur.

Numero ordinique Cælorum memoriâ tenendis conferre potest hoc distichon,

*Luna, & Mercurius, Venus, & Sol,
Mars, Jove, Satur,
Firmamen, duo Crystalli, Primum,
Empyreumque.*

Cùm in Mobilibus autem Cælis duplex generatim observetur motus, unus dictus

Primus seu Diurnus, omnium communis, alter Secundus, & aliquorum aut singulorum proprius; & priori explicando excogitata sit quam Sphæram materiale[m] vocant, posteriori, quam Theoriam Planetarum appellant; heinc efficitur ut duæ soleant Astronomiæ partes distingui, quarum una Doctrina Sphærica, alia Theorica nominetur.

*Itaque & nos de utraque compendio di-
ciuri, quoniam operæ pretium est rem imprimis cognoscere juxta receptam vulgò sententiam, quæ Systema Mundi, cujusmodi est mox antè descriptum, supponit, ea propter id duobus exsequemur Libris; in quorum Primo trademus ea quæ ad Doctrinam Sphæricam, in Secundo ea quæ ad Theoricam spectant.*

Subindè verò, quod per celebria jam evaserint duo alia Systemata, unum Copernici, alterum Brabei, quorum utrumque nobileis fautores adipiscitur, ideo Tertium Librum, quasi appendicem aliquam, hisce attexemus: ut cognoscere etiam liceat quænam illa sint, & qui à Sædatoribus defendantur.



INSTITUTIONIS ASTRONOMICÆ

LIBER PRIMUS;

SIVE

DOCTRINA SPHÆRICA.

CAPUT I.

Quid Sphæra sit, & ex quibus constet.

CUM exordiendum igitur à doctrina Sphærica sit, supponendum est Sphæra nomine intelligi heic Instrumentum illud vulgare, & mox (prout representari in plano potest) exhibendum, quod ex variis circulis armillissve constans, & axe, cum globulo in medio, trajectum, usurpari solet tum Machinæ Mundi, tum coelestibus Motibus, ac præsertim Primo seu diurno, representandis.

Nam primum quidem Globulus ille qui sustentatur in medio, Terram in centro Machinæ Mundanæ constitutam refert; & trajicientis axis extrema, super quibus fit convolutio, duos referunt Polos, alterum quidem Boreum, alterum verò Austrinum vocatos, super quibus tota Machina cælorum eo volvitur motu qui spatio horarum 24 peragitur: & ut Latinus dicitur *diurnus*, ita Græcis *ῥοτῆμας*, quasi *nocti-dialis*, quod diei & noctis spatium complectatur.

Ac non est quidem Sphæra contexta ex tot orbibus quot antè descripsimus cælos: sed tota tamen cælorum strues

intelligi potest ex hac simplici circulorum compagine, quatenus ut ista moveatur super polis Sphæralibus, ita illa tota unico abreptu moveatur super polis Mundi.

Nimirum tametsi inferiores cœli speciales motus obeant, quibus se in ortum veluti subducant, idque secundum eum circulum qui mox dicitur Zodiacus; omnes tamen impetu uno à super-extante Primo mobili versus occasum abripiuntur, circumducunturque intra idem tempus, horarum nempe 24. Unde & fit ut quæ in ipsis constituta sunt Sidera, diutius oriri & occidere, seu ire redireque appareant; & qui ipsis imprimitur motus, Raptus appellitur.

Supponit interim hic Raptus esse debere omnes cœlos non modò perspicuos, sed etiam contiguos, solidos ac duròs, & sidera ipsis hærerè, ut scilicet simul possint abripi. Quod utcumque verum reipsa non sit, admitti tamen ut Hypothesis explicandis motibus potest.

Ad circulos Sphæræ quod spectat, ii distinguuntur numero decem: & ex ipsis sex dicuntur Majores (sive Maximi) quatenus eorum quilibet Sphæram in duas partes æquales dispartit, Horizon puta, ac Meridianus, intra quos immobiles reliqui voluntur; ac præterea Æquator, Colurique duo, & Zodiacus, seu circulus latior, secundum cujus medium ea ducitur quæ & appellatur Ecliptica linea.

Quatuor autem dicuntur Minores, quatenus eorum quilibet Sphæram dividit in duas partes inæquales, duo Tropici nempe & duo Polares; qui etiam una cum Æquatore ideo Paralleli vocantur, quòd à se invicem undique aquidistant.

Quod obiter Zodiacum circulum esse latum dixi, suppono esse reliquos indivisibilibus concipiendos: utcumque in Sphærâ tales non habeantur, quòd tales parari compingique non valeant. Concipiendos autem addo, quatenus illi non oculis, sed mente solâ percipiuntur, (Horizonte tamen excepto) cum eos in cœlo requirimus.

Et sunt alii quidem præterea in cœlo intelligendi circuli; sed de illis erit posteriùs dicendum.

Adnotandum hæc, Quemvis circulum dividi solere in gradus,

gradus, seu parteis æqualeis 360. & quemlibet gradum subdivisum intelligi in 60. particulas, quas Prima Minuta, & Minuta etiam simpliciter, vocant: ac pari ratione, plerumque quodlibet Minutum primum subdivisum intelligi in 60. vocata Secunda; quodlibet secundum in 60. Tertia; & ita deinceps, si quid opus fuerit, in Quarta, Quinta, &c.

Quo modo etiam diviso die in horas 24. solet Hora subdividi in 60. Minuta prima; quodlibet primum in 60. secunda; quodlibet secundum in 60. tertia, &c.

CAP. II.

De vocato Cœlesti Globo, quatenus idem cum Sphæra est.

Solent circuli Sphæræ memorati representari etiam in eo qui manibus omnium vulgò teritur, appellaturque Globus Cœlestis; idemque adeo cum Sphæra est, si quæ sunt in Sphæra inania circulorum mobilium interstitia, oppleta esse contornatæque, & illis Stellarum Imaginibus insignita intelligantur.

Scilicet aliunde superficies Globi representat nobis Firmamenti faciem, prospectumve Stellarum fixarum redactarum pridem in certas Figuras, seu Imagines, quas *ἀστρονομία*, seu Constellationes, & Signa cœlestia appellant; quasque quia Aratus, post Eudoxum, descripsit, non desunt qui Cœlestem Globum vocitent Arataam Sphæram.

Fuere porro Constellationes à priscis usque temporibus distinctæ 48. comprehendentes stellas in Græcia totâque orbis terræ cognita tunc parte conspicuas. Sunt verò ex iis 12 descriptæ in Zodiaco, 21 ad Zodiaci Boream, 15 ad Austrum ejusdem: exprimique solent his carminibus.

Insunt Signifero bis sex cœlestia Signa;

Suntque Aries, Taurus, Gemini, Cancer, Leo, Virgo, Libra, Scorpium, Arcitenens, Capræ, Amphora, Pisces.

Ad Boream verò ter septem conspiciuntur:

Ursa Minor, Major, Custos, Draco, Gemma, Genique Prolapsus, Lyra, Olor, Cepheus, & Cassiopeia,

Perseus

Perseus, Andromeda, Delcotum, Auriga, Caballus, Rictus Equi, Delphin, Telum, heinc Aquila, Anguifer, Anguis.

Denique, converti ter quinque notantur ad Austrum :

Cetus, & Eridanus, Lepus, & nimbosus Orion, Sirius, & Procyon, Argo ratiū, Hydrāque, Crater, Corvus, Centaurus, Lupus, Ara, Coronāque, Piscis.

Nuperis autem temporibus, & postquam navigando in Austrum detectæ sunt Stellæ quæ fuerant Priscis inconspiciæ, distinctæ sunt præterea Constellationes duodecim, quæ hocce disticho continentur,

Phoenix, Grus, Indus, Xiphias, Pavo, Anser, & Hydrus, Passer, Apus, Triquetrum, Musca, Chamaque-leon.

Prætereo verò quasdam minores Constellationes designatas in majoribus illis fuisse, uti Pleiadas & Hyadas in Tauro, Præsepe & Asellos in Cancro, Capellam ac Hædos in Auriga, &c.

Prætereo etiam aliquas stellas, in ipsarum Constellationum interstitiis quasi relictas, ideo informes appellari, quòd extra Formas Imaginèsvæ ad quas cæteræ attinent visantur.

Prætereo demum, cùm forent pridem Stellæ potissimum conspicuæ numeratæ mille & viginti duæ, fuisse earum præcipuas dictas Magnitudinis esse Primæ, quales sunt Syrius (dictus Canis major, & Canicula) itémque Lyra, Capella, Arcturus, & aliæ; nonnihil minores, Secundæ, quales sunt Polaris vocata in extrema cauda Ursæ minoris, & quæ in Ursa majore appellantur Septentriones; nonnihil adhuc minores, Tertiæ; & rursus Quartæ, Quintæ, Sextæ: adjunctis etiam aliquibus, quas & Nebulosas, & Obscuras dixerunt.

An adnotabo Nebulosas, ut vocatum Præsepe Cancri, deprehensas telescopia optivé tubo, nihil esse aliud quàm aggeries aliquas minutissimarum stellarum, quarum conjunctæ luculæ speciem alboris, ac veluti nubeculæ cuiusdam, creent?

An, deprehensum quoque esse, Lactæum circum in Globo

Globo descriptum, & veteribus habitum pro undecimo (ipsoque, Zodiaci instar, lato,) circulo, nihil esse aliud quàm texturam quandam ejusmodi nubecularum, seu ineffabilem stellarum minutissimarum congeriem, qualem jampridem Democritus apud Plutarchum conjecerat?

CAP. III.

De representata in medio Sphæræ Terra.

JAM, cùm globulus qui in medio Sphæræ representare Terram sit dictus, ideo sciendum imprimis est, esse Terram formæ Globoiæ; neque enim montes vallésque ipsius rotunditati magis officiant (spectatâ nimirum ambitûs amplitudine) quàm malo arantio granulofitas cutis.

Et probant quidem Physici hanc rotunditatem ex cõitione omnium partium, quæ ex æquo in centrûm nituntur: sed Astrónomi eam convincunt ex eo, quòd tendentibus in Boream Austrûmve, aliæ aliæque cœli partes heinc retegantur, indè occultentur, & Polus conspicuus evadat heinc elatior, indè depressior; quòdque prout quisque est magis ad Orientem aut Occidentem, astra vidéat citiùs tardiùsve oriri & occidere; atque adeò, dum Luna v.c. patitur Eclipsin, qui est orientaliior plureis horas à meridie aut mediâ nocte numeret, qui occidentaliior pauciores.

Est verò nomine Globi Terræ comprehendenda simul Aqua, quatenus Aquæ & Terræ partes versùs idem centrûm conspirant, & maris superficies sic cum Terrestrî continuatur, ut eadêm quæ dicta mox sunt navigantibus in Boream Austrûmve, & rursus ad ortum occasûmve positis contingant: ac vel illud probat non esse maris superficiem planam, quòd à portu solventibus Terrâ sensim sic occultetur (à gibbo maris videlicet) ut nulli denique appareat. Nè memorem umbram, quæ in disco Lunæ Eclipsin patiens à Terræ & Maris superficie creatur, esse perinde circularem.

Deinde, esse Terram in centro Mundi (atque ideo centrûm ipsius cum centro Mundi idem esse) probari à Physicis,

ex

ex recessu omnium gravium à Mundi superficie, confluxû; in ejus centrum, à quo recedere Ascendere fit; & in quo proinde Terra quasi suis ponderibus librata teneatur. Probari verò ab Astronomis ex eo, quòd alioquin non appareret Mundus in duo Hemisphæria divisus, & ampliùs idcirco aut minùs quàm sex signa Zodiaci supra Terram conspicerentur; quòdque Eclipses Lunæ non contingerent in oppositione cum Sole ex diametro facta (Terrâ scilicet non intercipiente;) aliâque similia.

Adhæc, licet Terra ambitu suo contineat leucas medio-creis (seu qualium una ex Italicis tribus milliaribus conficitur) octies mille & proximè octingentas, esse eam tamen, ad Firmamentum dum comparatur, quasi punctum; idque probari, quatenus ubicumque oculus in Terra sit, dimidium cœli conspicit, & undecumque Stellas aspiciat, eas neq; majores neque minores deprehendit. Quinetiam dici posse punctum ad cœlum Solis comparatum; prout videmus umbras Solis circa instrumentorum & horologiorum centra non minùs regulariter quàm circa Terræ centrum moveri, planè ut si inter Terræ superficiem & centrum nihil interesset.

Denique Terram in medio Mundi constitutam quiescere, ex eo probari solere, quòd neque moveatur motu recto, quia exiret ex ipso centro, sicque ascenderet, quod gravitati ejus repugnat; neque circulari, quia id non potest, neque circa proprium neque circa alienum axem. Nam si moveretur quidem circa proprium axem versus ortum, existentia in aère omnia, ut nubes & volucres, apparerent ferri in occasum, nihilque præterea secundùm perpendiculum caderet; secùs ac fieri observatur. Si circa alienum, variaretur nobis in Terræ superficie quiescentibus Poli altitudo; quod nusquam contingit.

CAP. IV.

De Axe & Polis, qui dicuntur Mundi.

Hisce præmissis de Globulo Terram & Aquam representante, dicendum quidpiam videretur de Interstitio quod

quod inter illum compaginémque circularum est, quasi referente Aërem & Ignem. Verùm quia seu Aër nihil aliud est quàm textura halituum, corpusculorumve ex terra & aqua prodeuntium, & vix ad paucorum milliarium altitudinem assurgentium; seu non exstat sub Luna Ignis ille cuius crassitudo sit leucarum plusquam septuaginta millium, sed ab aëre usque crasso terrenoque succedens est ad Lunam usque purissimus æther, aurave, ut jam dicunt, ætherea; idcirco necesse non est ut quidpiam heic de Aëre Ignéve illo comminiscamur.

Adnotandum est potius circa Axem, quo Globulus ille in medio hujusce interstitii sustentatur, non sustentari quidem similiter terram Axe ullo visibili, qui ad ipsum cælum terminetur: sed intelligi tamen lineam individuatam per ipsius ac mundi centrum transeuntem, quæ heinc inde producta ad usque Primum mobile, in ea duo puncta desinat quæ appellant Polos, seu Cardines Mundi; adeò proinde ut Poli Mundi nihil aliud sint quàm extrema Axis.

Diximus jam horum Polorum unum esse Boreum seu Septentrionalem, alium Austrinum seu Meridionalem; ille autem solet præterea dici Arcticus à vicinia Ursæ geminæ, quæ Græcis ἀρκτικός, (quippe & jam diximus ab ejus vicinia reciproce dici Polarem eam Stellam quæ in caudæ Ursæ minoris extremo est sita, ac ab ipso distat, hocce tempore, duos gradus cum tribus quintis) iste verò Antarcticus, quòd fit Arctico è regione.

Appellantur autem Poli, seu Cardines Mundi, quòd præcipua pars Mundi, cælorum nempe Machina, super ipsis diutim vertatur (πάλαι enim *vertere* est) & conversionem integram ab ortu in occasum perficiat. Notum est fuisse quoque Polos vertices Latine à *vertendo* dictos; ac Poëtam propterea expressisse conspicuum nobis Arcticum, & Antarctium inconspicuum.

Hic Vertex nobis semper sublimis; at illum

Sub peditus Scyæ atra videt, Manesque profundi.

Quinetiam Poli Mundi dicuntur (ac etiam Primi Mobilis) ut distinguantur à Zodiaci Polis, super quibus scilicet
fiant

fiunt conuerſiones propriæ Secundorum mobilium, ſive cœlorum inferiorum, (æque tendendo ab occaſu in ortum oblique) imprimis autem ipſius Solis, qui quòd continenter incedat per lineam dictam Eclipticam, idcirco Poli Eclipticæ & præcipui ſunt, & frequentius nominantur.

Heinc Mundi quoque Axis vocatur qui terminatur ad Polos Mundi, & circa quem verti tota cœlorum Machina diurno illo motu intelligitur; cùm Axis Zodiaci ille ſit qui etiam per Terram trajici intellectus, ad inferiores cœlos terminatur, & circa quem fieri concipimus propriam cujuſque conuerſionem. Unde & ſolent in quibuſdam Sphæris concludi tum circuli, tam portiones axium, quibus cœli & axes, Solis ac Lunæ potiſſimum, repræſentari quadantenus poſſint.

Tametiſi verò quilibet Axis per mediam trajetſus terram concipiatur; quia nullus eſt tamen præter mundanum fixus, idcirco hic ſolus, quâ parte ex terra heinc indè quaſi egreditur, duo in terra deſignat puncta, quæ quòd directè ſubjiciantur cœleſtibus Polis, dicuntur ipſa quoque Poli, (ipſius Terræ videlicet) & alter quidem ſimiliter Arcticus ſeu Boreus, alter Antarcticus ſeu Auſtrinus.

CAP. V.

De Horizonte.

AD Circulos quod attinet, ille Horizon dicitur qui in Sphæra extimus eſt, & cæteros ambit.

Repræſentat verò in mundo illum circulum qui, dum in planitie verſamur, oculosque circumducimus, apparet nobis quaſi quædam cœli terræque commiſſura; ac idcirco Græcè *ῥαση*, & Latine *Finiens*, *Finitorque* dicitur, quòd quicquid videmus ex terra deſiniat; & partem etiam cœli viſam à non viſa dirimat, duòque Hemisphæria, quæ vocant Superius Inferiusque, diſtinguat,

Is eſt ſupra quem emergentia Astra *oriri* dicuntur, infra quem labentia dicuntur *occidere*.

Quamvis

Quamvis autem Horizon respectu cujusque specialis terræ loci immobilis sit; universè tamen concipiendus mutabilis est, quatenus dum locum in terra mutamus, etiam Horizontem mutamus.


Potest verò Sphæræ Horizon hanc varietatem repræsentare, quatenus tametsi non moveatur ipse circa Sphæram reliquam, mobilis est tamen reliqua Sphæra intra ipsum; ac nihil interest utrius sit motus, ut eadem creari mutatio appareat.

Creatur porrò ista mutatio ob convexitatem superficiæ terræ, ac illius speciatim portionis quam circumspicimus: Quippe etiam quæ libellata est, licet plana esse ad sensum appareat, est tamen reipsâ leviter devexa; atque idcirco dum movemur, aliquid ipsius ex una parte deperditur, aliquid ex opposita resarcitur.

Quod dico verò superficiem Terræ etiam libellatam non esse planam, sed devexam, intelligitur vel ex ipso mari, quod sponte se ad libellam componens, componit se simul in orbicularem figuram; utcumque illa in parvo spatio plana sive recta ad sensum videatur, ac ea propter usurpari soleat ad libellandum, probandumve num quæpiam area plana sit.


Ex hoc obiter intelligitur, nulla duo perpendiculara esse reipsâ parallela; atque idcirco neque duos etiam vicinos parietes ad perpendicularum erectos parallelos esse, utcumque esse ad sensum appareant; quatenus cum omnia perpendiculara in superficiem convexam cadant, coitura in centro sunt si producta intelligantur: ut perspicuè vel ex figura opposita intelligi licet.

Quod heic attingendum de Recto, Obliquo, Parallelo Horizonte foret, peragitur postea commodius.



Ad-

Adnotandum heic solum, distingui à quibusdam Horizon-
talem duplicem, Sensibilem, ac Rationalem. Et
Sensibilem quidem esse eum qui hactenus descriptus est,
quatenus planities ap-
paret; Rationalem ve-
rò eum qui appareret,
si terrâ bisectâ, & alte-
ro dimidio evanido fa-
cto, è centro circum-
spiceretur.



Intelligi utrumque
licet ex figura apposita,
in qua circulo interiore
referente terram, exte-
riore Cœlum, lineâ per
centrum transiens re-
præsentat Rationalem,
& quæ superficiem
contingit, Sensibilem. Ambæ autem parallelæ in cœlum
usque producuntur; ut intelligamus acceptum in cœlo tan-
tum intervallum quanta semidiameter terræ est, habitum
iri quasi punctum, (lineis putâ cõire visis ob immensam di-
stantiam) sicque stellam in eodem loco visum iri, sive ex
terræ superficie, sive ex ejus centro videatur.

CAP. VI.

De Meridiano.



Alius in Sphæra circulus, intra quem immotum cæteri
moventur, Meridianus est: is nempe qui & Horizon-
tem ad rectos secât angulos, & axis extrema seu Polos sus-
tentat.

Repræsentat autem in Mundo illum circulum quem
transire concipimus per Polos Mundi, pèrque duo puncta,
quorum unum vertici imminens Verticale dicitur, & voce

C

Arabica

Arabicâ frequenter Zenith; alterum ipsi sub pedibus oppositum appellatur Nadir: nè memorem hæc duo puncta quasi Horizontis Polos reputari.

Is dividens Mundum in duo Hemispharia, quorum alterum Orientale, alterum Occidentale sit, ideo Meridianus vocatur, quòd quoties Sol ad ipsum emergit, Meridies creetur; distans nempe tunc æquis intervallis ab ortu & occasu punctis: ut proinde quantum ab ortu transactum fuerit temporis, tantum transigendum ad occasum restet.

Præterea autem, ut pars Meridiani superior diurnum tempus in duas æqualeis partes dividit, ita inferiorem in duas æqualeis nocturnum secare.

Quòd sit porro in Sphæra Meridianus immotus, representat quidem specialis cujusque loci Meridianum, qui ipse quoque est invariatus; verùm quia quoties seu in ortum seu in occasum deflectimus, sub novis novisque Meridianis sumus, idcirco plureis ac varios Meridianos non representat, nisi quatenus Sphæra reliquæ emotione fit instar plurium.

In ortum verò seu occasum dico: nam si quis directe in Boream Austrumve iter fecerit, erit illi semper idem Meridianus.

Notum est proinde, cur iis qui sub eodem sunt Meridiano Meridies contingat eodem tempore, cum iis qui sunt sub orientaliore contingat maturius, iis qui sub magis occiduo tardius; quòd Sol nimirum illis prius, istis posterius Meridianum attingat.

Notandum autem, cum Sidera ad meridianum usque ascendant, & ex eo deinceps descendant, ideo & maximam cujusque altitudinem dici Meridianam, & punctum illud Meridiani per quod transit dici medium cœli, respectu ipsius; uti & Imum dicitur quod illi è regione oppositum sub terra est.

Notandum etiam Elevationem sive Altitudinem Poli in unaquaque regione nihil esse aliud quàm Meridiani arcum, qui inter Horizontem Polumque elatum intercipitur,

tur, cuiusque complementum ad usque Zenith, sive ad quadrantem circuli, est semper æquale altitudini Æquatoris.

Sic nimirum, cùm in hac urbe Parisina, exempli causâ, Altitudo Poli sit 48. graduum & 50. minutorum; illius complementum, sive altitudo Æquatoris, 41. graduum & minutorum 10. erit.

CAP. VII.

De Æquatore.

PORRO Æquator, circulorum in Sphæra Mobilium præcipuus, is est qui ab utroque Mundi Polo æquis undiq; distat intervallis.

Quare & representat in cœlo illum circulum quem concipimus ab utroque Polo ex æquo distare, ac Mundum in duo Hemisphæria, alterum Boreale, alterum Australe, partiri.

Dicitur verò etiam Æquinoctialis (dicunt Græci potius *ἡμερινός*, sive Æquidiale) quòd Sol bis in anno, hoc est sub diem 20. Martii, & 23. Septembris, eum secans (nempe quâ principia signorum Arietis & Libræ sunt) duo creet Æquinoctia, exæquæve nocteis diebus, ob æqualem moram suprâ infrâque horizontem; quatenus sectus ab horizonte Æquator in duas abit partes, alteram superiorem, alteram inferiorem, constanter æqualeis.

Vides obiter, nomine Diei heic intelligi moram Solis supra horizontem, nomine Noctis moram infra: nempe quod vocant tam matutinum quàm vespertinum Crepusculum, computari in noctem solet.

Reticendum autem non est, esse Æquatorem præcipuam Temporis mensuram, quatenus ipse præcipue est penes quem primi mobilis revolutio attenditur: adeò ut si integra, seu 360. graduum (cum addita particula, de qua infra) revolutio fit, duratio fit unius diei, (sumpto jam nempe

die alio sensu ;) sin partis solum vigesima quartæ, sive graduum 15. duratio sit unius horæ ; atque ita de cæteris.

CAP. VIII.

De Tropiciis.

EX quatuor circulis Æquatori parallelis, duo, qui heinc inde in Sphæra propiores sunt, Tropici sunt.

Repræsentant illi in cœlo duos circulos à Sole descriptos ; unum cum accessit maximè ad Boream, alterum cum discessit maximè ad Austrum : unde & propter *τροπικὰς conversiones*, dicuntur *τροπικαί*, quasi *Conversorii*, quòd Sol, ubi ab Æquatore ad ipsos usque promotus est, non progrediatur ulterius, sed redeat versus Æquatorem.

Et circulus quidem qui ad Boream dicitur vulgò Tropicus Cancrì, quòd Cancrì Signum in eo incipiat ; qui verò ad Austrum, Tropicus Capricorni, quòd ab eo incipiat Signum Capricorni.

Dicitur ille præterea circulus Æstatis, quòd Sole in ipso versante Æstas incipiat ; iste circulus Hyemis, quòd Sole in ipso existente incipiat Hyems : intellige respectu nostrì qui ad Boream degimus.

Quinetiam ille vocari solet circulus Solstitii alti, quòd Sole ipsum occupante, summèque, nostrì respectu, alto, creetur Solstitium diei maximi ; hic circulus Solstitii imi, quòd constituto in illo Sole, & nobis quidem summè depresso, diei minimi Solstitium creetur.

Notum verò est Solstitium vocatum, quòd die (hoc est morà Solis supra horizontem) neque crescente neque decrescente sensibiliter, Sol stare, hoc est neque in Boream Austrumve procedere, neque versus Æquatorem recedere sensibiliter, per aliquot dies videatur.

Distantia autem Tropici utriusque ab Æquatore est graduum 23. minutor. 31. tantundem enim, & non amplius, potest Sol ab Æquatore recedere declinaréve ; unde & eadem

eadem dicitur maxima Solis Declinatio.

Et quia eademmet distantia est mensura Obliquitatis, quâ Zodiacus Eclipticæve linea sese habet ad Æquatorem; heinc fit ut etiam Obliquitas Zodiaci seu Eclipticæ 23. graduum & 31. minutorum esse dicatur.

CAP. IX.

De Polaribus.

CÆteri duo Paralleli, qui heinc indè ab Æquatore remotiores sunt, Polares idcirco dicuntur (ac alter quidem Boreus Arcticusque, alter Austrinus & Antarcticus) quòd vicini sint ipsis Polis.

Repræsentant autem in cœlo duos circulos, quos utrinque à Polo vicino tantundem distare quantum Tropicos ab Æquatore concipimus, hoc est gradibus 23. & minutis 31.

Id nempe, quia Zodiacus ad Æquatorem obliquus ita attingit Tropicos, ut ipsius Poli tantum necessario à Polis Æquatoris distent quantum Tropici ipsi ab Æquatore; & aliunde concipimus circulos Polareis à Polis Zodiaci circa polos Æquatoris, seu Mundi, describi: atque ita quidem juxta recentiores.

Juxta veteres, circuli Polares (seu, ut illis solum appellabantur, Arcticus & Antarcticus) paralleli quidem Æquatori erant: verùm cum possent paralleli innumeri intelligi inter Æquatorem & utrumque Polorum ducti, alii quidem semper apparentes circa polum elevatum, alii semper occulti circa polum depressum, cæteri unâ sui parte apparentes, aliâ occulti ob horizontis interceptionem; ideo circulorum Polarium alter habebatur maximus semper apparentium, alter maximus semper occultorum; variisque adeò pro varietate altitudinis Poli erant, tanquam alterâ parte sui præterradentes horizontem.

Hâc ratione Parisiis circuli Polares, hoc est, tam maximus semper apparentium circa polum Boreum, quam ma-

ximus semper occultorum circa polum Austrinum, distarent à suo uterque polo 48. gradibus & 50. minutis.

CAP. X.

De Coluris.

Sequuntur Coluri, seu duo majores ex mobilibus Sphæræ circulis, qui se invicem ad angulos rectos in polis Mundi intersecantes, mobileis alios intersecant, & in quaternas parteis æqualeis distinguunt.

Repræsentant verò in cœlo duos circulos, quos concipimus pari modo sese & alios intersecare; ac ideo putantur κόλυροι, quasi *mutuli*, appellati, quòd nunquam neque integre neque uniformiter supra horizontem (intellige obliquum, seu in sphæra obliqua, de qua dicetur postea) appareant.

Alter porrò Æquinoctiorum, alter Solstitiorum Colurus vocatur, quòd prior per puncta æquinoctialia transeat, principia nimirum Arietis ac Libræ; & posterior per solstitialia, principia nimirum Cancri & Capricorni.

Designant verò Coluri in Zodiaco quatuor appellata puncta Cardinalia: Principium nempe Arietis, in quo dum Sol est nox diei æquatur, & Ver incipit; principium Canceri, in quo dum est Sol maximus est dies, & incipit Æstas; principium Libræ, in quo dum est Sol æquatur iterum nox diei, & Autumnus incipit; principium Capricorni, in quo dum est Sol dies est minimus, & incipit Hyems. Hug spectant vulgata illa carmina,

Hæc duo Solstitium faciunt, Cancer, Capricornus;

Sed nocteis æquant Aries & Libra diebus.

Notandum autem illud proprium Coluri Solstitiorum esse, ut Zodiaci Poli in eo designentur; scilicet ad duo opposita puncta in quibus Polareis secant circulos, quæque undique à Zodiaco æqualiter distant.

CAP. XI.

De Zodiaco & Ecliptica.

Zodiacus demum est latus ille & mobilibus cæteris superductus circulus, qui Tropicos heinc inde attingens, Æquatorem obliquè secans, duodecim Figuris notatur, ac mediâ in longum interstinguitur lineâ quæ Ecliptica dicitur, Sphærâque in Boream Austrinâque parteis discernit.

Repræsentat autem in cœlo parem circulum, latum scilicet obliquûmque, & pari modo sese habentem ad Æquatorem & Tropicos, ac similiter interstinctum lineâ vocatâ Eclipticâ, insignitûmque 12 Asterismis, & distinguentem similiter cœlum in duo Hemisphæria, alterum Boreale, alterum Australe.

Dicitur verò Zodiacus, quòd hujusmodi Asterismi *Ζωδιακῶν Animalium* formis majori ex parte pingantur; uti & quòd tales Asterismi Signa dicantur, appellatur Signifer; cùm & à sitûs obliquitate non rarò vocetur circulus Obliquus.

Cæterùm latus decernitur, quòd cùm Planetæ per eum moveantur, non omnes eandem teneant viam, sed Sole quidem incedente medio, per lineâm putâ Eclipticam, cæteri obliquos ad hanc lineam cursus instituunt, & ob vias ab ipsa duobus in locis oppositis intersectas, nunc in Boream, nunc in Austrum deflectant, isti quidem plûs, illi autem minûs; ac ideo sit congruum isti circulo tribuere latitudinem, quæ deflexiones has complectatur, existenteis putâ heinc inde sex, septem, octo, plûs minûs, graduum.

Sed de motibus quidem Planetarum dicendum erit expressûs in succedente Theorica parte; heic, propter illa quæ dicenda supersunt circa Sphæricam, anticipandum est aliquid necessariò de motu Solis.

Itaque cùm Sol abreptus à Mobili primo circuitum dixim ab ortu in occasum perficiat, ipse tamen interea pro-

prio lentoque motu regreditur, tenditque in ortum, (& obliquè quidem, secundum Zodiaci ductum) eo modo quo nauta à navi abreptus incedere contrario motu, à prora nempe in puppim, potest.

Lentum dico; siquidem Sol nonnisi unum proximè gradum hocce suo motu intra unum diem, seu horas 24. conficit; neque circuitum integrum, nisi intra annum, absolvit. Unde & sicut potest Formica, dum à rota abripitur, & centies plurièscque integre circumagitur, potest, inquam, ipsa interim opposito motu incedens unam integram circuitiorem peragere: ità Sol abreptus à mobili primo, trecenties sexagies & quinquies circumagitur in occasum, dum interim ipse semel proprio motu versus ortum revolvitur.

Hic porrò est motus quo per medium Zodiaci describitur circulus seu Orbita Solis, quam idcirco vocant Eclipticam lineam, quòd Luna ipsam pertransiens, dum Soli conjungitur aut opponitur, sui Solisve Eclipsin pariat; ut dicendum inferiùs est.

C A P. XII.

De Signis Zodiaci.

Dictum est jam antè Zodiaci Signa esse numero duodecim; en verò quibus repræsentari characteribus soleant. Aries ♈, Taurus ♉, Gemini ♊, Cancer ♋, Leo ♌, Virgo ♍, Libra ♎, Scorpius ♏, Sagittarius ♐, Capricornus ♑, Aquarius ♒, Pisces ♓.

Mos est ut unicuique signo attribuantur 30. gradus, (tamen ipsi Asterismi inæquales inter se sint, seu alii breviores, alii prolixiores) totidem enim gradus prodeunt, ubi 360. dividuntur per 12.

Initium autem ducitur ab Ariete, hoc est à sectione verni Æquinoctii prope quam Arietis Asterismus fuit, cum ante bis mille annos circiter excoli in Græcia Astronomia coepit.

Tamen

Tametsi enim hic Asterismus ob lentum Firmamenti motum, de quo dicitur postea, exinde jam recesserit, & totus penè transierit in locum in quo erat Asterismus Tauri, ipsi tamen 30. primi gradus retinent semper nomen Arietis, uti & sequentes 30. nomen Tauri, licet pariter Asterismus Tauri locum Geminorum occupaverit; & ità de aliis.

Ex hoc autem fit, ut distinctionis gratià hi ter deni gradus non Asterismi quidem, sed Signa tamen Arietis, Tauri, Geminorum, &c. vocentur; & dicantur præterea Dodecatemoria, quòd sint duodenæ Zodiaci partes.

Dicitur verò Sol, aut alius Planeta, esse in aliquo Signo, cum est sub ipso, seu cum inter oculum nostrum ac tale Signum intercipitur; Stellæ autem fixæ quæ extra Zodiacum sunt, esse in eo Signo, seu potius referri ad id Signum, dicuntur, inter quod & proximum Zodiaci Polum contingit ipsas intercipi.

Ex his Signis, γ , δ , π , ϵ , ρ , μ , dicuntur Borealia; α , m , ζ , ν , ω , κ , Australia: At verò ν , ω , κ , γ , δ , π , Ascendentia; ϵ , ρ , μ , α , m , ζ , Descendentia.

Rursus γ , δ , π , dicuntur Verna, ϵ , ρ , μ , Æstiva; α , m , ζ , Autumnalia; ν , ω , κ , Hyemalia.

Prima autem quæque horum ternionum, γ , ϵ , α , ν , dicuntur Cardinalia, quòd Sole in eas ingrediente anni Tempestates Quadrantèsve incipiant; itémque Mobilia, quòd tunc fiat qualitatum mutatio: Média verò δ , ρ , m , ω , dicuntur Immobilia, quòd tunc tempestates quasi fixæ sunt: Extrema π , μ , ζ , κ , Communia, comparatè scilicet ad Mobilia & Immobilia; itémque Bicornpora, quòd π & κ duplicia manifestò sint, ζ ex equo & homine constet, μ Spicam manu gestet.

Sunt & variæ præterea denominationes Signis attributæ, maximèque ab Astrologis: nam (cætera inter) accipiendo illa ab γ , tribus quibusque intermissis, γ , ρ , ζ , dicuntur Signa Ignea, Calida, Cholericæ; δ , μ , ν , Terreæ, Sicca, Melancholica; π , α , ω , Aërea, Humida, Sanguinea; ϵ , m , κ , Aquea, Frigida, Phlegmatica: ac dicuntur aded γ , ρ , ζ , constituere Trigonum Igneum; δ , μ , ν , Terreum; π , α , ω , Aëreum; ϵ , m , κ , Aqueum. Sic

Sic alia dicunt Masculina, alia Fœminina; alia Humana, alia Bruta; alia Fœcunda, alia Sterilia; alia Pulcra, alia Deformia; alia Diurna, alia Nocturna; alia Planetarum Domos, alia Exilia; alia eorundem Exaltationes, alia Casus, & alia id genus complura, quæ attingere nihil est necesse.

Adnotare præstat Solem ingredi mense quolibet in speciale Signum, ut putà Martio in ♃, Aprili in ♉, Maio in ♊, atque ità porro, quousque Februario ingreditur in ♈.

Ut noscatur autem quo circiter die hic ingressus fiat mense quolibet, notari carmina hæc possunt,

Livor mente latens insultat honoribus, horret

Grandia gesta, horrens insigni laude notatos.

Nimirum, si has 12. dictiones in 12. menseis sic tribuas, ut prima Martio, secunda Aprili, tertia Maio, cætera cæteris ex ordine respondeant, & attendens quota in Alphabeto sit prima cujusque litera, totidem ex 30. unitates detrahas, numerus residuus indicabit diem ingressus in Signum.

Exempli enim causâ, quia Martio dictio *Livor* respondet, & prima ejus litera L in Alphabeto decima est: subtrahæ 10. ex 30. & remanentia 20. indicabunt Solem ingredi in Signum ♃ die 20. mensis Martii. Ac pari ratione litera M vocis secundæ respondentis Aprili monstrabit, 11. ex 30. detractis, Solem ingredi in ♉ die Aprilis 19. Et non secus litera N vocis ultimæ respondentis Februario suggeret, detractis 12. ex 30. Solem in ♈ ingredi die Februarii 18. Atque ità de cæteris.

Si quæratur autem in quo proximè Zodiaci gradu sit Sol quolibet mensis cujusque die, nihil aliud oportet quàm addere ad propositum diem numerum literâ designatum.

Nam si numerus quidem prodiens excedat 30. excessus (unitate additâ) indicabit gradum Signi in quod illo mense ingreditur Sol; sin verò deficiat, ipsemet indicabit gradum ejus signi in quod fuerit ingressus Sol à mense usq; antecedente.

Exempli causâ, si quæratur ubi sit Sol die Septembris 28. ad 28. adde 7. ob literam G. vocis *Grandia* respondentis Septembri, in Alphabeto septimam; prodibunt 35. detrahe 30, & excessus 5. cum unitate, hoc est 6. indicabit Solem

Solem versari in gradu 6. \simeq , in quam illo mense ingreditur Sol. Et si quærat ubi sit Sol die ejusdem mensis 12. ad 12. adde iterum 7. consurgent 19. & hic numerus indicabit versari Solem in 19. gradu \simeq , in quam ingressus fuerit à mense usque superiore.

CAP. XIII.

De aliis quibusdam in Sphæra intellectis circulis, ut qui dicuntur Verticales, Altitudinis, Distantiæ, Positionis, seu Domorum cœlestium.

PRæter circulos hætenus descriptos, intelligi possunt in Sphæra aut cœlesti globo (atque adeò etiam in cœlo) alii circuli, quorum crebra est apud Astronomos mentio; adeò proinde ut non sint aliqui præcipui ex iis reticendi.


Verticales itaque circuli dicuntur qui per Zenith, seu verticale punctum, & per Nadir ipsi oppositum transeunt, rectaque proinde horizontem secant. Solent autem hi circuli Arabicâ voce Azimutha dici.

Cùm hujusmodi verò circuli secare horizontem innumerari possint, ex quo à Meridiano (qui pro uno verticalium habetur) in ortum occasumve disceditur, primarius tamen Verticalis habetur is qui transit per intersectiones Horizontis & Equatoris.

Altitudinis circuli ii sunt qui supra horizontem ac ipsi horizonti paralleli sumuntur, sensimque decrescunt, seu semper minores minorésque sunt, quousque desinant in verticis punctum. Vocari autem & ipsi solent Arabicâ voce Almicantharath.

Mos est utrosque hos circulos in ipsis, ut vocant, Astrolabiis Planisphæriisve representari: cùm & possint intelligi ex subjecto heic schemate Sphæra dimidium (prout in plano perspicitur potest) representante. Scilicet A B est Horizon, C Zenith, D Nadir, C A D B Meridianus: Cæteri circuli à Zenith in Nadir per decem horizontis gradus ducti,

ducti, ipsi Verticales, ac in illis CED Verticalis primarius; at FG, HI, & alii ad horizontem paralleli, & per denos gradus meridiani ducti, circuli sunt Altitudinis.



Distantiæ Circuli appellantur qui, ex majoribus cum sint, transeunt per duo Sidera, quorum proinde mutua distantia nihil aliud est quam interceptus inter ipsa arcus aliquis hujusmodi circularum.

Talem in schemate præmisso possumus intelligere circumulum magnum KL, transeuntem per M stellam Pollucis, & N Spicam Virginis. Arcus nimirum MN, qui 90. graduum cum dodrante est, ipsa est stellarum istarum distantia. Posi-

Positionis five Domorum cœlestium circulos appellant tam Horizontem ac Meridianum, quàm alios quatuor circulos qui se invicem & cum ipsis ad communeis eorundem meridiani ac horizontis sectiones interfecant, & sex cùm sint, ut totam Sphæram, sic universum cœlum distribuunt in duodecim parteis, quas Domos cœlesteis appellant, quarumque sex infra, sex supra horizontem sunt.


Prima autem habetur quæ est proximè infra horizontem ad ortum, diciturque & Horoscopus, & domus Vitæ; Succedens inferiùs dicitur domus Divitiarum; Tertia consequens domus Fratrum; Quarta in imo cœli domus Parentum; ceteræque ex ordine, prout hisce duobus carminibus indigitantur,

*Vita, Lacrum, Fratres, Genitor, Natique, Valetud',
Uxor, Mors, Pietas, & Munia, Amici, Inimici.*

Notandum autem hos Positionis five Domorum circulos dividere in parteis æqualeis, juxta aliquos quidem Æquatorem, juxta alios Zodiacum, juxta alios Verticalem primarium.

Intelligere rem licebit ex appposito schemate: in quo hemisphærium orientale repræsentante A B est Horizon; C A D B Meridianus; A E B, A F B, A G B, A H B, Positionum circuli; I K vel Æquator, vel Ecliptica; C D Verticalis primarius: designatus autem domorum ordo, infra horizontem quidem I. II. III. supra verò X. XI. XII. cùm & residuarum numerum ac seriem oporteat intelligere in hemisphærio occidentali.

ducti, ipsi Verticales, ac in illis CED Verticalis primarius; at FG, HI, & alii ad horizontem paralleli, & per denos gradus meridiani ducti, circuli sunt Altitudinis.



Distantiæ Circuli appellantur qui, ex majoribus cum sint, transeunt per duo Sidera, quorum proinde mutua distantia nihil aliud est quàm interceptus inter ipsa arcus aliqujus hujuscemodi circularum.

Talem in schemate præmisso possumus intelligere circumlum magnum KL, transeuntem per M stellam Pollucis, & N Spicam Virginis. Arcus nimirum MN, qui 90. graduum cum dodrante est, ipsa est stellarum istarum distantia.

Poss-


Positionis five Domorum cœlestium circulos appellant tam Horizontem ac Meridianum, quàm alios quatuor circulos qui se invicem & cum ipsis ad communis eorundem meridiani ac horizontis sectiones interfecant, & sex cùm sint, ut totam Sphæram, sic universum cœlum distribuunt in duodecim parteis, quas Domos cœlestis appellant, quarumque sex infra, sex supra horizontem sunt.

Prima autem habetur quæ est proximè infra horizontem ad ortum, diciturque & Horoscopus, & domus Vitæ; Succedens inferiùs dicitur domus Divitiarum; Tertia coniequens domus Fratrum; Quarta in imo cœli domus Parentum; ceteræque ex ordine, prout hisce duobus carminibus indigitantur,

*Vita, Lucrum, Fratres, Genitor, Natiq̃ue, Valetud',
Uxor, Mors, Pietas, & Munia, Amici, Inimici.*

Notandum autem hos Positionis five Domorum circulos dividere in parteis æqualeis, juxta aliquos quidem Æquatorem, juxta alios Zodiacum, juxta alios Verticalem primarium.

Intelligere rem licebit ex apposito schemate: in quo hemisphærium orientale repræsentante A B est Horizon; C A D B Meridianus; A E B, A F B, A G B, A H B, Positionum circuli; I K vel Æquator, vel Ecliptica; C D Verticalis primarius: designatus autem domorum ordo, infra horizontem quidem I. II. III. supra verò X. XI. XII. cùm & residuarum numerum ac seriem oporteat intelligere in hemisphærio occidentali.



Præterea placere quibusdam, Positionum circulos se
intersecare non quâ dictum est, sed in Polis Mundi; quo
casu rejecto horizonte, ad Meridianum quin-
tus. Quibusdam in Polis Zodiaci; quo casu rejecto etiam
Meridiano, adhibetur sextus: ut domus semper sint duo-
decim.

CAP. XIV.

*De Circulis itidem alijs, Declinationis ac Latitudinis:
ubi & de Ascensione ac Longitudine Siderum.*


PRæcipuè verò cognitu necessarii sunt, qui circuli Declinationis & Latitudinis appellantur.

Et Declinationis quidem circuli ii sunt, qui per polos Mundi ducti secant Æquatorem ad angulos rectos. Cùm enim Siderum Declinatio computetur ab Æquatore tendendo in polum Mundi alterutrum, perspicuum est Declinationem cujusque Sideris, alteriùsve cœli puncti, nihil esse aliud quàm cujusque horum circularum arcum, qui inter Æquatorem & tale Sidus aliùdve punctum intercipitur.

Constat autem Declinationem esse proinde duplicem, aliam Borealem, aliam Australem; prout scilicet id punctum, aut Sidus, ad Boream Austrumve Æquatoris est.

Sic in subjuncto schemate, cùm A B sit Æquator, C polus Mundi Boreus, D Austrinus, C A D B Colurus Solstitionum, C E D Colurus Æquinoctiorum; erunt tam ipsi Coluri quàm Circuli C F D, C G D, C H D, C I D, Declinationum circuli; ac Stellæ K Declinatio (& Borea quidem) erit arcus HK, Stellæ L Declinatio (& Australis quidem) arcus I L. Parique modo punctorum Solstitialium M & N Declinatio erit, Borea quidem B M, Austrina verò A N.

Notan-



Notandum verò copulari cum Declinatione Ascensionem rectam : Ità scilicet nominant arcum Æquatoris, qui à principio γ ad punctum usque quo circulus Declinationis designatus Æquatorem secat intercipitur, quatenus hujusmodi punctum oritur ascenditve simul cum designato cœli puncto, aut Sidere in horizonte recto. Quis autem sit rectus, quis obliquus horizon, intelligetur statim uberius ex insequente capite.

Sic ascensio recta Stellæ Kerit arcus Æquatoris EH ; Stellæ L arcus EI ; Initii Cancræ M arcus EB, quadrans scilicet, seu 90 gradus ; Initii Capricorni arcus EB, cum toto

totò reliquo hemisphærio ad usque A, quadrans scilicet, seu gradus 270.

Dicitur autem Ascensio Recta, quoniam ubi est Horizon obliquus, Ascensio quoque Obliqua est; neque illud idem Equatoris punctum cum designato cœli puncto Siderisve oritur amplius, sed aliquod aliud prius aut posterius. Ex quo efficitur ut Equatoris arcus hisce duobus punctis interceptus Ascensionalis differentia vocetur.

Sic in hac urbe, exempli gratiâ, differentia Ascensionalis initiorum \S & Ψ est 30. graduum; & quia initium \S posterius, initium Ψ prius, quàm punctum Ascensionis rectæ oritur, fit ut Ascensio obliqua initii \S sit Parisiis 120. graduum, & initii Ψ 240: quod idem proportionem intelligendum in Stellis est.

Latitudinis circuli ii sunt qui per Polos Zodiaci seu Eclipticæ ducti Eclipticam secant ad angulos rectos. Cum enim Siderum Latitudo ab Ecliptica computetur, perspicuum est Latitudinem nihil esse aliud quàm cuiusque horum circulorum arcum, qui inter Eclipticam & designatum Sidus (aliudve cœli punctum) intercipitur.

Constat verò similiter Latitudinem esse duplicem, aliam Boream, aliam Austrinam, prout Sidus ad Boream Austrumve Eclipticæ est.

Sic in præmissio schemate, cum NM sit Ecliptica, O polus Eclipticæ Boreus, P Austrinus, O N P M idem Solstitionum Colurus; erunt tam ipse Colurus, quàm punctati circuli O Q P, O R P, O S P, O T P, O V P, Latitudinis circuli: ac Stellæ K Latitudo (& Borea quidem) erit arcus V K; Stellæ L Latitudo (& Australis quidem) arcus T L.

Notandum autem copulari hæc quoque cum Latitudine Longitudinem; ita enim appellant Eclipticæ arcum qui ab initio γ ad punctum usque quò circulus Latitudinis Eclipticam secat intercipitur.

Sic Longitudo Stellæ K erit arcus Eclipticæ S V: Stellæ L arcus S T. Ac pari modo Solis existentis in principio \S Longitudo erit arcus S M, quadrans, scilicet, seu gradus 90;

90; existentis in principio ψ idem arcus, cum toto hemisphærio residuo ad usque N, dodrans scilicet, seu gradus 270.

Prætereo porro perspicuum esse, quod Sidus est in Æquatore carere omni Declinatione, & quod est in Ecliptica carere omni Latitudine; ac præterea, tam Declinationem quàm Latitudinem non posse excedere gradus 90, siue quadrantem circuli, quòd utraque terminetur heinc indè ad oppositos Polos; cùm tamen tam Ascensio recta quàm Longitudo excurrant ad usque 360, videlicet secundum totum tam Æquatoris quàm Eclipticæ ductum, quousque discessione factâ ab initio γ ad idem redeatur.

Prætereo item facile caveri æquivocationem quâ Geographi voces Longitudinis Latitudinisque usurpant; quippe advertendum solummodo est, dum ipsi quoque in Terra Æquatorem & Meridianos, seu circulos transeuntes per Polos, designant, Longitudinem ab iis dici quam heic Ascensionem rectam dicimus, Latitudinem, quam Declinationem.

CAP. XV.

De triplici positu Sphæræ, Recto, Obliquo, Parallelo.

EXpositis hætenus Sphæræ circulis, sequitur paucis attingamus (quod jam semel ac iterum circa Horizontem insinuavimus) cujusmodi sint positus juxta quos Sphæra Recta, Obliqua, Parallela statuitur; ac potest idem proportionem intelligi in ipso Mundo.


Itaque Recta dicitur Sphæra, in qua utroque polo horizonti insistente, Sidera oriuntur & occidunt rectâ, siue ascendunt descenduntque factis angulis ad horizontem rectis: unde & in tali situ Horizon Rectus dicitur.

Obliqua, in qua altero polorum supra horizontem ela-

ro, altero infra depresso, Sidera oriuntur occiduntque obliquè, sive ascendunt descenduntque factis angulis ad horizontem obliquis : unde & in tali situ Horizon dicitur Obliquus.

Parallela, in qua altero polorum constituto ad Zenith, altero ad Nadir, sidera neque oriuntur neque occidunt, seu neque ascendunt neque descendunt, sed moventur motu ad horizontem parallelo : unde & in tali situ Horizon Parallelus vocatur.

Potest triplex situs sic representari,



In Sphæra Recta omnia Astra oriuntur & occidunt. In Obliqua aliqua oriuntur & occidunt; aliqua nunquam oriuntur, sed sub horizonte semper delitescunt; aliqua nunquam occidunt, sed perpetuò sunt supra horizontem. In Parallela, ut jam dictum, nulla neque oriuntur neque occidunt; sed pars semper supra, pars semper infra horizontem sunt; nisi quòd *Æquatore* coëunte in eundem cum Horizonte circulum, & dimidio Zodiaci semper elato, dimidio semper depresso, ea quæ percurrunt Zodiacum dimidio decursus conspicua, dimidio inconspicua fiunt.

In Recta sunt Sphæra qui directè sub *Æquatore* habitant; in Parallela, qui directè sub *Polis*; in Obliqua, qui degunt in locis inter *Æquatorem* & alterutrum polum intermediis.

In Recta perpetuum æquinoctium est, seu tam dies quam nox est semper 12. horarum; quòd Sol, ubicunque in Zodiaco sit, tantum temporis supra quantum infra horizontem moretur; utpote omnibus ejus circuitibus (sive parallelis quasi circularis) ab horizonte constanter bisectis.

In Parallela dies perseverat totos sex menses continuos, & nox etiam continuos sex; quòd Sol, ut supra *Æquatorem*, ita & supra horizontem totos sex menses maneat (idque dum per treis gyrando ascendit, & per treis descendit) ac infra consimiliter.

In Obliqua, inæqualitas est dierum & noctium; quòd ab usque *Æquatore* versus polum elevatum arcus diurni Solaris motus (ii nempe qui sunt supra horizontem) sint semicirculo majores, & nocturni versus depressum minores. Atque ita quidem, ut citra (v. c.) *Æquatorem* maximus dies, qui contingit Sole existente in principio ☊, evadat sensim, tendendo nos versum, horarum 13, 14, 15. sitque heic Parisiis 16. ac porro pergat fieri 17, 18, &c. quousque degentibus sub polari circulo (ubi ipse *Tropicus* ☋ est apparentium maximus, horizontemque adeò stringit) sit horarum 24. cum & exinde procedendo mora Solis supra horizontem plurium pluriumque dierum evadat, & fiat etiam mensis unius, & duorum, & trium, & quatuor, & quinque,

quinque, & sub polo denique sex. Quod eodem proportionis modo concipiendum est circa noctem, existente Sole ultra Æquatorem.

Ubi illud est consideratu dignum, nullum esse in terra locum cui intra annum integrum non sit ut diurnum, sic nocturnum tempus sex mensium: quatenus in Sphæra quidem Parallela utrumque tempus est continens; in Recta, diutius per alternas vices æqualeis distribuitur; in Obliqua, prolixitas dierum & brevitates noctium per æstatem compensatur cum brevitate dierum & prolixitate noctium per hyemem. Et quot per æstatem sunt continentes ultra Polarem dies, tot per hyemem sunt continentes noctes.

CAP. XVI.

De Zonis, ac ideo de Ventorum Plagis per Parallelos Sphære circulos designatis.

Hisce cohærens est ut dicamus de Zonis, seu ingentibus quasi fasciis, quas per descriptos Sphære circulos Parallelos descriptas antiquissimum est in cœlo agnoscere, juxta illud Virgilii,

*Quinque tenent cælum Zone, quarum una corusco
Semper Sole rubens, &c.*

Fuere autem semper quinque habitæ: una, scilicet media, appellata Torrida, inter duos Tropicos contenta; duæ extremæ, Frigida vocata, ac inter Polareis viciniorque Polos comprehensa; duæ heinc inde Temperata dictæ, & Tropicos inter Polareisque interjectæ. Ac Polybius quidem Torridam in duas, Æquatore medio, distinxit; verum sectatoribus caruit.

Notandum verò, cum ab usque Thalete Temperata & Frigida separarentur per Polareis quales sunt superius descripti juxta Veteres, primum memorari Posidonium qui separavit per Polareis quales in Sphæris jam habentur; sicque eas fecerit constantes, cum prius, prout varia erat Poli altitudo, aut dilatarentur aut contraherentur.

Cum ipse porro Terræ globus coelo subjaceat undique, idcirco sunt eadem Zonæ ipsi Terræ attributæ, juxta illud Ovidii,

Uique dux dextrâ cælum, totidèmq; sinistrâ


Parte secant Zonæ, quinta est ardentior illis;

Sic onus inclusum, &c.

Quinetiam Zonæ terrenæ sunt, quibus propriè competit ut Torrida, ac Frigida, Temperataque nominentur; cum & terrestres Torrida sit, quæ credita olim inhabitabilis fuit ob nimium fervorem ex radiis Solis ad perpendicularum immixtis creatum, & Frigida similiter ob algorem nimium ex obliquè nimium appellentibus radiis. Tamen si fuere non ita pridem tam in Torrida quam in Frigidis (sed in Torrida maxime) numerosissimi incolæ reperti.

Quomodo autem terrestres Zonæ respondeant i psis cælestibus, videtur non incommodè intelligi ex sequente **Figura.**

Cæterum



Ceterum, si quem internorem circulum repræsentare Ter-
ram vides, quasi Horizontem cujusslibet regionis habeas,
& præter punctum B, quo intersecatur à Meridiano ad Bo-
ream, & punctum A, quo ad Austrum, adpores decem alia
puncta, quinque videlicet ad ortum & quinque ad occa-
sum, ut puta CD, EF, GH, IK, LM, quibus interseci-
tur ab Æquinoctiali, Tropicis & Polaribus, ac tum ex his
duodecim punctis flare concipias totidem ventos versus
Punctum N, horizontis umbilicum, ipsiusve spectatoris
locum; intelligere exinde licebit quomodo Antiqui plagas
cæli determinarint, ex quibus venti adventarent (nisi quod

puncta designata à circulis Polaribus fuere primitus prop-
ter causam jam declaratam inconstantia.)

C Nimirum à puncto B flantem dixere Ἀπαικτίαν, *Septen-
trionem*; à puncto A, Νότον, *Austrum*; à puncto C, Ἀπ-
ανώτην, *Subsolanum*; à puncto D, Ζέφυρον, *Favonium*; à
puncto E, Βορέαν, Κακίαν, *Aquilonem*; à puncto F, Ἀγέ-
στην, Σιέραν, Ὀλυμπίαν, Ἑλλησποντίαν, *Caurum*, seu *Corum*;
à puncto G, Εὐρον, *Vulturnum*; à puncto H, Λίβα, *Afri-
cam*; à puncto I, Μέσσην, quibusdam *Boream*, quibusdam
Aquilonem, quibusdam *Caciam*; à puncto K, Θραστίαν,
aliquibus *Corum*; à puncto L, Φοινικίαν, Εὐέροντων, aliqui-
bus *Vulturnum*; à puncto M, Λιβόροτον, *Altanum*.

Prætereo autem ut recentiores, ac Nautæ præfertim, di-
stinguere soliti ventos numero 32. (horizonte nempe in par-
teis 32 æqualeis diviso) non alia curent ex his punctis quàm
quatuor Cardinalia, B, A, C, D, nominando Ventos qui
ab ipsis flant, in mari quidem Mediterraneo, *Tramontana*,
Ostro, *Levante*, *Ponente*; in Oceano verò, *Nord*, *Sud*,
Est, *Ouest*: & flanteis à punctis inter ipsa mediis, in Me-
diterraneo quidem, *Græco*, *Maestro*, *Sirocco*, *Garbino* (aliàs
Lebechio;) in Oceano verò, *Nord-est*, *Nord-ouest*, *Sud-est*,
Sud-ouest: ac flanteis rursus à punctis intermediis, com-
positis vocibus, *Tramontana-Græco*, *Tramontana-Mae-
stro*, &c. *Nord-nord-est*, *Nord-nord-ouest*, &c. incipiendo
semper ab iis qui flant à punctis Cardinalibus: flanteis de-
nique à punctis iterum intermediis, per quadranteis octan-
tium, hoc modo, *Quarta di Tramontana-Græco*, *Quarta
di Tramontana-maestro*, *quarta di Græco-tramontana*, &c.
Nord-gen-esten, *Nord-gen-ouest*, *Nord-est-gen-nør-
den*, &c. incipiendo semper ab iis qui flant ab octo prima-
riis punctis.

CAP. XVII.

De Climatibus, deque varietate Incolarum Terræ propter Parallelos.

CUM Zonarum porrò distinctio antiquis non sufficeret ut varietatem sitûs regionum citra Æquatorem notarent, idcirco adhibendos esse plureis parallelos censuerunt, quibus quædam veluti Zonæ minores subdistinguerentur, eæque vocatæ Climata, quasi dicas Inclinationa, sive deflexiones à Sphæræ rectæ situ.

Cùm unumquodque autem Clima ità limitarent duobus parallelis, initio ab Æquatore ducto, ut in remotiore ab Æquatore maximus anni dies esset horæ dimidio quàm in breviori prolixior, non habuere tamen rationem primi Climatis, in cuius altero extremo maximus dies esset horarum 12. cum semisse, quasi illud foret prorsus inhabitabile; verùm habuere quasi primum illum in cuius altero extremo dies maximus foret tredecim horarum, quasi illeic Torrida Zona propiùs accedens ad Temperatam habitari inciperet.

Non fuere verò soliti distinguere plura Climata quàm septem, quòd ea abundè regiones omneis tum notas comprehenderent: indigitârunt autem illa nuncupationibus locorum quorundam celebrium, quæ in singulis comprehendebantur; appellârûntque adeò ipsa, *Διά Μεσην*, *Διά Συών*, &c. hoc est, quasi transeuntia per Meroen, per Syenem, per Alexandriam, per Rhodum, per Romam, per Pontum, per Borysthenem.

At recentiores, ob Terram jam longè latèque cognitam, distinguunt illa 24. ob 24. horarum semisseis, seu 12. horas, quibus dies maximus increscit ab usque Æquatore ad usque circulum Polarem, in quo climata desinunt, die maximo excedente modum.

Prætereo autem unumquodque Clima ità distingui solitum, interdûcto alio parallelo, in duas parteis, sive Zonas adhuc

adhuc minores, ut in alterius cujusque extremis discrimen diei maximæ sit unius quadrantis horæ. Taleis porrò Zonulas, sive semisseis Climatum, nuncupavere (speciali vocis usurpatione) Parallelos; quos proinde constat distinguere jam posse 48.

Hâc ratione, cùm in hac urbe v. c. dies maximus sit horarum 16. patet quorsum dici possit constituta urbs in fine octavi Climatis, ac simul in fine Paralleli decimi-sexti.

Quamquam non designant jam amplius Astronomi loca per Climata & Parallelos, sed per polareis Elevationes; aut etiam (Geographorum more) per ipsas locorum Latitudines, distantiasve ab Æquatore.

Addendum verò, si Parallelos quolibet distinctos in Sphæra concipias, tum concipi quemadmodum singuli Incolarum terræ suos habeant quos dicunt *Περίοικους*, quasi dicas *Circumcolas*, *Ἀντοίκους*, quasi *Adversicolas*, & *Ἀντιπόδας*, quasi *opposita habentis vestigia*, seu *Ἀντίχθονας*, quasi *Incolas opposita terræ*; nisi quòd degentes directè sub polis (quòd in parallelo nullo sint) Antipodas solum seu Antichthonas habent.

Nam alioquin Perioeci quidem invicem dicuntur qui sub eodem sunt Parallelo; sed speciatim tamen qui ad parteis meridiani oppositas, hoc est, in diversis à Polo ad polum semissibus. Antœci, qui sub parallelis cis ac ultra æquatorem æquè disitis, sed ad eandem partem meridiani acceptis. Antipodes Antichthonéive, qui sub æquidistantibus quidem utrimq; ab Æquatore, sed ad parteis tamen meridiani oppositas sitis.

Notum verò est pro hac sitûs incolarum diversitate, eam varietatem dierum noctiûmque & tempestatum contingere, ut Perioecis quidem sint diversis temporibus dies & nox, sed iisdem æstas ac hyems; Antœcis verò dies & nox iisdem, sed æstas ac hyems diversis; Antipodibus denique diversis omnino tam dies & nox, quàm æstas & hyems.

Addendum quoque Incolas Parallelorum omnium intra Tropicos contentorum appellari solitos *Ἀπείκους*, quasi

utramque umbram habentis, (meridianam videlicet) quatenus Sole existente ad Boream, umbram habent versam ad Austrum, & existente ad Austrum, habent versam ad Boream. Incolas verò à Tropicis inclusivè ad usque Polareis *Pregressus*, quasi habentis alteram solum umbram, (ut nos habemus ad Boream;) hucque adeò spectare quod habet Lucanus de Arabibus intra Torridam degentibus, & ad Temperatam appulsis,

Ignorum vobis, Arabes, venistis in orbem,

Umbras mirati nemorum non ire sinistras.

Incolas demum à Polaribus ad usque Polos inclusivè *Pegressus*, quasi, Sole non occidente, *umbram habentes circum-*
actam per omneis plagas horizontis. Dico sole non occidente, quoniam cum, exceptis iis qui sub polis sunt, Sol interdum cæteris & oriatur & occidat, ii possunt illo tempore in Heterosciis haberi.

CAP. XVIII.

De Crepusculis quæ ad horizontem in quovis Sphæra sunt visuntur.

Quoniam Primi mobilis motus, qui circumductione Sphæaræ declaratur, Siderum ortum & occasum prout ad horizontem refertur inducit, ideo de ortu occasuque consequenter dicturus præmittendum est aliquid de Crepusculis & Refractionibus ad Horizontem observatis.

Imprimis verò Crepusculum nihil est aliud quam crepera illa, seu quasi dubia vel media, lux, quæ tam ante Solis exortum in regione orientis apparer, ac Aurora speciatim vocatur, quàm post Solis occasum in regione occidentis, & Crepusculi nomen retinet.

Causa illius est Atmosphæra, seu regio vaporum quæ Terra quasi circumvestitur; ea quippe productior quàm extremum terræ conspicuum, tum citius manè recipit, tum serius vespere amittit, degentis infra horizontem Solis radios,

ac illos reflectens ad nos, præstat ut lucida videatur.

Nempe si nulli essent vapores, sed purissimus solidum aër, nihil planè lucis sive ante exortum sive post occasum Solem cerneremus; verùm transitus fieret ex tenebris meris ad diurnam lucem, ex diurna luce ad tenebras meras.

Observandum est autem, initium matutini & finem vespertini Crepusculi tum contingere, cùm Sol est infra horizontem octodecim plùs minùs gradibus, secundùm verticalem circulum, perpendicularitèrve acceptis. Et quia quantò minùs Sol ab horizonte abest, tantò ampliùs ex Atmosphæra supra horizontem exstante illustrat, ideo tantò quoque fit crepusculum clarius.

Prætereo deductum heinc fuisse, Altitudinem Atmosphærae supra terram esse 40 circiter Italicorum milliarum; tamen si videtur esse longè minor; quoniam prima illa ultimâque lux esse non directè à Sole, sed per reflexionem ex partibus ejusdem Atmosphærae inferioribus factum, potest.

Adnoto potiùs Crepusculum ideo in Sphæra recta brevissimum esse, quòd in quocunque parallelo sit Sol, ascensus descensusque ejus perpendicularis sit; & gradus illi octodecim ut in verticali, sic in parallelo proximè absumantur.

In Sphæra autem obliqua esse Crepusculum prolixius, quòd arcus paralleli inter punctum oritur occasive Solis in uno verticali, & punctum gradus decimi octavi in alio verticali interceptus, obliquè se habeat, sitque adeò octodecim gradibus prolixior. Unde & quia per æstatem prolixior quàm per hyemem est, fit ut crepusculum æstivum prolixius quàm hyemale sit; & in hac Urbe, exempli gratiâ, cùm per hyemem non accedat ad horas duas, accedat tamen per æstatem proximè ad quatuor.

Quinetiam observari potest, continuari in hac Urbe vespertinum crepusculum cum matutino per dies octo ante, & totidem post æstivum Solstitium; sicque nè in media quidem nocte crepusculum deficere, quòd tunc non demergatur Sol totis gradibus 18. infra horizontem, sed in ipso quidem Solstitio deficiant minuta 20.

Nihil

Nihil autem est opus admonere Crepusculum iri continuatum per dies tantò plureis, & evasurum etiam in media nocte tantò clariùs quantò Sphæra fuerit obliquior, quòd Sol sit tantò propiùs ab horizonte absfuturus, quousque supra horizontem circuitum perficiens (sub Polari nempe circulo, & ultrà) diem ut continentem, ità sine ullo crepusculo, creet.

Prætermittendum porrò non est, obliquitatem horizontis & parallelorum inæqualitatem causam fieri, ut cùm maximum Crepusculum per æstivum Solstitium sit longissimum, non sit tamen brevissimum per Solstitium hybernum; sed in hac quidem Urbe brevissimum sit sub diem primum Martii, & sub duodecimum Octobris.

In Sphæra demum Parallela esse continuum Crepusculum per dies proximè 52. quòd Sol aut descendens non citiùs, aut ascendens non tardiùs ab horizonte absit 18. gradibus secundùm verticalem acceptis.

CAP. XIX.

De Radium Siderorum Refractionibus, quæ ad horizon-tem maximè contingunt.

AD Refractiones quod attinet, cùm notum sit radios transeuntis obliquè ex medio rariore in densius refringi, & versus eum radium qui perpendicularis habetur deflecti, (veluti ex opposito transeuntis ex densiore in rari-
us refringuntur, & abeunt ab eodem perpendiculari) ea propter & Solis & cæterorum Siderum radii, dum ex purissi-
mo æthere in jam memoratam Atmosphæram incidunt obliquè, ac transitori per ipsam sunt, refringuntur versus per-
pendicularem, seu versus illum radium qui dirigitur ex Sole versus centrum terræ, quod idem cum centro Atmo-
sphære est.

Et quia tendentes versum nos radii sunt tum maximè versus perpendicularem obliqui, cùm Sidus est in horizon-
te ;

te ; idcirco tum fit maxima refraction : eaque evadit in Stellis quidem minorum 30, in Sole autem & Luna 33. aut 34. acprehenditur tantò minor, quantò Sidus evehentius est, adeò ut Stella ultra vigesimum, Sol & Luna ultra 35. aut 38. gradum altitudinis, sensibilem nullam refractionem patiantur.

Ex illa porrò horizontali refractione efficitur ut Sol v.c. in horizonte constitutus, & per radium refractum visus, appareat nobis 34. aut proximè minutis altior quàm reverà sit, & quam appareret si sublatis vaporibus directo radio conspiceretur ; & cùm ipsius diameter dimidii gradus, seu minorum 30. sit, ideo possit videri totus, cùm est tamen totus reverà infra horizontem.

Id perinde fit ac dum posito in fundo pelvis calculo, caput ità firmas ut labium pelvis obstet nè calculum videas, quem sis tamen aquà infusà visurus, calculo licèt oculoque immotis : Nimirum, qui radius directus definebat prius in frontem, ità refringitur transeundo ex aqua in aërem, ut allabatur oculo, calculumque ipsi visibilem faciat.

Ex hac interim causa est, cur interdum Lunà Eclipsin patiente, propter terram ipsi Solique interpositam, utrumque tamen Luminare supra horizontem exstans observeretur ; scilicet utrumque est reverà infra, licèt propter radios refractos super-exstare appareat.

Ex eadem etiam, cur in Nova Zembla post noctem continuam duorum mensium ac semissis, Hollandi Solem recuperàrint aliquot diebus maturiùs quàm meritò expectaretur ; Atmospharà videlicet speciem illius evehente.

Prætereo autem obliquitatem quâ species Solis in Atmospharam respectu nostrî allabatur, causam esse quamobrem Sol horizonti vicinus, non præcisè orbicularis, sed ellipticus ovatave specie appareat ; perpendicularem nempe diametrum transversà contractiorem habens.

CAP. XX.

De Ortū Occasūque Siderum Horizontali.

UT jam de Ortū Occasūque Siderum aliquid dicamus; is distingui solet universè duplex, Astronomicus & Poëticus. Non quòd istum quoque Astronomi non curent; sed quòd Poëtæ ipsum, reliquo neglecto, potissimum usurpent.

Et Astronomicus quidem Ortus Occasūque, cū nihil aliud sit quàm recta obliquave Ascensio & Descensio penes Æquatorem spectata, ideo cū jam dictum de recta obliquave Ascensione sit, non est quorsum heic nos quicquam moretur.

Poëticus autem attenditur vel penes Horizontem, supra quem emergunt aut infra quem demerguntur Sidera; vel penes Solem, à cujus radiis reliqua Sidera aut liberantur aut occultantur.

Qui porrò penes Horizontem attenditur, distinguitur duplex: alter scilicet Cosmicus, alter Acronychus vocatur.

Cosmicus, seu quasi Mundanus, tam ortus quàm occasus, est qui spectatur propriè circa ipsum tempus exorientis Solis, (nempe quasi tunc Mundus seu Naturæ facies instauretur.) Nam si quod astrum oritur quo tempore oritur Sol, id dicunt Cosmicè oriri. Et si rursus quo tempore Sol oritur (hoc enim inculco, ut caveatur confusio) aliquod Astrum occidit, illud Cosmicè occidere dicunt.

Cosmico ortu intelligitur oriri Taurus Mense Aprili, quo Soli in ipso exsistenti cooritur, juxta illud Virgilii,

Candidus auratis aperit cum cornibus annum

Taurus ———

Cosmico occasu intelliguntur occidere Pleiades per ipsum Autumnum, cū oriente Sole unà cum Scorpione in quo est, ipsæ in Tauro sitæ horizontem ex adverso subeunt, juxta illud ejusdem,

Antiè

*Antè tibi Eoz Atlantides abscondantur,
Debita quàm sulcis committas semina——*

Dico autem propriè; quoniam volunt etiam Cosmicè oriri & occidere (tamen si minùs propriè) quod Astrum oritur occiditve interdiu, seu donec Sol est supra horizon-tem.

Acronychus autem tam ortus quàm occasus est qui spectatur propriè circa ipsam tempus occidentis Solis, seu initii noctis; unde factum nomen (depravatè nempe Chronicum appellant.) Nam si quod Astrum unà cum Sole occidente occidit, occasus est Acronychus; & si quod iterum occidente Sole (hoc enim etiam heic inculco) ex adverso oritur, Acronychus habetur ortus.

Acronycho ortu intelliguntur oriri per Autumnum Pleiades, coorientes scilicet Tauro in quo, ut dictum est, sunt sitæ, donec Sol in Scorpione degens ex adverso occidit, juxta illud Ovidii,

*Ille careo vobis, Scythicas detrusus in oras,
Quatuor Autumno Pleias orta facit.*

Quo loco vides obiter eundem Autumnum exprimi, à Virgilio quidem per occasum, ab Ovidio verò per ortum earundem Pleiadum. Sed videlicet prout ille occasum Cosmicum intelligit, Pleiades enim per illud tempus manè occidunt; iste ortum Acronychum, eadem enim tunc vespere oriuntur.

Acronychi occasus rariora sunt exempla: nam quòd volunt quidem Sagittarium intelligi occasu hoc occidere, cùm Lucanus expressurus crepusculum proximè æstivum Solstitium, ait,

*——nam Sol Læda tenebat
Sidera, vicino cùm lux altissima Cancro est,*

Nox tum Thessalicas urgebat parva Sagittas;
constat non posse Sagittarium occidere tunc, nisi Cosmicè oriente putà Sole cum Geminis, ac sortiri duntaxat posse occasum Acronychum dum Sol est in ipso, ac unà cum eo occidit.

Dico verò etiam heic propriè; nam minùs propriè ap-
pellant

pellant etiam Acronychum ortum & occasum illum qui per noctem fit, seu Sole versante infra horizontem.

Nota proinde, posse tam ortum quàm occasum Cosmicum appellari Matutinum, & tam ortum quàm occasum Acronychum dici Vespertinum.

CAP. XXI.

De Ortū Occasūque Siderum Heliacō.

QU I penes Solem attenditur reliquorum Siderum Ortus & Occasus, is ab ipso Sole, qui Græcis est Ἥλιος , Heliacus vocitari solet.

Occidere porò Heliacè illud Astrum dicitur quod, cū prius manè vesperève conspiceretur, ob sui à Sole infra horizontem versante distantiam, conspici deinceps posse desinit ob Solis viciniam, ipsiusque Astri immersionem in Solareis radios, utpote quorum splendore quicquid circumquaque est obducitur, &, ut sic dicam, evanescit.

Oriri verò illud quod, cū prius foret ob Solis viciniam ejusque radios inconspicuum, conspici deinceps manè vesperève posse incipit, ob factam à Sole distantiam, emergenceque ex ejus splendore.

Causa autem cur aliqua Sidera occidant manè & oriantur vespere est, quòd suo per Zodiacum seu in ortum motu velociora sint quàm Sol, sicque eum manè assequantur, & vespere deserant.

Hujusmodi verò est Luna, quam constat suo in ortum motu & manè subire, & vespere exire ex radiis Solis.

Causa cur aliqua occidant vespere & oriantur manè est, quòd Sol suo motu per Zodiacum sit ipsis velocior, sicque ipsa suo splendore assequatur vespere, & deferat manè.

Hujusmodi verò sunt tam Stellæ Fixæ, quàm tres superiores Planetæ, Saturnus, Jupiter & Mars. Celebrant autem Poëtæ præsertim occasum ortumque Fixarum. Sic innuit Ovidius occasum Delphini, dum Sol Capricornum percurrit, illo disticho,

E

Quem

*Quem modò celatum stellis Delphina videbas,
Is fugiet visus nocte sequente tuos.*

Sic Virgilius occasum Canis (supple majoris, quem Caniculam quoque & Sirium appellari jam diximus,) dum Sol versatur sub finem Tauri, illis versibus,

*Candidus auratis aperit cùm cornibus annum
Taurus, & adverso cedens Canis occidit Astro.*

Utî & occasum Heliacum Coronæ Septentrionalis, dum Cosmicus est Pleiadum, cujus jam meminimus, illis,

*Antè tibi Eoa Atlantides abscondantur,
Gnosîaque ardentis decedat Stella Coronæ,
Debita quàm sulcis, &c.*

Sic innuit Ovidius Aquarii ortum, dum Sol est Pisceis subiturus, illo disticho,

*Jam levis obliquâ subsedit Aquarius urnâ;
Proximus atherios excipe Piscis equos.*

Et nemo penè Authorum est qui non celebrârit Caniculæ ortum, utî & consequenteis ipsum 30. 40. aut 50. dies (Authores nempe varii sunt) Caniculareis ex eo vocatos.

Prætereo autem, num tales dies, qui numerabantur primæ à die Julii circiter 17. quo ortus Canis contingebat, numerari debeant etiamnum ab eodem, ut solet vulgò fieri; cùm jam ortus Canis contingat duntaxat sub medium Augusti.

Cæterùm Planetas dixi superiores; nam duo inferiores, Venus & Mercurius, aliquando oriuntur manè & occidunt vespere, aliquando oriuntur vespere & occidunt manè.

Causa est, quia cùm Solem circumeunt, & non semper in ortum cursum dirigant, sed aliquando etiam versus occasum regrediantur, ut dicendum suo loco est, efficitur ut cùm aliunde sint velociores ipso Sole, tum assequantur illum manè, dum ab occidente adveniunt, & vespere eum deserant, dum procedere in orientem pergunt; tum vespere in Solem incurrant, dum ex oriente regrediuntur, & manè ipsum deserant, dum ire pergunt in occidentem.

CAP. XXII.

*De partibus Temporis (cujus mensura est Primus Motus
revolutione Sphære designatus :) ac primùm de Die.*

Dictum est antè Revolutionem, seu motum Primi Mobilis, qui explicari per Sphæram solet ac penes Æquatorem præsertim spectatur, mensuram esse Temporis; quamobrem incongruum non est ut heic pauca quædam de partibus Temporis, quatenus in ejusmodi mensuram cadunt, attexamus.

Cùm verò Dies primùm occurrat, ut quo tempus notius non sit, notandum est diem accipi bisariam, sicuti jam antè insinuatum est; primò nempe pro duratione integræ circumductionis Solis circa Terram, & secundò pro duratione sive mora Solis supra horizontem. Priore sensu Diem Naturalem, posteriore Artificialem appellari vulgare est.

Dies Naturalis, qui etiam *Nox* ἡμέρα , quasi *Noctidialis*, vocatur, quoddam diem artificialem quàm etiam noctem comprehendat, aut Astronomicus est, aut Civilis.

Astronomicus est temporis spatium quo revolutio integra Æquatoris peragitur, unà cum portione ejusdem Æquatoris respondente illi Eclipticæ portioni quam interim percurrit Sol.

Nam si Sol quidem non moveretur per Eclipticam, & cum eodem Æquatoris puncto quo à Meridiano v. c. discedit ad Meridianum rediret, tum integra una Æquatoris revolutio præcisè mensuraret diem: At quia Sol continuò promovetur, & diutius quidem uno proximè versus ortum gradu, heinc fit ut puncto Æquatoris cum quo Sol discessit ad Meridianum redeunte, Sol adhuc non redeat, sed cum uno gradu proximè posterius.

Proximè, inquam: nam partim quidem propter Zodiaci obliquitatem, partim ob Excentricitatem, de qua dicendum inferiùs est, nunc aliquid amplius, nunc aliquid minus uno

gradu addendum occurrit ; ac ex eo proinde aliqua creatur inæqualitas dierum. Nota verò obiter, cùm Sol motu mediocri percurrat diebus singulis minuta $59\frac{1}{2}$ ex Zodiaco, seu Ecliptica, percurrere interdum duo proximè minuta amplius, interdum duo proximè minús.

Civilis est, qui pro communi civitatis nationisve lege aut usu, quod ad sui principium finemve spectat, determinatur. Sic enim olim Babylonii diem auspicabantur ab exortu Solis, (quod etiamnum Norimbergenses faciunt ;) Judæi & Athenienses ab occasu, (quod etiamnum faciunt Itali, Austriaci, Bohemi, Silesii ;) Ægyptii à media nocte, (quod etiamnum Mysienses, imò & nos quoque ; nisi quòd videmur, uti & Germani, duplex initium facere, quatenus exactis in Meridie horis 12. ab unitate iterum inchoamus 12. residuas ;) Umbri à meridie, (quod etiamnum Arabes & plerique alii.) Nè memorem Astronomos inchoare quoque diem à meridie ; nisi quòd Tabulæ Prutenicæ dictæ principium statuunt in media nocte.

Quæ insuper varietas sit dierum Festorum, Profestorum, Comitialium, cæterorumque hujusmodi, infinitum sit dicere ; cùm gens unaquæque suos speciatim habeat.

Circa diem Artificialem, acceptumve pro mora Solis supra horizontem, illa debent sufficere quæ dicta sunt circa positum multiplicem Sphæræ.

Addendum heic solùm dies Artificiales inæqualiter crescere ac decrescere, ob Zodiaci obliquitatem. Siquidem circa æquinoctia crescunt ac decrescunt admodum sensibilibiter, quòd arcus diurni amplificentur contrahunturque admodum ; circa Solstitia verò valde insensibiliter, quòd arcus diurni ferè augeantur aut minuantur nihil.

CAP. XXIII.

De Hora.

SOlet dies proximâ divisione resolvi in Horas, & proximâ compositione evadere in Hebdomadas.

Horæ vox antiqua est quidem, sed sumpta nempe pro tempestate; nam usurpata posterius est pro parte diei vigesima quarta: cùm priscis vix aliâ ratione divideretur dies, quàm in matutinum, meridianum, & vespertinum tempus.

Est autem genus Horarum duplex: nam aliæ æquales, aliæ inæquales dicuntur.

Hora æqualis (quæ etiam æquinoctialis dici solet) est pars diei naturalis vigesima quarta; seu id tempus quo gradus Æquatoris 15 Meridianum prætercurrunt: (nisi quòd exiguum fit additamentum ob causam non multò antè memoratam.) Ac tale est genus Horarum quo semper usi Astronomi, quòque omnes ferè gentes jam utuntur.

Prætereo autem Astronomos talem Horam dividere in 60 scrupula, seu minuta prima, & quodlibet primum subdividere in 60 secunda, quodlibet secundum in 60 tertia, &c. ut suprà insinuatum est; Computatores verò Annaleis dividere horam in 4 quadranteis, seu, ut vocant, puncta, & quodlibet punctum variè subdividere in ostenta, momenta, &c.

Hora inæqualis (quæ etiam temporaria) est pars duodecima diei artificialis, & pars item duodecima noctis; qualibet nimirum die artificiali in duodecim parteis æqualeis divisâ, & nocte consimiliter. Adeò proinde ut hora inæqualis dicatur, non comparata ad alias horas ejusdem diei, sed ad horas aliorum dierum, cùm constet horas diurnas per hyemem esse longè breviores horis diurnis per æstatem, & horas nocturnas per hyemem æstatemque ex opposito.

Isto horarum genere usi sunt Judæi, ut ex variis Scripturæ locis intelligitur: in quibus cùm hora prima sit ea quæ immediatè ortum Solis consequitur; tertia est ea

quam nos dicimus nonam matutinam, (intellige verò præsertim circiter ipsum Æquinoctium) sexta quam meridiem, nona quam tertiam pomeridianam, undecima, à qua superest unica ante occasum Solis.

Eodem genere usos esse Græcos vel ex illo intelligitur, quòd Achilles Tatiùs quærit explicatque, cur in ea regione diceretur Sol in æstivo Solstitio creare diem 15. horarum, in hyberno novem; cùm in mechanicis horologiis hydrologiisque dies videretur perpetuò constare ex 12. horis.

Eodem quoque usos Romanos innumera loca Authorum convincunt: cujusmodi sunt v. c. illa,

Prima salutanteis atque altera continet hora;

Exercet rancos tertia caufidicos, &c.

Et, Stertimus, indomitum quod despumate Falernum

Sufficiat, quintâ dum linea tangitur umbrâ.

Ubi constat intelligi horam undecimam matutinam, seu unam horam ante meridiem.

CAP. XXIV.

De Hebdomade.

Hebdomadem esse dierum collectionem omnium antiquissimam, ex Sacro textu Geneseos patet.

Illâ usos fuisse ab omni memoria omneis Orientaleis promodum constat; Occidentaleis autem duntaxat à Christiana Fide recepta. Nam Græci quidem Decade, Romani Enneade potiùs utebantur.

Indigitavere Ethnici singulos Hebdomadis dies nominibus Planetarum singulis, ac retinentur etiamnum vulgò appellationes apud nos; nisi quòd loco diei Solis diem Domini seu Dominicam dicimus, ob reverentiam ejus diei quâ Christus Dominus surrexit à mortuis; & loco diei Saturni diem Sabbati, quasi diem Quietis, ob memoriam ejus quâ Deus initio legitur quievisse ab omni opere quod patrârat.

At

At cur post diem Solis sequitur dies Luna, post hunc dies Martis, &c. nusquam servato ordine quo se Planetæ habent in cœlo?

Id intelligendum est ex circulo, cujus circumferentiâ in septem parteis æqualeis divisâ, & ab utroque fine cujusque partis ductis lineis in punctum oppositum, triangula septem æquicrura creentur, in quorum cuspidibus Planetæ ex ordine collocentur : ut videre licet in apposito schemate.



Videlicet, si ex ♄ sequaris ductum lineæ quæ est ad lævam, incidēs in Solem ; si ex Sole sequaris ductum alterius, incidēs in Lunam ; si ex Luna alterius, in Martem ; atque ita porro eo ordine quo dies Hebdomadis nuncupantur.

Exinde etiam intelliges quâ fiat quòd putant hunc ordinem sequi ex eo dominio quod tribuunt Planetis singulis in singulas horas. Cùm enim velint primâ diei horâ (incipiendo à meridie) dominari Planetam qui diei nomen dat, & horâ secundâ Planetam sequentem, juxta ordinem quem descendendo habent in cœlo, ac tertiâ alium, & sic deinceps, etiam redeundo ad supremum cùm ventum fuerit ad infimum, juxta vulgaria hæc carmina,

*Luna, & Mercurius, Venus, & Sol, Mars, Jove,
Saturn,*

Ordine retrogrado sibi quivis vendicat horam :

Cùm id, inquam, velint, evenit ut attribuendo singulos Planetas horis singulis, postquam perveneris ad vigesimam quartam, sequatur pro horâ vigesima quinta, hoc est prima diei insequentis, Planeta ille qui diei illi nuncupationem tribuit; ut circumeundo circulum descriptum fiet manifestum.

Cæterùm in usu Ecclesiastico dies indigitamus nomine ordinæque Feriarum, (nisi quòd loco Feriæ primæ dicimus rursus Dominicam, loco septimæ Sabbatum) quoniam initium veteris anni Ecclesiastici à Paschate fuit, & dies omnes Hebdomadis primæ Feriati fuerunt, (utcumque jam sint non amplius quàm tres) factumque est inde ut sequentium quoque Hebdomadam dies, auspicio ac imitatione primariæ illius, sint Feriæ vocatæ.

C A P. XXV.

De Mense.

Mensis est quidem propriè tempus decursus Lunaribus per Zodiacum; sed hoc nomine venit etiam tempus quo à Sole decurritur duodecima Zodiaci pars: unde alius mensis Lunaribus, alius Solaribus appellatur.

Lunaribus autem mensis aut Periodicus, aut Synodicus est; ac sunt qui distinguant præterea mensem quem appellant Illuminationis. Periodi-

Periodicus est temporis spatium quo Luna digressa ab uno Zodiaci puncto ad idemmet redit : estque dierum 27. cum diei proximè triente.

Synodicus, quo Luna à conjunctione cum Sole digressa ad conjunctionem aliam redit : estque dierum 29. cum diei proximè dimidio.

Nempe debet Luna, postquam ad punctum redierit in quo fuerit Soli conjuncta, duos & amplius dies adhuc progredi, ut Solem, qui interea motum non intermiserit, assequatur.

Illuminationis mensem vocant illud tempus quod fluit ex quo primùm Luna apparet recens vesperi, quousque jam vetus manè occultetur : estque præter propter 26. dierum.

Solaris mensis, si assumatur medius inter excessum defectumque aliquantulum, est dierum 30. & horarum 10. cum proximè semisse.

Cùm mensis porro alius Astronomicus, alius Civilis distinguatur, Astronomicus est propriè Lunar, tam periodicus quàm synodicus, synodicus verò præsertim.

Civiles autem menses sunt quibus Civitates nationesque variae pro institutis quæque suis utuntur ; nam quibusdam quidem Lunares, quibusdam verò Solares placent.

Lunaribus usi sunt olim Judæi, Græci, Romani, alii, (utuntur & jam Mohammedani) sed illis nempe synodicis. Quanquam quia semisses illi & alia id genus fragmenta dierum ex usu civili non sunt, idcirco familiare fuit ut menses alternis 30. & 29. dierum haberentur, ac dicerentur Pleni & Cavi.

Solaribus nsi sunt Ægyptii ; sed qui tamen essent omnes dierum 30. Nam confectos quidem dies quinque ex fragmentis illis denarum horarum rejiciebant in finem anni ; & confectas sex propè horas ex illis semissibus nullo quasi habebant loco.

Dici & nos possumus uti, tametsi duodenas circuitus Solaris parteis inæqualiter in eos distribuamus ; & sex illas horas quarto quoque anno solum colligamus, habeamurque pro uno die, qui inter 23. & 24. mensis Februarii inseratur.

Prætereo

Prætereo Julium Cæsarem fuisse qui annum Lunarem, à Romulo usque Numâque acceptum, in Solarem commutans, hanc mensium inæqualitatem partim retinuerit, partim fecerit, uti à Macrobio aliisque narratur.

Prætereo & varia apud varios Mensium nomina : cum sit vulgare, nostrum quidem Martium sequentibusque fuisse à Romulo institutos ac nominatos, (nisi quod post Cæsaris mortem Julius dictus est pro Quintili, Augustus pro Sextili) Januarius autem Februariûque fuisse additos siçque nuncupatos à Numa : ac notum sit Græcorum menses dici Hecatombæonem, Anthesterionem, Elaphebolionem, &c. Judæorum Tisri, Marchesuan, Casleu, &c. Ægyptiorum Thoth, Paophi, Athyr, &c. nè quid de cæteris attingam.

Prætereo demum varias dierum partiûque mensis nuncupationes : quod genus fuisse apud Romanos Kalendæ, Nondæ, Eidus ; apud Græcos Neomenia, Decas, Eicas, &c.

CAP. XXVI.

De Anno.

TAmetsi Annus accipiatur interdum pro tempore revolutionis cujusque Planetæ per Zodiacum, (imò & interdum pro integra revolutione Firmamenti secundum eundem Zodiacum, quippe eam nonnulli Magnum Annum vocant ;) nihilominus Annus propriè est id tempus quo Sol integre Zodiacum perlustrat.

Distingui autem solet annus in Astronomicum, ac Civilem ; & Astronomicus alius Vertens, alius Sidereus appellari.

Vertens est, quo digressus Sol ab uno Zodiaci puncto (ut Æquinoctii aut Solstitii) ad idemmet revertitur ; Sidereus, quo digressus à Sidere aliquo ad idemmet redit.

Et cum Sidereus sit Vertente insensibiliter prolixior, ob motum Fixarum in ortum, quem mox insinuavimus, & de quo

quo inferius dicitur, continet Vertens dies 365, cum horis 5. & minutis proximè 49.

Civilis est, quo Civitates nationesve pro arbitrio utuntur: & vel spectando quidem solum motum Solis, vel adsciscendo etiam motum Lunæ; ex quo annus alius Solaris, alius Lunaris dicitur.

Solaris aut constat perpetuò diebus 365. qualem jam insinuavimus fuisse usui apud Ægyptios, constantem nimirum ex duodecim tricenū dierum mensibus, ac diebus quinque, qui dicti sunt *ἡμεραι*, quasi superadjecti.

Quo loco notandum, cum illi nihil morarentur abundantis illas quotannis horas propè sex, ideo solitum fuisse evenire ut intra annos 1640. Æquinoctia & Solstitia per omneis anni menseis mensiumque dies decurrerent; quatenus si hoc anno v. g. Æquinoctium contingat in meridie diei 20. Martii, contingeret post annum horâ 6. vespertinâ ejusdem diei, & rursus post annum in media nocte insequente, & iterum post annum horâ 6. matutinâ diei 21. & post annum denique quartum in meridie ejusdem diei 21. ac pari modo procedendo, post quatuor alios annos, in meridie diei 22. atque ita de cæteris.

Aut annus quisque ordine quartus constat diebus 366. intercalato scilicet die, quem innuimus jam confici ex illis sex propè horis asservatis. Notum autem est intercalationem fieri, ut Æquinoctia & Solstitia intra eisdem menseis mensiumque dies contineantur, neque excurrant, ut dictum est apud Ægyptios fieri.

Notum etiam est, annum illum quartum idcirco Bissextilem dici, quòd cum intercalatio fiat, die illâ inter 23. & 24. Februarii interpositâ, dicatur illo anno bis Sexto Kalendas Martii.

Horas autem propè sex dico; quandoquidem desunt 11. proximè minuta. Ex quo proinde intelligitur nimium esse quod additur quolibet anno Bissextili; ac posse idcirco Æquinoctia & Solstitia excurrere sensim non procedendo, sed regrediendo; atque exinde evenisse, ut cum tempore Concilii Nicæni Æquinoctium vernalis contingeret circiter diem Martii

Martii 21. deprehensum fuerit contingere Patrum nostrorum memoriâ circiter diem 11. ejusdem. Adeò proinde nt Anno Christi 1582. suppressi fuerint 10. dies, ut rediret ad 21.

Prætereo verò, quia hæc vocata Kalendarii reformatio facta est à Gregorio XIII. Pontifice Max. ideo anni formam quâ jam utimur dici Gregorianam ac novam; cum vetus illa quam Provinciæ reformationem non amplexæ adhuc retinent (numerantes proinde Æquinoctia, Solstitia, aliæque anni tempora totis decem diebus posterius quàm nos) Juliana vocetur, quasi existens eademmet, seu sine ulla interruptione, quæ fuerit à Julio Casare instituta.

Lunaris annus est qui constat ex 12. mensibus Lunari-bus synodicis, seu diebus 354. cum proximè triente, sive octo horis: sicque Solari minor est diebus ferè 11. quos quia quotannis adjicimus, ut Lunarem cursum ad Solarem accommodemus, ideo Epactaleis Epactasve vocamus.

Veteres, cum Lunarem annum dierum præcisè 354. haberent, ideo reputantes deesse ad Solarem dies 11. cum quadrante, qui intra octo annos evaderent dies 90. ideo assumebant hos dies, & conficiebant ex ipsis mensibus *μηναιμους* appellatos) sive treis, dierum tricenûm, quos post tertium, quintum, octavum annos intercalarent, quemadmodum Græci; sive quatuor, qui essent alternis 22. & 23. dierum, quos alternis intercalarent annis, secundo, quarto, sexto, octavo, ut Romani.

Intercalabant porrò eos Romani post diem Februarii 23. seu post Terminalia, (ut minùs sit mirum fuisse idem tempus delectum ad intercalandum Bissextilem diem;) cum Græci potius intercalarent inter 5. & 6. menses: unde quia sextus mensis erat illis Posideon, mensis intercalatus vocabatur Posideon prior. Quo modo quoque apud Judæos intercalatus ante 6. qui Adar, prior Adar appellabatur.

Nihil heic addendum de principio anni, quod constat existitisse semper apud varias nationes varium. Nam cum Ægyptii

gyptii haberent vagum per totam anni seriem, cœpere Judæi Ecclesiasticum annum à mense Nisan, seu à novilunio quod fuit proximum verno Æquinoctio; & Civilem à mense Tisri, seu à novilunio quod fuit proximum Æquinoctio autumnali. Sic cœpere Græci ab eo quod proximum Solstitio æstivo; Romani à Bruma, seu ab ipso hyberno Solstitio; nisi quod propter expectatum à Casare, annum instituentem, sequens proximè novilunium, ut in eo die Kalendas Januarii principiumve anni defigeret, evasit hocce anni principium (quo nos etiamnum utimur) aliquot diebus Brumâ posterius. Sic alii aliis temporibus.

Nihil quoque addendum de divisione Anni in tempestates quatuor, aut tres, quas Ægyptii pridem habuisse leguntur (imò etiam mensibus interdum) pro totidem annis: ut minùs sit mirum quod hominum vitam adeò longavam, seu annorum tam numerosorum, perhibuerint.

Nihil rursus de temporibus quæ per repetitos annos mensurantur: ut Olympiade annorum 4. Lustro annorum puncti 4. nunc 5. Indictione 15. Periodo Metonis, seu Cyclo Lunari, Numerove aureo 19. Cyclo Solari, literarumve Dominicalium 28. Jubilæo 49. aut 50. Periodo Calippi 76. Seculo 100. Periodo Hipparchi 304. Periodo Dionysii 532. Periodo Juliana nuper excogitata à Scaligero 7980. Anno Magno, qui non modò pro Revolutione jam memorata Firmamenti, sed etiam pro Restitutione omnium rerum in eundem statum quem initio habuerint, usurpatus est, habitusque non modò ab Astrologis 25. 36. 49. millium annorum, sed ab aliis etiam ut pauciorum, ita quàm longissimè plurium.

CAP. XXVII.

De Epochis Temporum.

NEcesse est Astronomis, dum cœlesteis supputant motus, non modò certa cœli puncta, à quibus motus Siderum deducantur, supponere, verùm etiam illa quasi alligare certis momentis temporis, à quibus usque, tanquam principiis & capitibus, supputatio incipiat. Hujusmodi porrò principia seu capita sunt quas Epochas vocant, quasi sint quædam veluti fixa determinatæque, & cohibita, non vaga, momenta. Dicuntur verò etiam vulgò *Æra*, non tam fortè ex usu Hispanorum vetere, quam ex abusu quo singularis fœminæque vox facta est ex plurali neutraque *æra*: sic enim vocabantur pridem *ærei* illi claviculi quibus Abaci supputatorii erant instructi. Dicuntur & *Radices*, quòd ut plantæ radicibus, sic temporum series Epochis increfant.

Illustrissima porrò omnium familiarissimæque nobis Epochæ est Nativitatis Christi, seu Kalendæ ejus Januarii quem supponimus proximè insequentum Nativitatem Christi Domini, & à quibus ad usque Kalendas Januarias anni hujus labentis dicimus fluxisse annos completos 1645.

Etenim tametsi nonnulli contendant natum esse Christum non statim à bruma, sed sub autumnale æquinoctium, & sint Chronologi eruditi qui defendant natum non modò uno, sed etiam duobus, sed tribus, sed quatuor, sed quinque annis priùs quàm hæc incipiat Epochæ; ea nihilominus & probari & retineri non desinit, tum propter usum, tum quia nihil refert ad veritatem supputationis circumstantia actionis aut rei, quæ Epochæ nomen aut occasionem dat, si constet modò de quoto abheinc anno & de quo illius momento sit sermo, cùm in ipso supponimus Astrum occupasse id punctum à quo ejus motum seu antecederet seu consequenter deducimus.

Constat interim cur hanc *æram* vocent vulgarem ac *Dionysianam*.

onyſianam. Vulgarem ſcilicet appellant, ad diſcrimen ejus quam reputant veram, & juxta quam nobis numerandus foret hic annus, non ſupra milleſimum ſexcenteſimum quadrageſimus ſextus, ſed aut 47. aut 48. aut 49. aut 50. aut 51. Dionyſianam verò, ob Dionyſium Abbatem, cognomento Exiguum, qui Author illius exſtitiſſe creditur annis poſt Chriſtum paulò plùs quingentis: à quo uſque tempore coeperunt anni ab ipſa Chriſti Nativitate numerari; cùm priùs ſolùm per Conſules, per Olympiades, ab Urbe condita, putarentur.

Cæterùm ut aliquàs alias, quibus partim in Chronologia partim in Aſtronomia uſus eſt, attingamus, prima inter Sacras meritò celebratur Epoche Orbis conditi; de qua utcuque ſit inſignis controverſia, videntur tamen illi propius ad veritatem accedere, qui conditum mundum deducunt annis ante Chriſtum (ſeu vulgarem Chriſti Epochen) 3950.

Prima autem inter profanas meritò habetur Epoche Olympiadum; quarum initium ob inſtauratos ab Iphito Olympicos Ludos pertinet ad æſtatem anni ante Chriſtum 777.

Proxima illi eſt Epoche Urbis conditæ, quam communior opinio eſt ſpectare ad annum ante Chriſtum 752.

Apud Aſtronomos potiffima fuit ſemper Epoche Nabonaſſari, Babyloniorum, ut putant, Regis, ſpectans ad annum ante Chriſtum 747, & ad diem quidem Februarii (tunc ſuppoſiti) 26. à quo uſque, coincidente cum prima die menſis Thot, ſupputatio fit per annòs Ægyptios, quibus Ptolemæus & alii plerique Aſtronomorum, etiam Copernicus, uſi ſunt.

Sequitur Epoche Obitùs Alexandri Magni, ad quam eſt conſimiliter annorum Ægyptiorum uſus; pertinet autem ad annum ante Chriſtum 324. & diem Novembris 12.

Celebris eſt etiam ante Chriſtum Epoche Julii Cæſaris, præcedens Chriſti Epochen annis præciſè 45.

Poſt Chriſtum autem celebris fuit æra Diocletiani, ſive Martyrum,

Martyrum, (qui nimirum sub eo sunt passi in Regione Coptitarum prope Nilum.) Dicitur verò etiam ara Abyssinorum & Æthiopum, pertinens ad annum Christi 283.

Itémque Epoche Arabum, aliàs Hegiræ, seu Fugæ Mohammedis, pertinens ad annum Christi 622. & diem Julii 15.

Ac rursus Epoche Persarum, sive Jeldagird ultimi Persarum Regis, quem devicit interfecitque Othman, pertinens ad annum Christi 631. & diem Junii 16.

Addi his potest Epoche Reformationis Kalendarii, de qua jam antè diximus, pertinens ad annum Christi 1582. & diem 5. mensis Octobris, à quo usque habito pro decimo quinto desunt deinceps ad annorum Julianorum formam dies 10.

Prætereo id moris jam esse, ut tam ipsa Christi quàm ceteræ Epochæ (imò & reliqua tempora) referantur ad feriæ annorum Periodi idcirco vocatæ Julianæ, quòd anni ex quibus componitur Juliani sint.

Illius modum ut percipias, cùm memoratus Dionysius Exiguus ducto cyclo Solari 28. in Lunarem 19. obtinisset Periodum annorum 532. quibus exactis isti cycli qui simul cœpissent simul rursus inciperent, Scaliger hac Periodo in cyclum Indictionum, videlicet 15. ductâ, Periodum (quæ est ipsa dicta Juliana) obtinuit annorum 7980. quibus exactis tres hi Cycli qui simul inceperint simul iterum incipere possint.

Et quia, ut jam in usu sunt hujusmodi cycli, (prout scilicet v. g. numeramus hoc anno ex Solari 3. ex Lunari 13. ex Indictionali 14.) fieri non potest ut inceperint inciperé potuerint (nempe si fingamus nostri anni formam retro ante Christum productam) nisi ante annos 6360, efficitur ut cœpisse hac Periodus intelligatur ante conditum mundum.

Quare & extensâ Periodo, deprehendemus Epochen Mundi incidere in annum Periodi Julianæ 764. Epochen Nabonassari in 3967. Epochen Christi in 4714. atque ita de cæteris.



INSTITUTIONIS ASTRONOMICÆ

LIBER SECUNDUS,

SIVE

DOCTRINA THEORICA.

CAPUT I.

De Phenomenis variis, quæ Secundorum Mobilium Theoriae occasionem fecerunt.

UT pars Astronomiæ de qua hæcenus Sphærica doctrina dicitur à Sphæra, cujus beneficio Motus Primus explicatur; sic ista quam aggredimur appellatur Theorica, quod per quasdam Machinulas, aut orbiculareis figuras, quas Theorias vocare solent, (fortè quod quâdam scrupulosiore contemplatione indigant) Secundi Motus declarentur.

Cùm principio porro prænotanda sint Phenomena quædam præcipua, quibus observatis homines cœperunt tum cogitare motus alios præter primum, tum excogitare Hypotheseis juxta quas ii fieri intelligerentur, ideo adnotari hæc possunt.

I. Universè circa omneis Planetas observârunt imprimis, ipsos nunc istis nunc illis horizontis locis oriri & occidere, & sub meridianum nunc altius in Boream, nunc humiliter in Austrum attolli; ac utrumque quidem certas

F

inter

inter metas. II. Incedere omneis nunc ocyùs, nunc segnitùs. III. Aliquando majores, aliquando minores (etiam citra negotium refractionum) apparere. IV. Configurari variè tum inter se, tum etiam cum Fixis: & donec quidem conjunguntur, interdum Fixas ab iis regi, interdum ipsos à se mutuo, five alios ab aliis; & non tamen pariter omneis respectu omnium Terra incolarum.

Deinde speciatim circa ipsum Solem, I. Ubi occasum subiit, habere ipsum stellas conspicuas post se occasuras, quæ aliquot post dies amplius non appareant; & oriturum habere ante se inconspicuas, quæ aliquot post dies appareant & præxoriantur. II. Tendentem Solem ab Equinoctio Verno in Autumnale insumere dies 187, & ab Autumnali in Vernum nonnisi 178. adeò ut versetur totos novem dies in signis Boreis plùs quàm in Austrinis. III. Pati Solem Eclipsin interdum totalem, plerumque partialem; & in Novilunio quidem duntaxat, neque tamen omni. IV. Visum esse maximam Solis Declinationem tam in Boream quàm in Austrum decrefcere, neque enim tantam jam quantam olim haberi.

Circa Lunam, I. ex quo nova apparet, ipsam sic diètim removeri à Sole, ut magis magisque versùs stellas orientales semper accedat, quousque circuitum perficiat. II. Ipsam interim variis apparere Phasibus, nempe in crescèndo corniculatam, semisectam, utrimque gibbosam; & post plenum orbem decrefcendo, iterum gibbosam, bisectam, corniculatam evadere. III. Eclipsin interdum pati, nunc totalem, nunc partialem, & Plenilunio quidem duntaxat, non omni, verùm contingenti fere post sex mensibus. IV. Digredi aliquando tam in Austrum quàm in Boream, nunc nonnihil magis, nunc nonnihil minùs quàm Solem.

Circa Mercurium ac Venerem, I. Ejusmodi Planetas esse quasi asseclas Solis, neque enim ab eo discedere procùl: sed Venerem quidem vix quicquam amplius quàm sesqui-signo, Mercurium nè signò quidem integro. II. Ipsos aliquando antecedere, aliquando subsequi Solem. III. Esse eos interdum

Director

Directos, hoc est, moveri in consequentia, five secundum seriem successionemve Signorum, ut ab γ in δ , à δ in π ; interdum **Retrogrados**, hoc est, moveri in præcedentia, five contra Signorum seriem, ut ab γ in κ , à κ in ω ; interdum **Stationarios**, hoc est, apparere per aliquod tempus neque in antecedentia neque in consequentia moveri. **IV.** Ipsos quoque in Austrum ac Boream digredi, nunc magis; nunc minus quàm Solem.

Circa Marrem, Jovem, Saturnum, I. Non esse ipsos perinde ac reliquos duos alligatos Soli, sed ità ab eo digredi ut interdum quoque oppositi sint, seu ab eo totis sex Signis distent. II. Fieri quidem ipsos quotannis promotiores versus stellis orientiores; verùm fieri quoque aliquando **Directos**, aliquando **Retrogrados**, aliquando **Stationarios**. III. Tum constanter **Retrogrados** esse, ac simul **celerrimos** & **ad spectu** maximos, cum ipsi Soli opponuntur; & **spatium** retrogradationis competere ampliùs Marti quàm Jovi, Jovi quàm Saturno; tempùsque è contrà retrogradationis competere ampliùs Saturno quàm Jovi, Jovi quàm Marti. **IV.** Et ipsos denique nunc magis, nunc minus quàm Solem digredi in Austrum ac Boream.

Circa **Fixas** denique, Non tueri eas semper eandem à punctis **Æquinoctialibus** distantiam, sed tendere quoque lentissimè in consequentia, & (ut visum quidem aliquibus est) inæqualiter, hoc est, nunc velociùs, nunc segniùs. Nam **Spicam** π , v. c. quam **Timocharis** non longè ab obitu **Alexandri** observavit præcedere punctum **Æquinoctii** **Autumnalis** octo gradibus, observatam esse ducentis pòst annis ab **Hipparcho** præcedere tantùm sex; & 260 pòst à **Ptolemæo**, non multò ampliùs gradibus tribus; nè adjiciam hoc tempore, seu annis 1500. pòst, observari subsequi ipsum idem punctum gradibus propè 19. Quo modo quoque **Stella** prima **Arietis**, quæ **Timocharidis** tempore distabat solum ab **Æquinoctio** **Verno** duobus gradibus, deprehenditur jam distare ultra gradus 28. & dictum antè obiter est stellam in extrema cæda **Cynosuræ**, **Pola rem** vocatam, distare solum jam à **Polo** duobus gradibus cum

paulò ampliùs semisse, quæ tempore tamen Hipparchi distabat ultra 12. atque ità de cæteris.

CAP. II.

Varia genera Hypothesæon salvandis sive explicandis huiusmodi Phenomenis.

HÆc igitur sunt, aliæque id genus, quæ quæ fieri possent apparerentve, ut explicaretur, varii varia commentum sunt.

Universè supposuerunt omnes (Pythagoras veteris Platonis imprimis) tametsi nobis cœlestes motus inæquabiles irregularesque appareant, debere tamen æquabileis regulis, secundum se esse (neque enim deformitatem aliquam competere posse corporibus cœlestibus, immortalibus ac divinis.) Quare & quæsiere quomodo per motus circulares æquabileisque salvari apparentia possent.

Et quia generale fuit ut id conarentur vel ex supposita quiete vel ex supposito motu Terræ, sicque haberi potest duplex universè Hypothesis, idcirco, cum sequente libro de posteriore (seu juxta quam Terra movetur) dicendum sit, cognoscendum paucis heic est quàm multiplex facta sit prior.

Supposità ergò Telluris quiete, Hypothesis prima fuit Anaxagoræ, Democriti, quorundam aliorum, qui censuerunt Astra moveri liberrimis spatiis, ac nullas proinde esse Sphæras solidas quibus alligentur, nullum Primum Mobile à quo abripiantur, nullum Motum secundum quod reipsa ferantur in ortum : sed competere solum ipsis motum simplicem in occasum, ac illa apparere moveri in ortum quæ feruntur segnius in occasum ; sicque cum Stellæ Fixæ ferantur omnium velocissimè in occasum, circuitumque absolvant intra horas 24, Lunam v. c. ferri omnium signissimè, non absolventem putà circuitum nisi intra horas proximè 25, atque adeò non ipsam proprio motu moveri ver-

sus

sus stellas orientiores, sed deferri potius à Stellis magis occidentibus : Neque rem carere exemplo in iis qui ad eandem metam inæquali cursu contendunt.

Hiscæ adstipulati sunt recentiorum quidam, qui & addiderunt fieri motus Siderum, ac Errantium præsertim, non directè, seu per circulos parallelos versus occasum, sed obliquè, sive per Spiras ; & ex hoc esse cur ex Austro in Boream, ex Borea in Austrum sensim promoveantur.

Debuerunt autem etiam addere, Planetas cum retrogradi v. c. apparent, debere cursum intendere, moveri celerius quàm Fixas ; & tunc apparere majores, quòd cursum demittant, sive propius Terram ferantur : aliæque id genus similia.

Alteræ Hypothesis eorum fuit qui censuere Astra illigata, seu quasi implantata esse Sphæris solidis, ad quarum motum circumferrentur, & unà cum ipsis abriperentur (si in inferioribus quidem forent) à Mobili supremo seu primo.

Atque hi quidem proprie fuere qui invexere Secundos motus, supponentes nempe non posse uni & eidem mobili duos per se motus competere ; sed solum, cum unus per se fuerit, competere posse alium ex accidenti, sive ab extrinseco ; ut dum Nauta à prora in puppim, idque v. c. in Austrum, movetur per se ; nam interim ex accidenti, seu ad motum navis, movetur in partem contrariam, videlicet in septentrionem.

Cum ipsi porro Sphæras totaleis singulorum Planetarum in plureis Sphæris orbeisve partialeis subdistinxerint, aliqui tamen fecere omneis istos orbeis *ὁμοκέντρους Concentricos*, hoc est, idem cum ipsa Terra sive Mundo centrum habenteis ; aliqui verò aut ex toto aut ex parte *ἐκκεντρους Excentricos*, hoc est, centrum extra seu aliud habenteis quàm Terram aut Mundum.

Hypothesis Concentricorum inducta fuit ab Eudoxo ; à Calippo autem & Aristotele amplificata.

Nam Eudoxus primum, præter Sphæram Inerrantium singularem, attribuit Soli Sphæras partialeis treis, Lunæ

totidem, singulis aliorum Planetarum quatuor; & eâ quidem lege, ut suprema quæque in omnibus Planetis sequeretur motum Sphæræ Inerrantium five primi Mobilis, (neque enim aliud ab ea agnoscebat) succedens ferretur in ortum secundum longitudinem, tertia faceret varietatem latitudinis, quarta quibus adesset faceret libratione quadam directionem & retrogradationem. Ille proinde Sphæras Planetarum 26. numero statuit.

Calippus autem nullam quidem Sphæram adjunxit in Saturno ac Jove; sed in ipsis Marte, Venere ac Mercurio singulas, in Sole atque Luna binas. Quo consilio retinent omnes. Ille proinde Sphæras Planetarum 33. numero fecit.

Aristoteles denique singulis Planetarum Sphæris, quæ non sequerentur motum Inerrantium, adjecit alias totidem, quas & Revolventeis vocavit, quod cæteras revolverent, eâque Inerrantium motui conformarent (nisi quod Lunæ, ut infimæ, nullos Revolventeis necessarios censuit.) Quare & Calippicis superaddens 22. constituit Planetarum Sphæras numero 55. & universæ cœlestis Sphæras (adjunctio primo Mobili, seu Sphæræ Inerrantium) numero 56.

Cùm dici inter cætera ex hac hypothese non posset, quorsum Planetæ nunc majores nunc minores conspicerentur, (neque enim motu ipsorum existente concentrico explicari res potuit per minorem majorémque à Terra distantiam) censuit qui superiore seculo revocavit Concentricos, ipsosque Circumducenteis, Circitores, Anticircitores, Contra-vestos appellavit, Fracastorius, censuit, inquam, posse id salvari dicendo, Planetas majores minoreisque apparere pro conditione partium cœli quas pervadunt, quæque refractionem, instar vitrorum variè figuratorum, sic variant, ut talem magnitudinis apparentis varietatem inducant.

Omitto autem ipsum multiplicasse Sphæras Planetarum ad usque 63. attribuentem nempe Soli 4. Lunæ 7. Marti 9. Saturno 10. Mercurio, Veneri ac Jovi, singulis 11. & præter Sphæram Inerrantium, adjecisse 5. ad variandum ipsius motus, ac insuper Mobile primum; adeo ut ex ejus sententia sint cœlestes Sphære numero 70.

Hypo-


Hypothesis Excentricorum videretur quidem referenda esse ad Pythagoreos : sed quia illi eâ usi sunt ad motum Terræ explicandum, idcirco quod spectat ad communem sententiam, videtur omnino authores habere tum Hipparchum, quatenus illam Homocentricorum farraginem ferre non potuit, tum Ptolemaum maximè, quatenus Planetarum Theoriam per Excentricos declaravit.

CAP. III.

Hypothesis Ptolemaica seu communis, quæ est per Excentricos & Epicyclos.

AC fuit quidem Ptolemæus eâ moderatione, ut contentus fuerit describere Planetarum vias per circulos Excentricos : at quia invalescente opinione de soliditate Sphærarum cœlestium, requirebatur sollicitè quî stare earum soliditas cum excentricitate posset, ideo à 200. jam annis coepit Georgius Peurbachius taleis Sphæras excogitare.

Esto heic Sphæra quæpiam totalis, v. c. ipsius Solis, quæ centro Mundi Terræve existenti A concentrica sit tam secundum extimam convexamve superficiem B C D E, quæ ambitur à Sphæra Martis, quàm secundum intimam sive concavam F G H I, quâ ambit Sphæram Veneris. Assumatur punctum K, & ex ipso, ut centro, conceptoque aliunde Sole prope extimam superficiem in L, ducantur duo circuli qui eum complectantur : constat profectò orbem totalem sic discretum iri in partiales treis, ut extimus & intimus futuri sint crassitudinis inæqualis, & medius ille inter ipsos quasi excavatus, æqualis.



Et quia iste medius est descriptus totus (hoc est tam secundum convexam quàm secundum concavam sui superficiem) ex centro alio quàm ipsius Mundi, idcirco ipse est qui propriè ac simpliciter appellatur Excentricus; ceteri autem duo appellantur Excentrici secundum quid, quatenus nonnisi secundum alteram sui superficiem Excentrici sunt, extimus putà secundum concavam, intimus secundum convexam.


Junctis porro centris per lineam tractam B D, & ductâ ipsi ad normam ac per centrum Terræ A lineâ C E, tum distantia inter duo centra A K dici Excentricitas solet; punctum L, quod in Excentrico remotissimum à Terra est, Apogeum, itémque Aux & Summa Apsis; punctum M, quod

quod proximum, Perigeum, itémque Augis oppositum, & ima Apfis; linea ipsa B D, vel L M, linea Apfidum; & ipsa C E, vel N O, linea Mediarum longitudinum; quasi cum Sol motus per Excentricum LMNO, summè à terra elongetur in L, minimùm in M, elongatio in N & O sit mediocris.


Scilicet volunt Excentricum, cum solidus sit, revolvi ipsum intra illos duos orbes inæqualeis; ac Solem ipsi illigatum implantatùmve unà convolvi. Vocatur autem medius ille qui à centro Solis describi concipitur circulus, Deferens Solem; uti & crassorum orbium exterior, Deferens Apogeu; interior, Deferens Perigeum.

Adnota verò, solum circulum Deferentem Solem retineri ex tota ista compagine à Ptolemæo, ac ipsum propriè esse qui intelligatur & vocetur Excentricus; nempe quatenus ipsa est Solis via, quam pari ratione habes in sequente schemate cum Excentricitate, & Apfidum Mediarumque longitudinum lineis. Circulus autem ille exterior & concentricus intelligendus est repræsentare Firmamentum, aut extimum coelum.

Esto




Esto & alia Sphæra totalis, v. c. Jovis, quâ, superioris instar, distinctâ in orbeis treis, describatur intra crassitudinem Excentrici simpliciter circellus PQRS. Is circellus est quem Epicyclum vocant, & quem moveri quidem volunt unâ cum Excentrico secundum ductum LNMO; sed interim tamen revolvi circa proprium centrum L, ac existentem in sui superficie Planetam circumvolvere secundum ductum P Q R S.



Quinetiam appellant punctum supremum P, Apogeeum Epicycli; R infimum, Perigeum ejusdem; puncta Q & S, Elongationes maximas; & circulum illum L N M O, quem centrum Epicycli describere concipitur, Deferentem Epicycli.

Adnota heic rursus hunc circulum esse quem solum Ptolemæus retinet, unà cum Epicyclo Planetam vehente; ut intelligis ex hoc schemate, in quo iterum circulus exterior refert Firmamentum, cœlûmve supremum.

Prætereo



Prætereo autem, quod ille censet, posse per Concentricum cum Epicyclo idem explicari quod per solum Excentricum, ac rursus per Concentricum cum duplici Epicyclo, idem quod per Excentricum cum Epicyclo uno, facile esse intellectum; quatenus ipsum corpus Planetæ apparet semper eandem viam circa centrum Mundi (à quo perinde nunc remotius, nunc propius, nunc mediocriter distans efficitur) tenere.


Enimvero ut Hypothesis juxta specialeis Planetarum Firmamentique Theorias declaretur paulò uberius, & quæ recitata Phænomena sunt explicentur distinctius, age singulas paucis attingamus.

CAP. IV.

De Theoria Solis.

UT exordium verò ducamus à Sole, tanquam Principe ac Moderatore cæterorum Luminum, repetatur primum hujusmodi schema.

Sit A centrum Terræ seu Mundi, ex quo describatur BCDE, representans Eclipticam in primo cælo, (aut, si velis, in Firmamento) sub qua, & signis in ea descriptis, annuo motu moveatur Sol. Sit autem Exceptricus qui hoc



motu;

motu, & ipso quidem existente æquali, describitur, circulus FGHI, ejusque centrum K. Ducatur linea Apfidum quæ centra connectat, BD; sitque Excentricitas A K, Apogæum F, Perigeum H, & linea Mediarum longitudinum ducatur CE, transiens per centrum Mundi A.

Hoc posito, cum Sol moveatur æquali motu per Excentricum, si oculus quidem noster existeret in centro K, observaret haud dubiè illum moveri sub Ecliptica æqualiter; at quia videt illum ex A, ideo apparet ipsi sol inæqualiter moveri.

Discedat Sol (ex. gr.) ex Apogæo F, & perveniat ad L. tunc oculus ex K videret illum quasi occupantem in Ecliptica locum M; at ex ipsa Terra apparet quasi occupans N. Discedat ex Perigeo H, & perveniat in O: ex K videretur in P; at ex A videtur in Q: & ita de cæteris locis.

Linea porrò KM, & quælibet alia procedens à centro K (ut KR, KS, &c.) in Eclipticam, vocatur linea Medii motûs; linea autem AN, & quælibet alia à centro A ducta (uti AC, AT, &c.) in eandem Eclipticam, linea Apparentis sive Veri motûs.

Nempe Medius motus appellari solet progressio Solis à principio γ , seu Verno Æquinoctio, ad usque illam priorem lineam, ut putà arcus γ B M. Apparens autem seu Verus, eadem progressio ad usque posteriorem hanc, ut putà arcus γ B N. Et tamen si proclive foret, ut motus Verus diceretur idem qui Medius; solent tamen Astronomi eundem dicere Apparentem ac Verum: Ex eoque fit ut etiam Punctum N appelletur locus Solis Verus; & punctum M, locus Solis Medius.

Differentia illa inter motum Medium ac Verum, arcus scilicet MN, appellari solet Æquatio, &c., factâ etiam jam familiari voce, Prostaphæresis, quâ *Additio* simul & *Subtractio* significatur, quoniam habito per observationes motu Vero, talis differentia ipsi nunc addenda nunc detrahenda est, ut eliciatur motus Medius: addenda quidem Solè descendente ab Apogæo in Perigeum, quoniam Verus motus

rus Medium sequitur ; subtrahenda verò Sole ascendente à Perigeo in Apogæum, quoniam Verus motus Medium antecedit. Oppositum autem faciendum est cùm, motu Medio habito, inquiritur Verus.

Vides interim Sole existente in Apogæo aut Perigeo nullam esse Prosthaphæresin, quia tunc ambæ lineæ Veri ac Medii motûs concurrunt ; & Prosthaphæresin aliunde esse maximam, Sole existente in alterutra Mediarum longitudinum G aut I, ac tantò semper esse minorem, quantò propior est Apogæo aut Perigeo.

Prætereo verò arcum interceptum inter Apogæum & locum Medium Solis, id ipsum esse quod vulgò vocant Anomaliâ Solis Mediam (Argumentum etiam appellant;) interceptum autem inter Apogæum & locum Solis Verum, Anomaliâ Veram.

Prætereo quoque tum Apogæum Solis (quod reperitur hoc tempore non longè ab initio septimi gradûs ☿) progredi motu admodum lento in consequentia, (annis scilicet singulis dodrante duntaxat unius minuti) tum ipsam Excentricitatem reputari varietati obnoxiam ; adeò ut cùm jam comperiatur esse Pars semidiametri Excentrici proximè vigesima octava, reputetur lentè & aliquò usque increfcere decrefcereque.

Hæc Nota, cùm Ecliptica contineat 360. gradus, & Sol non percurrat illum integre nisi diebus 365 & horis 5 ac minutis proximè 49. idcirco Solem singulis diebus non conficere motu Medio gradum integrum, sed solùm minuta 59 & 8 secunda ; cùm aliunde motu apparente seu Vero conficiat in Apogæo quidem 57 minuta duntaxat, & in Perigeo gradum unum cùm minuto uno pauculisque secundis.




CAP.

De Theoria Luna.

Sequitur dicamus de Theoria Lunæ, in qua, & cæteris qui supersunt Planetis, attendendus est non modò Longitudinis sed etiam Latitudinis motus.

De priore autem ut priùs dicamus, & crassiores illos orbeis nihil moremur; Esto in sequente Figura A centrum Mundi, BCDE Ecliptica, F centrum Excentrici, (quod mobile sit circa centrum Terræ) GNMO Excentricus ipse, AF Excentricitas, FL Excentricitas dupla, G Apogæum Excentrici, M Perigeum, GM linea Apfidum, CE vel NO linea Mediarum longitudinum, P Q R S Epicyclus Lunæ, cuius est G centrum, Q aut R Luna in superficie Epicycli.



Triplex heic attendendus motus. Primò Apogei in antecedentia (hoc est, à G in T V, &c.) regulariter super centro Mundi diebus singulis graduum 11. minut. 12. ità ut periodus ejus absolvatur intra dies 32. hor. 3. min. ferè 5.

Secundò centri Epicycli in consequentia (hoc est, à G in X Y, &c.) regulariter quoque circa centrum Mundi, diebus singulis graduum 13. min. 11. ità ut periodus ejus absolvatur diebus 27. hor. 7. min. 43. & hic propriè fit quem superiùs diximus Periodicum mensem.

Tertiò ipsius Lunæ in Epicyclo, supernè quidem in antecedentia (h.e. à P versus Q R) infernè verò in consequentia (h.e. ab R versus S P) regulariter circa punctum L, quod opponitur Excentrici centro, diebus singulis grad. 13. min. ferè 4. ità ut periodus ejus absolvatur diebus 27. hor. 13. min. ferè 9.

Existente centro Epicycli in ipso Excentrici Apogeo G, dum utrumque subest, v. c. initio ☿, in quo etiam supponatur versari Sol, quia linea Medii motûs Lunæ est ea quæ ducitur à centro Mundi per centrum Epicycli, idcirco coibunt in unam linea motûs Apogei ac linea motûs Medii (imò & linea quoque motûs Veri, si Luna quidem fuerit in Q, cùm linea Veri motûs ea sit quæ ducta à centro Mundi per ipsum corpus Lunæ transit) ac denique etiam linea Medii motûs Solis, quasi existentis in B. Suppono autem locum tam Medii quàm Veri motûs Lunæ supputari, sicut in Sole, à principio ♄.

Perveniat Apogæum ex G in T, factò Excentrici centro Z, pervenerit centrum Epicycli in X; sicque erit A T linea Apogei, A α linea Medii motûs, A β linea Veri motûs: linea autem Medii motûs Solis AB erit omnino media inter lineas Apogei & Medii motûs Lunæ, quòd licet Apogæum procedat segniùs dietim duobus circiter gradibus quàm centrum Epicycli, Sol tamen unum circiter gradum in consequentia dietim percurrens, illum detrahat motui centri Epicycli, apponat motui Apogei.

Nota verò gradum quò Sol insequendo Lunam dietim

G

promo-

promovetur causam esse cur Luna ad eandem rediens periodum non amplius ibi reperiatur Solem, sed debeat adhuc duos & amplius dies incedere ut eam assequatur, ipsique rursus congregiatur; sicque cum mensis Periodicus sit dierum 27 ac ferè trientis, Synodicus fiat dierum 29 ac dimidii cum horæ proximè dodrante, ut superius jam adnotatum fuit.

Perveniat porrò etiam Apogeu in V, in γ , in δ , centro Excentrici factis, n, L; pervenerit & centrum Epicycli in Y, δ , δ ; & Luna perveniens ad totum circumierit Epicyclum, ac linea Medii motus Solis A B intermedia semper inceserit, &c.

Quod de hac autem Schematis medietate dico, idem & de alia pari proportionem est intelligendum, utcumque Epicycli ducti in ipsa non sint, neque item lineæ occultique circuli designantes varios Excentrici situs; nè nimia intricatio confusioque inde crearetur.

Exinde interim colligere licet centrum Epicycli occupare semper Apogeu Excentrici in omni Coniunctione & Oppositione mediâ cum Sole, & Perigeum in Quadraturis, & reliqua loca intermediis proportionem temporibus; adeò proinde ut bis in mense totum Excentricum percurrat.

Existente rursus Epicyclo in X, Elongatio Lunæ à Sole est G X, & duplum illius, seu distantia Lunæ ab Apogeo T X; quæ cum diceretur in Sole Anomalia seu Argumentum, dici heic solet Centrum Lunæ.

Argumentum autem hoc loco vocatur distantia ipsius corporis Lunæ existentis v. c. in α ab Apogeo Epicycli, aut Vero, quod heic est λ , aut Medio, quod heic est μ , (hoc autem designatur per lineam eductam ex puncto K, quod centro Excentrici opponitur) unde & illud Argumentum Verum, hoc autem Medium appellatur.

Cumque arcus λ μ dicatur Prosthaphæresis seu Æquatio centri, tum α β dicitur Æquatio Argumenti. Et cum illa addatur ad Argumentum medium, ut habeatur Verum, si centrum Lunæ fuerit minus sex Signis, subtrahatur, si majus; ista ex opposito subtrahitur, si minus, additur, si majus.

Ut

Ut taceam illam esse nullam, si centrum Epicycli fuerit in Apogeo vel Perigeo Excentrici; hanc nullam, si Luna fuerit in Apogeo Perigeove Epicycli: ac rursus illam maximam esse paulò infra medias longitudes, ut ξ , Epicyclo existente in δ ; istam maximam, cùm centrum Epicycli est in Perigeo Excentrici, ac Luna in contactu Peripheriæ Epicycli, & lineæ ductæ ex centro Mundi, ut $C\pi$, Epicyclo in Y .


Taceo, & cùm ipsa diameter Epicycli existentis in Perigeo Excentrici appareat major quàm in Apogeo, ut vel arguit ipsum discrimen inter arcum Zodiaci $\pi\delta$, quem diameter occupat in Perigeo, & arcum $\sigma\tau$ quem in Apogeo, ac proportionem altunde servatâ in locis intermediis; idcirco totam diversitatem distribui solere in particulas 60, quas appellant scrupula, seu minuta proportionalia; ut proportionem diversitatis adjiciatur quod congruum est ad æquationem argumenti.

Taceo denique ipsum corpus Lunæ, ubi descendendo ex Q per α , φ , \downarrow , pervenerit ad ι , & exinde pari ratione per medietatem aliam redierit ad Q , intelligi descripsisse non circulum, sed speciem quandam ellipseos, seu ovatam lineam. Atque hæc sunt quidem capita præcipua Longitudinis motum attinentia.

Quod ad Latitudinis motum spectat, notandum est ut via Solis seu Ecliptica Æquatorem obliquè interfecat in duobus oppositis Æquinoctialibus punctis, sic Orbitam Lunæ, seu descriptum Excentricum, non jacere directè sub Ecliptica, sed eam obliquè interfecare in duobus oppositis punctis, quos Nodos appellant; & Ascendentem quidem, quò ex Austro in Boream, Descendentem, quò ex Boreâ in Austrum transiit.

Et cùm id sit commune Lunæ cum Planetis cæteris, tum ejus est proprium ut Nodus Ascendens hâc formâ \mathcal{A} pingatur, & Descendens hâc \mathcal{B} ; & ille Caput, iste Cauda Draconis vulgò appelletur. Fortè quòd ut Draco serpensve tenuatur in caput & caudam, tumescit in ventrem; ita spatium dimidio Orbitæ Lunæ ac Eclipticæ comprehen-

sum tenuetur ad Nodos, tumescat ad medium, quâ limes est, maximâve digressio; ut ex hac figura intelligitur.




Notanda verò heic solum duo. Unum, Cum Luna à Nodo discedens acquirat paulatim latitudinem, quousque ad litem Boreum Austrinumve pervenerit, maximam latitudinem distantiamve quam in utrovis limite obtinet esse graduum quinque.

Alterum, Nodos non esse Fixos in certis Eclipticæ punctis, sed progredi sensim in antecedentia, & diutim quidem paulò amplius quàm tribus minutis; adeò ut circuitum absolvat intra 19. ferè annos: unde existit quem superius & Cyclum Lunarem, & Numerum aureum, & Periodum Metonis appellavimus. Solet autem propterea fingi seu orbis, seu circulus, concentricus Mundo, qui dicitur Deferens Nodos.

CAP. VI.

De Theoria trium Superiorum Planetarum, nempe Saturni, Jovis, & Martis.

Quod horum trium motus non formâ, sed quantitate solâ discrepent inter se, ideo sufficiat universè pro illis hujusmodi schema.



In ipso, A est centrum Mundi, B C D E Ecliptica, F centrum Excentrici, G H I K Excentricus, L centrum circuli Aequantis vocati, tantum distans à centro Excentrici quantum hoc à centro Mundi, M N O P Aequans ipse, Excentrico æqualis, & in plano eodem cum ipso. Aequans autem hic sive orbis sive circulus inducitur, quod hujusmodi Planetarum motus in Excentricis & Epicyclis æquabiles regularésve sint, non super suis centris, sed super alieno, hujus nempe Aequantis centro. G Apogeeum Excentrici, I Perigeum, M Apogeeum Aequantis, O Perigeum, B D linea Apfidum, C E linea Longitudinum mediarum, Q R S T Epicyclus, G illius centrum, R Planeta in superficie Epicycli.

Triplex autem heic attenditur motus. Primus Apogei in consequentia. Hic autem fit non semper sub Ecliptica, quemadmodum in Sole; non accedendo recedendove ab illa, quemadmodum in Luna: sed secundum parallelum Eclipticæ circumulum, adeò ut habeat quidem diversum centrum, sed eundem tamen axem; neque aliam periodum aut irregularitatem quàm tribuendam Eclipticæ, cum de Firmamento agetur, obtineat.

Secundus Excentrici, seu mavis centri Epicycli G, in consequentia; h. e. à B in C, D, E. Hic autem fit obliquè ad Eclipticam, & ad circumulum motus Apogei; ac secat illorum axem non in centro, sed versus Excentrici Perigeum: unde & major Excentrici pars remanet versus Apogeeum.

Est verò diurnus Motus in Saturno minorum 2. in Jove minut. 5. in Marte minut. 31 $\frac{1}{2}$. Et circuitus totus peragitur in Saturno Annis Egyptiis 29. diebus 169. in Jove, ann. Egypt. 11. diebus Proximè 316. in Marte, an. 1. diebus proximè 322.

Tertius Epicycli, seu mavis Planetæ in superficie Epicycli; & superiore quidem ejus parte (secus ac in Luna) in consequentia, ut puta in Q, R, S; inferiore in antecedentia, utputa in S, T, Q.

Estque dietim in Saturno minut. 57. in Jove, 54. in Marte,

Marte, ferè 28. Et periodus ejus absolvitur in Saturno anno 1. & diebus 13 $\frac{1}{2}$. in Jove, an. 1. & diebus ferè 34. in Marte, annis 2. & diebus ferè 60.

Esto Epicycli centrum in V, Apogeeum Epicycli medium X, designatum putà per lineam ex centro Mundi; erit tum linea Medii motus LZ, linea Veri A α , & arcus γ BZ motus medius, arcus γ B α Verus. Et cùm linea Veri loci Planetæ existentis in β sit A γ . ideo Verus Planetæ motus erit γ B γ .

Cùm autem distantia ab Apogeo Excentrici appellari heic quoque soleat non tam Anomalia aut Argumentum quàm Centrum Epicycli, illudque aut medium, ut BZ, aut Verum, ut B α ; tum heic etiam specialiter Argumentum dicitur distantia Planetæ ab Apogeo Epicycli; medium à medio, ut arcus X β ; Verum à Vero, ut arcus Y β .

Ut præteream heic eodem modo accipi Prostapharesin; seu Equationem Centri, arcum videlicet $\alpha\gamma$, & minuta proportionalia ex diversitate apparente diametri Epicycli, & tempus quo Equationes sunt aut nullæ, aut maximæ, & quo addendæ aut subtrahendæ, & si qua sunt hujusmodi; eodem, inquam, modo heic accipi quo dictum in Luna, ut vel ex ipsa Schematis inspectione intelligi potest.

Quamquam non est existimandum cùm Epicyclus illiusve centrum ex G pervenit ad V, Planetam esse solum promotum per superficiem Epicycli ex R aut Y in β , & cùm ad H, in α , & cùm ad I, in ϵ ; siquidem priusquam Epicyclus Saturni v. g. pervenerit ex G ad I, ipse Planeta Epicyclum totum percurrit proximè quindecies. Quamobrem Planeta eo fine duntaxat in iis locis depictus est, ac præterea in ζ , cùm Epicyclus pervenit ad η , ut mox dicta intelligantur; utque præterea videas quomodo, cùm Epicyclus pervenit ad I, Planeta esse possit in Perigeo Excentrici & Epicycli simul.

Quod mirabile interim heic est, ipsa est consensio revolutionis Planetæ per Epicycli superficiem cum ipso Sole; siquidem talis revolutio completur præcisè tanto tempore quantum est ex una Conjunctione aut Oppositione media

cum Sole ad aliam: adeò ut in omni Conjunctione media Planeta existat in Apogeo medio Epicycli, & in omni Oppositione sit in Perigeo; sicque tantum semper distet Planeta ab Apogeo medio Epicycli quantum linea medii loci Solis à linea medii motus Planeta; ac subtrahendo proinde medium motum Planetae ex medio motu Solis, Argumentum medium Planetae remaneat.

Ex quo licet intelligi, quantò centrum Epicycli circuit tardiùs Excentricum, veluti in Saturno, tantò Epicyclum Planetamve in ipso revolvi celeriùs; Sol nempe Planetam assequitur citiùs. Ac licet rursus intelligi, medium Planetae motum junctum motui ejus in Epicyclo æquari medio motui Solis.

Ad Latitudinem quod spectat, dependet ea quidem ex obliquitate quâ se habet Planetae Orbita seu Excentricus ad Eclipticam; sed contingit nihilominus ipsam angeri vel minui ex inclinatione obliqationeque Epicycli non fixa, sed mutabili libratilique.

Vix autem potest Latitudo maxima pervenire, in Saturno quidem ad gradus 2. & min. 5. aut 6. in Jove ad grad. 1. & min. itidem 5. aut 6. in Marte demum ad gradus 7.

CAP. VII.


De Theoria duorum Inferiorum Planetarum, Veneris nempe & Mercurii.

Hosce duos quoque conjunctim spectamus, propter formam motus communem quâ à memoratis tribus discrepant.

Et primùm quidem istis quoque duobus tam Excentricus quàm Epicyclus competunt: verùm linea medii motus ipsorum non discedit unquam à linea medii motus Solis, sed ità est una eademque cum ipsa, ut Epicyclorum centra lineae medii motus Solis veluti illigata sint, neque possint proinde Planeta longiùs evagari à Sole quàm ipsi illorum
•Epicycli

Epicycli patiuntur; secūds profectò ac Superiores, qui, propter diversas mediū motū lineas, etiam ad usque ipsam cum Sole oppositionem à Sole discedunt.

Exinde interim fieri constat, ut non alium mediū Longitudinis motum quàm Sol habeant, utque ratione huiusce motū sint semper cum sole conjuncti, ac eādē proinde Periodo, unius anni scilicet, Excentricum suum uterque percurrant. Quæ omniā intelligi vel ex sola hujus figuræ inspectione possunt.



Et

Et conveniunt quidem rursus cum Superioribus, ut in superiore Epicycli parte secundum, in inferiore contra successi-
onem Signorum moveantur ; ac rursus, ut habeant in ipso Epicyclo Apogeeum tam medium quam Verum, à quo ad ipsorum usque corpora accipiat numereturve Argumen-
tum tam medium quam verum : & pari proinde ratione Prostaphæresis, aequatiõe tam centri quam Argumenti, ad-
hibitis quoque minutis proportionalibus, usurpetur. Verum differunt, quò donec versantur non modò in Apogeo sed etiam in Perigeo, sint cum ipso Sole conjuncti : uti vel ex eadem figura mox adhibita intelligitur.

Quod superest autem, Veneris Theoria non alià est à Theoria trium Superiorum ; quippe ex iisdem orbibus constat, Excentrico nempe, ac Epicyclo & Æquante. Quare & eadem uti Figurà quæ pro illis est usurpata licet ; si modò lineam medii motus Solis unà transferri & transire semper per Epicycli centrum concipiamus.

Mercurii verò Theoria eo solùm differt, quòd inter duos orbis crassos Excentricòsve secundum quid concipiant alios duos itidem inæqualeis, & inter duos illos collocent Æquantem, inter duos istos Deferentem Epicyclum, seu Excentricum propriè appellatum, cujus centrum mobile sit in superficie circelli attingentis Diametro suà centrum Æquantis & centrum Mundi ; eo penè modo quo de centro Excentrici Lunæ in superficie circelli circumducto declaratum est, unde neque novà Figurà heic videtur opus.

Prætereo porò motum Veneris in Epicyclo esse dietim grad. 1. min. 36. ac totam proinde ipsius Periodum absolvi intra dies proximè 225. seu menseis 7. cum semisse : utcumque ob Solem interim progressum non appareat nobis conjuncta iteratò in Apogeo, aut iteratò in Perigeo, nisi post 19. menseis.

Mercurii autem motum in Epicyclo esse dietim grad. 4. min. 5. $\frac{1}{2}$ ac Periodum ipsius absolvi intra dies proximè 88, seu treis propè menseis ; utcumque ab una conjunctiõe Apogea cum Sole ad Apogeam aliam, aut à Perigea ad Perigeam, nonnisi post 4. fere menseis redeat.

Quod

Quod ad Latitudinis motum spectat, orituris etiam partim ex obliquitate Excentrici, partim ex inclinatione Epicycli; & eâ quidem utriusque contemperatione, ut in Venere major sit Latitudo ad Boream, in Mercurio major ad Austrum; & in Venere quidem Latitudo interdum ad 9. gradus perveniat, in Mercurio autem non ampliùs quàm ad quinque.

CAP. VIII.

De Theoria Firmamenti, & super-exstructi unius alteriusve Crystallini.


Denique, ut & pauca quædam de Firmamento attingamus, ac simul quæ allata de ipso Phænomena sunt explicentur; Sciendum est inprimis, quamdiu nullus fuit circa Stellas Fixas præter diurnum observatus motus, tamdiu Firmamentum cui illæ inhaerent fuisse habitum pro extimo Cœlo, seu Mobili primo; uti Aristotelis avo, & sequentibus seculis ad Hipparchum & Ptolemæum usque. Ex quo autem ipsæ quoque Fixæ deprehensæ sunt in consequentia promoveri, tum Nonum cœlum cœpisse addi, quod esset Primum mobile, cuiusve diurnus motus esset proprius; & Firmamentum habitum pro Secundo mobili, cuius motus ille in consequentia specialis foret. Nimirum quòd duo per se motus uni mobili non competere crederentur; veluti suprà attigimus.

Porrò quia hic motus adnotatus fuit inæquabiliter peragi, ac etiam, juxta aliquos, interdum retrogradus esse, ac observatum aliunde est, Eclipticam unâ cum Fixis sic mutare situm, ut illius Obliquitas, atque adeò Declinatio Solis maxima, evaderet nunc major, nunc minor, (quippe quæ tempore Ptolemæi, aut paulò antè, fuit maxima, utputa grad. 23. minut. 52. ea deinceps ità decrevit, ut superiore seculo credita minima, exstiterit grad. 23. min. 28.) idcirco cœpit superaddi cœlum Decimum, quod esset Primum mobile,

mobile, ac retineri simul cœlum nonum, dictum plerisque
Cryſtallinum, cui ille in longum ſeu in conſequentia mo-
tus tribueretur; ipſi autem Firmamento assignatus eſt motus
quem Accessus & Reſeſſus, ac Trepidationis, Alphoſini
praſertim dixerunt,

Nempe assignatâ ut mobili Primo, itâ Nonæ ſphæ-
ræ Eclipticâ immobili, fecere ipſam firmamenti Eclipticam va-
riabilem; ſeu itâ luxatam in ſuperficie duorum circellorum
circa puncta Æquinoctialia deſcriptorum, ut exinde duplex
huiusmodi irregularitas crearetur. Res operoſè declara-
tur; ſed nè tot implicemur tricis, ac in re preſertim qua
forte non admodum firmo fundamento innititur, conemur
duntaxat eam percipere ex tranſlatis circellis, facilitatis
gratiâ, circa ipſa Solſtitialia puncta.

Sunto in ſequentē Figura ABCD Colurus Solſtitiorum
in Nonâ Sphæra; A & C initia ☿ & ♀ in eadem;
EFGH & IKLM circelli ipſis circumducti; E & I



initia \odot & φ in Octava sphaera, dum Ecliptica utriusque Sphaerae coincidit, & obliquitas minima est. Intelligatur punctum E procedere versus F ad Boream, & punctum I versus M ad Austrum; tum & crescet obliquitas, quousque sit maxima ad F ac M, & Ecliptica Octavae sphaerae facia promotior versus ortum evadat FM. Intelligantur eadem puncta procedere ab F in G, ab M in L; tum & descrescet obliquitas, quousque sit minima, & Ecliptica Octavae facta adhuc promotior in ortum coeat cum Ecliptica Nonae. Intelligantur eadem pergere à G in H, ab L in K; tum & crescit iterum obliquitas, quousque fiat maxima in H & K, & Ecliptica Octavae in occasum regressa evadat HK. Intelligantur denique eadem pergere ex H in E, ex K in I; tum & decrescet iterum obliquitas, quousque fiat minima, & Ecliptica Octavae adhuc magis in occasum regressa coeat iterum cum Ecliptica Nonae.

Atque hæc omnia quidem eâ ratione, ut cum Nona sphaera moveat Eclipticam Octavae continenter & æquabiliter versus ortum, ipsa tamen Ecliptica Octavae luxatione hæc suâ huiusmodi motum irregularem reddat, ac velociorem faciat, cum uterque motus conspirat in ortum, memoratis nimirum punctis procedentibus per medietates circellorum EFG, & IML; segniores autem, cum alter motuum in occasum est; iisdem videlicet punctis procedentibus per medietates oppositas GHE, & LKI.

Denique autem visum est ex Nono illo cœlo duos facere, & ipsum Primum mobile in Undecimum locum relegare: ac ipsi quidem Firmamento motum Longitudinis, tanquam ipsi proprium restituere; motum verò Trepidationis partiri in duas Librationes, quarum una ab occasu in ortum, ab ortu in occasum, attribueretur Nonae sphaerae, altera à Borea in Austrum, ab Austro in Boream, attribueretur Decimae: Sicque prior faceret illum Longitudinis motum nunc velociorem, nunc tardiores; & posterior nunc maiorem, nunc minorem Obliquitatem.

Itaque solet jam Firmamento motus ille in consequentia Longitudinisve attribui, qui ab usque Copernico Præcessio seu

seu Anticipatio *Æquinoctiorum* appellatur; quòd ille, ob motum Terræ attributum, existimârit non tam *stellas Æquinoctia* immota prætergredi, tendendo versus consequentia, quàm ipsa *Æquinoctia* *stellas* immotas deferere, tendendo versus præcedentia. Solet & Nonæ sphaeræ tribui illa *Libratio*, quæ ideo vocatur *Anomalia Præcessionis Æquinoctiorum*, quòd motum *Præcessionis Æquinoctiorum* inæqualem faciat; ac solet demum *Decimæ* attribui *Libratio*, quæ *Anomalia Obliquitatis Eclipticæ* ideo dicitur, quòd *Obliquitatem Eclipticæ* non semper eandem esse patitur.

Et motus quidem *Firmamenti*, seu *Octavæ sphaeræ*, peragitur lentissimè super *Polis Eclipticæ*; siquidem, juxta *Ptolemæum*, circuitum unum non peragit nisi intra annorum 36. millia; utputa unum tantùm gradum intra annos centum conficiens: tamen si successio temporis nos docuit peragere potius intra annorum proximè 25. millia; utputa unum intra annos 70. gradum absolvens; utcunque aliunde *Alphonfini* statuerint circuitum non peragere nisi intra mille *Jubilæa*, seu millia annorum 49.

Motus verò *Nonæ sphaeræ* fit quidem super iisdem *Polis*; at non circuitum perficiendo, sed leviter solum librando. Nam postquam *Sphæra* progressa est versus ortum per duos gradus cum triente, hoc est, gradum 1. min. 10. citra, & grad. 1. min. 10. ultra *Æquinoctialia puncta*, reditus ab ortu in occasum fit: atque id quidem etiam perquam lentè; nam una *Libratio* eundo redeundoque peragitur solum intra annos 1700.

Motus denique *Sphaeræ Decimæ*, habens pro suis quasi *Polis* ipsa *Æquinoctialia puncta*, secundum colurum *Solstitialium* peragitur, libratione adhuc minore; nempe per minuta non plura quàm 24. quorum sint 12 citra, 12 ultra *Solstitialia puncta*, habita quasi fixa in ipso *Primo mobili*; ac præterea duplò lentiore, cum una *Libratio* percurratur solum intra ter mille & 400 annos.

Ac circelli quidem heic etiam describuntur, ad explicandum quomodo *Librationes* sub medium celeriores, sub principium

principium ac finem lentiores appareant : sed, ut tunc adnotabitur, cùm quemadmodum rem Copernicus declaraverit attingetur, videtur res esse magis commentitia quàm ut scrupulosius illam prosequamur.

CAP. IX.

Quare Planeta nunc majores, nunc minores appareant.

Nunc quemadmodum ea Phænomena quæ sunt initio commemorata, quæque magna ex parte passionēs Planetarum vulgò dicuntur, ex Hypothesi Theoriisque jam recensitis explicentur, difficile dictu admodum non est.

Ac illa quidem Primum prætereo quæ ex deductis superiore libro abundè satis intelliguntur; cujusmodi sunt, Observari Solem aliòsque Planetas nunc heic nunc illeic oriri & occidere, nunc altius nunc humilius in Meridianum evehi, Cæteros à Solis splendore nunc occultari nunc revelari, aliæque similia.

Cætera ut attingam; Videtur imprimis nihil esse mirum, si Planeta interdum majores, interdum minores appareant. Siquidem cùm in Apogeis sint longè à terra quàm in Perigeis distantiores, necesse est illeic sub minore specie, heic sub majore, repræsententur.

Nihil necesse est admonere, non esse heic quæstionem de specie quæ propter vapores juxta horizontem increscit, quæque decrescit, prout Sidera sublimè attolluntur; quippe heic agimus de specie quæ in eadem Planeta supra horizontem altitudine, etiam meridiana, apparet.

Ac in superioribus quidem Planetis res est facilis observatu manifestaque admodum. Nam quoties Soli opponuntur, idcirco maximi apparent, quòd in Perigeis sint Epicyclorum : nè memorem ipsorum speciem tantò adhuc magis increscere, quantò magis Epicyclus ad Excentrici Perigeum accedit. Mars certè speciatim, qui alias vix stellæ secundæ magni-

magnitudinis exæquatur, in oppositione tamen, five dum Acronychus est, ac utroque potissimum Perigeo concurrente, eâ evadit specie, ut Jovis atque Veneris magnitudinem æmuletur.

Facilis verò etiam est in duobus inferioribus, Venere putà ac Mercurio, sed Venere potissimum; quippe quæ versus Perigeum, etiam interdiu, ac sub ipsum meridiem facile videatur. Quamobrem autem non perinde videatur cum versus Apogeeum est, etsi ejus species per noctem non esse minor appareat, intelligendum est ex infra dicendis, ubi de ejus cornibus.

In Luna res est paulò difficilior: observavimus ipsi tamen ejus diametrum, dum est tam in Excentrico quàm in Epicyclo Perigea, esse minutorum 31. secundorum 6; & cum Apogea, minutorum 26. ac 36 secundorum: utcumque alii ipsam ad tantam exilitatem non deducant.

In Sole difficillima: sed ipsi tamen illius quoque diametrum observavimus, dum Perigeus quidem est, minutor. 31. secund. 6. quantam nempe ipsius Lunæ; & cum Apogeeus, minut. 30. secund. 12, planè ut non integrum omnino minutum intersit.

CAP. X.

Quare nunc Velocis, nunc Tardi.

Pari ratione, mirum non est si Planetæ incedere nunc ocylis, nunc segnius appareant. Videlicet tametsi ipsi suis in Excentricis & Epicyclis æquabili motu incedant, uti & incedere nobis apparerent si, quemadmodum dictum est, in eorum centrīs existeremus; necesse est tamen observemus ipsos ferri inæquabiliter, quod ipsorum motum ex centro alieno spectemus.

Heinc in Sole, exempli gratiâ, cūm linea Mediarum longitudinum Eclipticam nobis in duas æqualeis parteis dividens sic Excentricum dirimat, ut quæ ejus portio versus Apogæum est major eâ sit quæ versus Perigæum, idcirco necesse est Sol appareat nobis percurrere alterum Signorum dimidium tempore prolixiore quàm alterum; atque ea de causa uno tempore incedere lentius quàm alio, sicque inæquabiliter ferri, & tardissimè quidem in Apogeo, velocissimè in Perigeo.

Et quia Solis Apogæum subest hisce temporibus, ut jam antè attigimus, initio gradus septimi Cancrī, ac Perigæum adèd initio gradus septim. Capricorni, heinc apparet causa cur ea anni portio quæ est ab Æquinoctio verno in Autumnale, transeundo per æstatem, sit novem diebus longior illâ quæ ab Autumnali in vèrnum, transeundo per hyemem. Nimirum portio Excentrici percurrènda est per illam quàm per istam major.

Atque exinde est, cur cūm Sol observetur medio tempore conficere diètim motu apparente minuta 59, in Apogeo tamen conficiat solūm 57, & in Perigeo 61; ut suprâ quoque est adnotatum.

In Luna res secūs se habet. Nam quia centrum Epicycli non movetur regulariter super centro Excentrici, sed super centro Mundi, quod versus Perigæum semper est, idcirco necesse est ipsum in Apogeo Excentrici ferri apparere ve-

H

locius

lociùs quàm in Perigeo; videlicet illeic majores portiones Excentrici competunt arcibus Zodiaci æqualibus quàm heic. Quod idem proportionè dicendum est de motu Lunæ in Epicyclo, quatenus movetur regulariter non super centro proprio, sed super puncto quod opponitur ipsius Excentrici centro.

Exinde verò causa est cur tametsi Luna tam in Conjunctione quàm in oppositione cum Sole Apogea sit, celerius tamen tunc moveri appareat quàm dum fuerit in Quadraturis Perigea.

Causa etiam est cur cùm Luna mediocri motu appareat conficere dietim circiter gradus tredecim, interdum tamen conficere non omnino undecim, interdum ultra quindecim, appareat.

De Planetis cæteris alia quàm de Luna est ratio. Nam licet moveantur regulariter non circa centra Excentricorum, sed circa centra Æquantium, ista tamen Æquantium centra sunt respectu nostrî, sive centri Mundi, ultra centra Excentricorum; atque idcirco necesse est ut moveri tardius circa Apogea quàm circa Perigea appareant.

CAP. XI.

Quare nunc Directi, nunc Retrogradi, nunc Stationarii.

HÆC affectio competit solum quinque Stellis errantibus quatenus in partibus variis Epicyclorum suorum versantur.

Nam quia Planeta in superiore Epicycli parte imitatur motum ipsius Excentrici centrive Epicycli, qui est semper in consequentia, heinc fit ut duplicato motu Planeta velut dirigatur, seu secundum seriem Signorum suum cursum intendat; & per ipsum quidem Apogeeum ocyssimè heinc, indè autem tantò segniùs quantò ampliùs ab ipso abest.

Et quia inferiore parte adversatur motui Excentrici, ac celerius fertur per Epicyclum in antecedentia quàm deve-

hatur


hatur ab Excentrico in consequentia, indè fit ut retrogradi, seu contra signorum successionem moveri, appareat; ac per ipsum quidem Perigeum citissimè heinc, indè tantò lentius quantò longius ab eo versatur.

Quia demum in parte Epicycli descendente seu orientali, & quâ parte ex Directo Retrogradus fit, ac in ascendente seu occidentali, quâ ex Retrogrado fit directus, hære videtur, & eundem sub Fixis quodam tempore locum occupare; heinc est cur utrobique stare, seu Stationarius fieri, dicatur: & in Descendente quidem parte esse dicatur Statio prima, in Ascendente verò Statio secunda; cùm in Venere & Mercurio illa praterea Matutina, ista Vespertina vocetur.

Et movetur tunc quidem Planeta, perinde ac aliàs, æquabiliter per Epicyclum, sed non percipit tamen oculus illius progressum; quòd motus tunc fiat oculi respectu secundùm rectam quasi lineam ab ipso protensam, non secundùm ductum transversum, ut ideo possit animadverti.

Non fiunt autem Stationes in maximis ipsis Planetæ à Sole Elongationibus, designatis per duas lineas ab oculo aut centro Mundi ductas, & Epicyclum heinc indè contingentes, sed infra ipsas. Ex quo fit ut arcus Retrogradationis minor semper sit arcu Directionis: cùm & aliunde arcus Retrogradationis tantò brevior fit, quantò motus Excentrici motui Epicycli ampliùs detrahit; arcus Directionis tantò productior, quantò motus Excentrici motui Epicycli ampliùs addit.

Quæ omnia intelligi ut possint, attendendum solum est ad Schemata in ipsis Errantium Stellarum Theoriis allata; aut etiam duntaxat inspiciendum in hoc, in quo centrum Mundi, seu spectatoris oculus, A, Zodiacus secundum signorum successionem B C D, Excentricus E F G, Epicyclus E H G I, contingentes seu maximarum Elongationum lineæ A B, A D, Arcus Directionis E H G, Retrogradationis G I E, Statio prima K, Statio secunda L,



Interim ex iis quæ mox dicta sunt, & ex iis quæ de singulorum Planetarum motibus tam in Excentricis quàm in Epicyclis antè attigimus, intelligitur fieri ut ex tribus quidem Planetis Superioribus non retrogrediatur Saturnus, nisi 7 gradibus, aut aliquantò plus; Jupiter, nisi 10; Mars, nisi ad summum 20, (interdum enim nisi 12:) Ex duobus autem Inferioribus, Venus retrogrediatur circiter 16, aut 17; Mercurius interdum tantumdem, interdum circiter undecim.

Prætereo verò, cùm in istis duobus Conjunctio cum Sole sit media inter duas Stationes, esse in illis tribus Oppositionem

tionem mediam ; & dum Stationes celebrantur, distare à Sole Saturnum quidem ultra quadrantem circuli, Jovem triente, Martem ultra trientem.

Prætereo &, cùm ex iis duobus plures sint Stationes Mercurii quàm Veneris, quoniam longè citiùs percurrento Epicyclum, sapius heic indè à Sole fit ; ex tribus superioribus opposito modo, plures sint Saturni quàm Jovis, & hujus quàm Matris, quoniam cùm Saturnus sit tardior quàm Jupiter, Sol ipsum citiùs assequitur ; & pari ratione cùm Jupiter sit tardior quàm Mars, Sol assequitur quoque ipsum citiùs.

Dixi porrò hanc affectionem competere solùm 5 Stellis Errantibus ; quoniam Sol quidem non movetur per Epicyclum, sed per Excentricum duntaxat, in quo proinde potest quidem videri uno tempore moveri tardiùs quàm alio, at non propterea unquam retrogredi aut stare. Luna verò movetur quidem per Epicyclum, & superiore quidem parte contra successionem Signorum ; at quoniam motus Excentrici (seu centri Epicycli per Excentricum) est longè velocior quàm motus Lunæ per Epicyclum, atque idcirco Luna tunc quoque velociùs devehitur ab Excentrico in consequentia quàm revehatur per Epicyclum in antecedentia, heinc fit ut tardiùs quidem moveri, at non propterea stare regredive, appareat.

CAP. XII.


Quid Parallaxis, ob quam Planeta altiores aut humiliores judicantur.

Parallaxeos nomine intelligitur heic non quævis commutatio, sed commutatio Visûs, quæ appellatur etiam Visûs aberratio, & Adspectûs diversitas ; ac describi solet, Differentia inter verum & visum locum alicujus Astri.

Verus porrò locus alicujus Astri est punctum in Firmamento,

mento, aut supremo cœlo, ad quod terminatur recta lineâ ex centro Terræ sive Mundi per ipsum Aſtri centrum traducta. Viſus autem locus eſt punctum in eodem, ad quod terminatur recta lineâ quæ ex oculo per idem Aſtri centrum traducitur. Unde & quia iſta duo puncta incidunt in eundem verticalem circumulum, definiri quoque Parallaxis ſolet, Arcus verticalis qui intercipitur inter verum & viſum locum.

Eſto v. c. A centrum Terræ vel Mundi, C B D Terra ſuperficies, B oculus, E F G verticalis in Firmamento ſeu ſupremo cœlo. Aſtrum ſit imprimis in Horizonte ſenſibili H: Tunc Verus locus erit I, terminans nempe lineam A I; locus Viſus K, terminans putâ lineam B K; & arcus I K Parallaxis, ſcilicet diſcrimen inter utrumque locum.



Quòd ſi deinde Aſtrum elevatum fuerit ad L, conſtat Parallaxin ejus fore M N; ſi ad O, Parallaxin fore P Q; & ità de cæteris locis.

Ubi interim adnota Parallaxin horizontalem eſſe maximam; ac ipſam, aſcendente Aſtro, ſic decreſcere, ut ſi Aſtrum ad verticem R pervenerit, nulla demum ſit Parallaxis futura; quòd lineis Veri & Viſi locorum in unam coëunbus, idem futurus ſit Verus ac Viſus locus.

Adno-

Adnotare verò etiam licet, Quò aliquod Astrum est Terræ propinquius, eò majorem ipsi Parallaxin creati. Nam Astrum v. c. in S, hoc est, in eadem horizontali linea cum H, creat Parallaxin TK; in V, hoc est, in eadem visi loci linea cum L, creat Parallaxin NX; in Y, hoc est, in eadem cum O, creat Parallaxin in QZ.

Quin adnotare etiam oportet Angulum qui fit in centro Planetæ ex lineis Veri ac Visi locorum, & cui semidiameter Terræ opponitur, qualis est v. c. Angulus, AHB, aut ALB, &c. ipsum propriè esse qui & dicitur Angulus, & est mensura Parallaxeos. Nimirum prout ipse est aut magnus, aut parvus, aut nullus, arcus quoque ille qui Parallaxis dicitur magnus, parvus, aut nullus est.

Prætereo porrò esse aliam quandam Parallaxeos speciem quæ in Luna attenditur, & tam secundùm longitudinem quàm secundùm latitudinem fit. Ea nempe non attenditur in verticali circulo; sed aut in ipsa Ecliptica, quam circuli latitudinum Veri ac Visi locorum in diversis partibus interfecant, arcumque intercipiunt Longitudinis Parallaxin dictum; aut in circulo ad Eclipticam recto, quem interfecant duo circuli per loca Verum & Visum ducti, Eclipticaque paralleli, & intercipientes arcum qui Parallaxis Latitudinis appellatur.

CAP. XIII.

Quæ sit proinde singulorum, & Fixarum etiam, à Terris distantia, quisque adeò Cælorum ordo.

CUM quò major est Parallaxis eò res visa propinquior sit, quò minor eò distantior, idcirco in eo sunt Astronomi, ut Parallaxes Siderum sintne, & quantæ sint, observent, quò de ipsorum propinquitate aut remotione à Terra pronuncient.

Enimvero cum in ipsa Luna Parallaxis fiat admodum sensibilis, (videlicet horizontalis integrum etiam gradum

excedit) in cæteris nihilominus res est subtilis adeò negotii, ut verisimilitudinem non excedat. Quippe in Mercurio, Venere, Sole, Marte, difficillimè aliqua notatur; in Jove ac Saturno vix ulla est; & ad Fixas quod attinet, eæ sunt longè evectiores quàm ut ullam penitus prodant.

Non memoro causam hujus rei esse quam suprà insinuvimus, quòd Terræ nimirum Semidiameter, quæ & pro communi mensura, & quasi pro duarum stationum dimensionarum interstitio accipitur, sensibilem quidem rationem ad Lunæ distantiam obtineat: ad cæterorum autem distantiam adeò exilem habeat, ut ferè aut etiam prorsus evanescat; quasi Terra jam velut punctum sit, nihilque intersit S. dus aliquod ex Terræ superficie, aut ex ejus centro, spectetur.

Ut hoc tamen loco Siderum distantiam, quam ex mente Ptolemæi Albategnius præsertim & Alphraganus deduxerunt, aliq̃ue amplexi sunt, proponamus, quoniam illa per repetitas Terræ semidiametros explicatur, ideo attingendum est paucis quantanam Terræ semidiameter sit.

Cùm ergò, licet variæ de ambitu Terræ opiniones sint, nobis tamen propemodum constet esse ipsam milliarius Italicoꝝ 20255, quòd in maximo ad Terræ superficiem circulo respondeant uni gradui milliaria proximè 73; ea de causa, tum Diameter Terræ erit milliarius Italicoꝝ 8354, tum Semidiameter milliarius 4177.

Suppono autem, ut rem tritam, Milliare dici quod mille passus (seu Stadia 8. quæ singula sunt 125 passuum) contineat, & Passum intelligi Geometricum (seu duplum vulgaris) quinque scilicet pedes continentem, Pedem verò etiam Geometricum intelligi, & talem quidem qui minor sit Parisino seu Regio vocato unâ decimâ quàm proximè parte. Scilicet diviso Parisino Pede in nulle particulas, deprehendimus Romanum antiquum continere ex illis non-gentas & quatuor.

Utiurpo verò Italicum milliare potiùs quàm Leucam Gallicam, quòd mensura constantior sit. Tamen si cùm Leuca Gallica mediocris contineat plùs mindus tria milliaria Italica, nihil

nihil vetet allatas measuras sic reducere, ut ambitus Terræ censeatur continere Leucarum Gallicarum 8752, Diameter 2785, Semidiameter 1392.

Uicunque sit, ecce distantiam quam Arabes illi ex Ptolemæi principiis, non modò circa Solem & Lunam, verùm etiam circa quinque Erranteis stellas, ac Fixarum quoque Sphæram, deduxerunt. Intelligenda verò est in ipsis Planetis distantia mediocris, acceptave cùm ii versantur circa longitudoines medias; alioquin enim in Apogeo longius, in Perigeo propius distant.

Distantia mediocris quâ absunt à Terra	Luna	} est terren- rum semi- ametrorum	49
	Mercurius		115
	Venus		618
	Sol		1165
	Mars		4584
	Jupiter		10423
	Saturnus		15800
	Fixæ		19000

Interim verò ex ipsa serie quâ istæ distantia increscunt comprobatus manet qui Cœlorum ordo in huiusce Institutionis Proximalibus propositus est, saltem ad usque cœlum Fixarum; nam quod de cæteris dici potest, id attigimus circa Theoriam Firmamenti.

Ac solent quidem aliæ nonnullæ præter Parallaxin rationes afferri comprobando huic ordini: verùm illæ aut sunt fallaces, ut quæ ex umbris petitur, (falsum est enim breviorrem umbram à luminoso corpore distantiore projici, si in eadem supra horizontem altitudine, hoc est eodem gradu, accipiatur quo propius;) aut à decoro assumptæ non perinde suadent, (ut dum consentaneum esse perhibent Solem, qui princeps omnium sit, solum in medio obtinere.)

Hæc certè ratio neque Platonem neque Aristotelem movit, qui ut Lunam in infimo, sic Solem in loco succedente collocarunt. Non movit item Anaximandrum aut Metrodorum Chium, qui Solem in supremo, Lunam in sequente,
stellas

stellas Erranteis in locis succedentibus, Inerranteis in infimo habuerunt. Non item alios, qui alias aliâsque Soli cæterisque sedeis assignârunt.

Et dicendum quidem hoc loco videretur, quemadmodum probabile sit Mercurium & Venerem ità Soli circumduci, ut aliquando quidem inferiores priorésque, sed aliquando etiam superiores distantiorésque à Terra sint quàm Sol: verùm res est intelligenda ex ipsis tam Copernici quàm Tychoonis Systematibus sequente libro proponendis; cùm heic referamus duntaxat communem Ptolemaicâque sententiam

CAP. XIV.

Quæ item eorundem & Fixarum sit (sed habitis simul apparentibus diametris) vera Magnitudo.

Quia ex supposita distantia, & observata apparente visibilis rei diametro, judicare licet de vera illius tum diametro, tum superficie, tum crassitudine corporeâve mole, ea propter, ubi præter distantiam adnotârunt etiam illi iidem Astronomi quanta cujusque Sideris diameter apparet seu visibilis foret, pronuntiârunt etiam quæ foret Sideris cujusque vera Magnitudo.

Cæterùm videtur id quoque negotium longè difficilius quàm reputari soleat, definire quæ sit habenda Sideris cujusque diameter apparet. Nam Sol quidem suo splendore seu spectetur ipse, seu aliâ industriâ ejus diameter exploretur, negotium facit maximum; aliorum verò Astrorum disci nunc majores nunc minores (etiam in eadem à terris distantia, ac in ea supra horizontem altitudine quæ sit refractione immunis) apparent, prout oculus eos spectat ex variis lucis tenebrarumque gradibus: tantò siquidem majores videntur, quantò sunt tenebræ densiores; & nè lux quidem, quâ apparent exilissimi, illos quantum par est dimittit, ut nobis quidem constitit.

Sanè,

Sanè nè illud repetam quod de observatis à nobis Solis ac Lunæ diametris apparentibus est jam antè dictum, ac nè aliquid etiam heic subijciam de cæteris, adnoto duntaxat diametrum Mercurii, quæ alioquin apparet, haberique solet minorum duorum aut trium, fuisse à nobis observatam triente minuti non majorem; idque cùm hac in Urbe anno 1631. & die Novembris 7. manè in ipso Solis disco apparuit, ac suâ se umbellâ citra telescopium in papyro pinxit, potuitque ejus diameter cum diametro Solis comparari impunè. Prætereo autem illum exiisse è margine occiduo Solis (fuit enim retrogradus) horâ 10. cum minutis 28. latitudinem Boream assequutum minorum 6. secund. 20.

Enimvero quia, ut jam monuimus, Ptolemæi Sectatorumque sententiam heic referimus, ecce imprimis quantas diametros apparentes habuerint, & maxime quidem sub mediocrem illorum à Terra distantiam.

Diameter apparens	Lunæ	} est minuto- rum	33 $\frac{1}{3}$
	Mercurii		2
	Veneris		3
	Solis		31 $\frac{1}{3}$
	Martis		1 $\frac{1}{2}$
	Jovis		2 $\frac{1}{2}$
	Saturni		1 $\frac{1}{3}$

Circa Fixas autem nihil definierunt, nisi quòd Albategnius stellis Magnitudinis primæ unius minuti ac semissis (seu quantam & Marti) diametrum attribuit.

Deinde verò ex habita Sideris cujusque distantia ac visibili diametro, obtinere diametrum veram; eamque cum diametro Terræ comparantes, cubicève multiplicantes Sideris cujusque crassitudinem corpusque, ita deduxerunt, ut quantum à corpore Terræ excederetur, aut ipsum excederet, designaverint. Designatio autem, quod ad Planetas spectat, hujusmodi fuit.

Sunt

Sunt	Luna	}	minores	}	39
	Mercurius		Terrâ		19000
	Venus		vicibus		28
	Sol	}	majores	}	167
	Mars		Terrâ		1 $\frac{1}{2}$
	Jupiter		vicibus		81
	Saturnus				79

Quod ad Fixas verò, arbitrariâ quâdam assumptione, hujusmodi.

Sunt Fixæ Magni- tudinis	I	}	majores Terrâ vicibus	}	108
	II				90
	III				72
	IV				54
	V				36
	VI				18

Atque hoc quidem potissimum juxta Alphraganum; alioquin enim Albategnius habens stellas I. magnitudinis vicibus 102 majores quàm Terram, & stellas VI. sexdecim, docet ex Mundanis corporibus secundum magnitudinem spectatis primo loco esse Solem, secundo stellas Fixas I. magnitudinis, tertio Jovem, quarto Saturnum, quinto Fixas cæteras, sexto Martem, septimo Terram, octavo Venerem, nono Lunam, decimo Mercurium.

CAP. XV.

Qui Planetarum Adspèctus sint.

Planetarum Adspèctus, quos Græci *Συναπομοῦς*, Latini appellant *Configurationes*, nihil aliud sunt quàm mutux habitudines quibus Planetæ se invicem quatenus sunt in variis Zodiaci partibus constituti respiciunt,


Et quia numerus duodenarius quo Zodiaci Signa distinguuntur

guuntur sortitur aliquotas parteis, Semissem 6, Trientem 4, Quadrantem 3, Sextantem 2; ea de causa, si Planetâ uno constituo in certa Zodiaci parte, alius ab eo distet per semissem, sitque proinde è regione, dicitur esse inter illos adspectus Oppositus sive Diametralis; si per trientem, Trinus; si per quadrantem, Quadratus; si per sextantem, Sextilis.

Et videbatur quidem præterea assignandus adspectus qui Uncialis diceretur, quatenus Unitas 1 est etiam aliquota duodenarii pars, & potest etiam unus Planeta abesse ab alio per unam duodecimam Zodiaci partem: at talis adspectus admitti non solet; & vice illius admittitur alius, qui quasi cyphræ 0, attribuitur; cum nimirum unus Planeta nihil distat ab alio, sed illi quasi conjungitur; unde & dicitur adspectus Conjunctionis.

Res intelligenda est ex hac Figura, in qua, constituto Planetâ uno in principio v. c. γ , patet, si alius sit constitutus in principio \triangle , Oppositionis adspectum esse, si in principio Ω aut τ , Trinum; si in principio \S aut \wp , Quadratum; si in principio Π aut \approx , Sextilem; si denique in principio γ , adspectum Conjunctionis; ut & inscriptæ lineæ demonstrant, & characteres quibus solent singuli Adspectus depingi, utputa 0 — 0 , \triangle , \square , $*$, 0 —

Porro



Porro, cum Adspectus solus Conjunctionis Syzygia dici mereatur, solet tamen vox etiam tribui & Oppositioni, & Adspectibus cæteris, abusu quodam ampliationis.

Prætereo autem solere Adspectum aliquem dici Partilem, cum Planeta unus distat ab alio exquisitè per aliquotam partem; Platicum verò, cum aut minuta aut gradus etiam aliqui defunt. Et cum Partilis speciatim Conjunctio ea sit quâ Planetæ sunt in eadem longitudine, eam Conjunctionem dici centralem & Corpoream, quâ iidem existunt quoque in eadem Latitudine, & inferior supponit suum centrum centro superioris, corporeque suo ejus corpus tegit.

Quod

Quod idem proinde proportionem est de quovis Planeta, tanquam inferiore respectu Fixarum quibus applicatur, dicendum.

Præterea item hosce Adspēctus factos esse potissimum celebres apud Astrologos, qui ipsis tribuunt vim maximam tum in ciendis variis aëris mutationibus, tum in moderandis hominum fortunis, docentes, præter cætera, Oppositionem & Quadratum adspēctus esse Maleficos, Trinum & Sextilem Beneficos, Conjunctionem Indifferentem.

Præterea rursus, admissis solum quinque illis Adspēctibus, constare Venerem & Mercurium referri ad Solem non posse alio Adspēctu quàm Conjunctionis, cum illa quidem vix unquam plusquam sequi-signo, hic nè signo quidem integro, ab ipso recedat.

Præterea insuper Keplerum induxisse nuper Adspēctuum genera longè plura, nempe Semi-sextum seu Duodecilem, Decilem, Octilem, Quintilem, &c. quatenus attendit non posse ex iis solis quinque admissis rationem reddi mutationum omnium in aëre observatarum.

Præterea demum quas speciatim Conjunctiones Magnas & Maximas vocant. Nam ut Conjunction quatuor inferiorum Planetarum simul interdum Magna dicitur; sic frequentius Magna vocatur quæ Saturni ac Jovis est, & vigesimo quoque anno contingit: cum & Magna propriè, seu potius Maxima, ea sit quæ trium Superiorum est, & contingit solum octingentesimo quoque anno, uti contingit anno hujus seculi quarto.

CAP. XVI.

De variis Lune Phasibus, pro varietate Adspectuum Configurationumve ipsius cum Sole.

Quia Luna corpus sphaericum opacumque est, & lucem illam primariam argenteamve mutuatur à Sole, ac ab ipso semper dimidia sui parte (aut etiam aliquantò amplius, prout minor est) illustratur, necesse est ut, cum aliunde situm circa nos, ac ipsi Soli interveniendo, continenter commutetur, necesse est, inquam, ut ad nos convertat nunc amplius, nunc minus ex illuminato dimidio; sicque quod ex illo apparet, variis formis figurisque, quas Phaseis dicunt, exhibeatur.

Solent verò Phaseis censeri ac nominari quatuor, pro quadruplici illo primùm recitato genere adspectuum: nam ut aliunde ipsa Conjunctio minùs propriè adspectus est, sic Phasis propriè tunc est nulla, utpote parte illuminatà existente totà à nobis aversà, conversàque in ipsum Solem.

Non memoro autem Lunam, donec est inconspicua, fientem silentemque dici; & cum totum id tempus Interlunium vocetur, ipsum speciatim diem Conjunctionis appellari *Newmōiar*, *Novilunium*, itémque *Ἐπὶ τῷ νέμῳ*, quòd Luna eodie sit *Vetus* ac *Nova*.

Prima itaque Phasis dicitur, cum Luna à Conjunctione, recens, vesperèque emergens è Solaribus radiis, obvertit nobis portiunculam, & ipsam quidem quasi excavatam, partis illius illuminatæ, (residuo quod suprà Solem respectante) ac tum dicitur, & maxime quidem sub ipsum Sextilem adspectum, Corniculata Falcataque, & Græcè *Μυρομήδης*, ob formam videlicet propriam, quam quæ imitantur cætera *Lunulata* appellitantur.

Secunda est, cum Luna sub septimum jam aut octavum diem, quo quadrante à Sole abest, cavitatem illà jam evanidà, obvertit nobis integrum illuminatæ patris dimidium; ac idcirco *Διχότμη* seu *Bisecta* dicitur, quòd ex semi-globo nobis

nobis obverso dimidium adhuc obscurum sit; & ut semiglobus nobis ob distantiam quasi discus apparet, sic communis illa Lucis & Umbræ sectio quasi recta linea discum hunc bisecans appareat.


Tertia est, cum exinde Lunâ ad Oppositionem properante, & maximè sub Trinum adspectum, ampliùs quàm dimidium illuminatæ partis ostentat, ac ideo vocatur *'Αυξημένη*, utrinque gibbosa, quod non ampliùs alterâ parte cava, aut rectè secta, verùm tumida ex utraque videatur.

Quarta demum est, cum propecta ad Oppositionem Lunâ, obvertit nobis inter Solem ipsamque consistentibus, atque adeò ipsi ad eandem regionem cum Sole spectatis, totam partem illuminatam; ac integro proinde disco (pleno ve orbe) fulgens, Plena dicitur, & Græcè *Παρούση*, quasi *Toti-tunis*.


Notum porrò est easdem Phaseis Lunæ decrescenti (sed ordine retrogrado) quæ sunt increscenti attributæ competere; prout iterum sub Trinum adspectum *'Αυξημένη*, sub Quadratum *Διήστου*, sub Sextilem *Μυρομένη* apparet.

Notum & eam partem Lunæ quâ est umbra esse semper à Sole averfam; ac ipsa speciatim cornua in Vetere Luna spectare ad occasum quæ in recente spectant ad ortum.

Potest hæc Phaseon varietas sequente figurâ sic representari, quasi Luna à Conjunctione orbem suum percurrrens, talis succedenter appareat qualis heic per circuli parteis, albas relictas, exhibetur.



Moris verò est, ut eadem varietas figurâ proximè consequente repræsentetur, ut intelligi quadantenus possit, quemadmodum circumeunte Terram Lunâ, Sol quidem ipsius dimidium continenter illuminet; sed ejusce dimidii nunc amplius, nunc minus, nunc nihil nobis obvertatur. Tametsi semicirculi ad Terram oculûmve conversi concipiendi sunt quasi semiglobi; & curvatura quæ in plano repræsentari non potest, imaginatione supplenda est.



Pauca quædam heic adnoto. Unum, Quando requiritur, Quare, cum Phases Lunæ omnes demonstrent Lunam eandem semper maculas Terræ obvertere, admittant tamen ipsam volvi circa centrum Epicycli, quo casu pars globi illius antica facta in Apogeo, deberet postica fieri in Perigeo; Responſionem esse, idcirco id fieri, quod ipsum Lunæ corpus ita revolvatur circa sui centrum, ut quantum à motu Epicycli avertitur, tantum à proprio convertatur.

Alterum, Lunam à conjunctione primum apparere tenuissimâ falce, aliquando uno, aliquando altero, aliquando etiam tertio solum die, (quod idem proportionem de ejus ante conjunctionem occultatione dicendum est,) Quoniam prout est velocior aut tardior, & partim propter Zodiaci situm, partim propter sui latitudinem, nunc rectius, nunc obliquius occisura post Solem est, aliquando citius, aliquando tardius à crepusculi claritate sic eximitur, ut conspicua effici ante sui occasum possit.

Postremum, Illam Luculam quæ in Luna nova veterèque præter argentea cornua est, reliquumque discum exhibet conspicuum, ac Secundaria dicitur, Lunæque nativa vulgò reputatur, referendam esse ipsi Terræ acceptam, quatenus Terrâ reflectente in Solem regionemque ipsi circumpositam quos ab ipso recipit radios, reperitur Luna intra eam regionem, sitque illius particeps. Argumento enim inter cætera est, quòd à quadratura ea lux evanescat; ut Lunâ nimis procul abeunte, aut nimis procul adhuc absente extra reflexionis illius regionem.

Dicendum quidpiam videretur de Phasibus Veneris; sed sequente libro de ipsis commodius.

CAP. XVII.


De Eclipsi Lunæ.

QUÆ Græcè *Εκλειψις*, Latine *Defectus*, seu *Deliquium* dicitur: & in Luna potissimum vocatur præterea Labor, aut Labores.

Est

Est autem Eclipsis Lunæ nihil aliud quam privatio lucis Solaris in Luna propter interpositam Terram. Scilicet cum Terra sit opacum corpus, non potest Luna ipsam habere sibi Solique interceptam, quin Solis luce ob quam fulget spoliatur & obtenebrescat.

Suppono verò rem familiarem; Corpus opacum sphericumque projicere umbram in partem à lucido averfam, & æqualem quidem seu cylindricam, si ipsum opacum fuerit æquale lucido, decreascentem seu conoidalem, si minus, incrementem seu calathoidem, si majus, (nè interim memorem opaci dimidium in primo casu illustrari, in secundo nonnihil ampliùs, in tercio aliquantò minùs:) ut vel ipsa inspectio schematis manifestum facit.



Nimirum exinde intelligitur, cum Terra minor Sole sit, & conoidalem seu turbinatam umbram in partem à Sole averfam continuo projiciat, esse quidem Lunam immutem defectur, si dum est Soli opposita extra hanc conum umbrosam sit: sed necessario deficere, si intra ipsam immergatur.

Constat verò debere Lunam esse Soli oppositam, five per ipsum Plenilunium; quoniam aliàs Terra non potest ipsi Solique interjici.

Constat & ipsam non ideo in omni Plenilunio deficere, quòd projiciente semper umbram Terrâ in Eclipticam, Luna plerumque ob deflexionem orbitæ suæ ab Ecliptica latitudine ejusmodi sit, ut talem umbram nunc versus Boream, nunc versus Austrum præterfugiat.

Præterfugere autem vix potest senis quibusque proximè mensibus, quòd Sol percurrans Eclipticam bis in anno transeat per Nodos, seu semel per Caput, & semel per Caudam Draconis; ac tum Sole versante prope unum Nodum, vix fieri possit quin Luna ipsi opponatur nunc amplius, nunc minus, prope alterum; sicque in umbram plùs aut minùs, vel ad Boream vel ad Austrum Eclipticæ, incurrat.

Vix autem, dico; quia rarò quidem, sed interdum tamen, contingit, ut Luna umbram præterlabatur intemerata penitus, etiam per annum integrum: quemadmodum speciatim anno abheinc quinto eveniet.


Dico præterea, nunc plùs, nunc minùs; quoniam si existerint quidem Luminaria in ipsis Nodis, aut proximè illis, tunc & tota Luna immergitur in umbram, creaturque proinde Eclipsis Totalis, totiùsve disci; & mora intra tenebras major aut minor est, prout centrum Lunæ per centrum five axem umbræ aut propius aut remotius transit: ut taceam huc quoque quidpiam facere velocitatem aut tarditatem motùs.

Scilicet, cùm diameter umbræ sit habeaturve propemodum triplo major diametro Lunæ, occupetque adeò unum propè gradum cum semisse quâ Luna transit, (idque aliquando alitùs, aliquando humiliùs, prout Apogea aut Perigea est) ipsa aliunde Luna non pervadit nisi unum gradus dimidium intra unam circiter horam.

Potest porrò Eclipsis Totalis & Centralis quidem ex proxima Figura intelligi; ut in qua sit A B quidam Ecliptica, C D orbita Lunæ, E Luna primùm ingrediens in umbram,

umbram, F Luna ultimū egrediens, G Luna in ipso umbræ centro.

Non centralis autem ex consequente, ut in qua Nodus non fit in centro umbræ, sed extra, utputa H, ac idcirco Luna per centrum non transeat.




Nota verò, Eclipseis Totaleis, quæ maxima sunt durationis, (tales autem sunt præsertim centrales) vix paucis minutis quatuor horas excedere, ac sæpe consistere infra, quod motus Lunæ per id tempus non sit semper tardissimus. Nota & dimidium penè hujus temporis consumi in mora intra totaleis tenebras; scilicet tempus Incidentiæ (hoc est, ab initio Eclipseos ad usque Immerisionis obscurationisve totalis momentum) nonnisi unius plùs minùs est horæ, ac tempus Regressùs (hoc est, à momento primæ Emerisionis recuperationisve lucis ad ipsum usque Eclipseos finem) consimiliter.


Sin fuerint autem Luminaria remotiora à Nodis, tunc potest pars duntaxat Lunæ per ipsam umbram transcurrere, sicque fieri solam Eclipseis Partialis; ipsaque seu major, seu minor, prout distantia ab ipsis Nodis minor majorve fuerit, ac propius adeò remotiusve ab umbra centro Luna transierit.

Et cum Lunæ diameter intelligatur dividua in duodecim uncias, seu parteis æqualeis, quas appellant Digitos, (sølet defectus Quantitas per digitos (ac digitorum etiam minuta) representari; & major minorque haberi, quatenus plurium pauciorumve digitorum fit obscuratio.

Potest verò etiam Eclipseis Partialis ex sequente uno alteroqve schemate intelligi. Representatur autem in utroque duplex Lunæ orbita, ut intelligatur quamobrem Eclipseis nunc in Austrum, nunc in Boream fiat; cum prior aliunde insinuet deficere interdum Lunam priusquam ad Nodum pervenerit, posterior postquam jam superavit. Quæ eadem proportionè sunt circa posteriorem Figuram Totalem Eclipseon supplenda.



Prætereo



Prætereo heic Luculam illam quæ in deficiente Luna observatur (quæque per totalem præsertim Eclipsin tantò rubicundior obscuriorque evadit, quantò magis Luna versus umbræ axem centrûmve accedit) esse videri ex refractione radiorum Solarium, qui prætergredientes atmosphæram terrenam, versus umbræ axem ità defleuntur, ut ipsam umbram veluti dilutiorem efficiant, ac tantò magis quantò minùs à margine receditur, tantò minùs quantò magis ad axem acceditur, quò radii jam pauci nullive perveniunt, quibus Luna vix ac nè vix quidem interdum visibilis fiat.

Prætereo & Penumbram illam, seu obscurationem, quæ initio penè inconspicua, addensatur sensim ad marginem Lunæ, (& porrò priusquam disci temeratio quasi falcata appareat) ex eo creari, quòd Terrâ sensim subeunte Solum, lux in Luna sensim minuatur; & is ejus margo evadat sensim, seu magis magisque obscurus, cui plures plurisque Solis parteis præripiuntur. Quod idem proportionè dicendum de Penumbra illa quæ sub finem Eclipsios, restituto jam limbo, superstes, idcirco sensim evanescit, quòd plures plurisque Solis partes, subductâ paulatim Terrâ, revelentur.

CAP. XVIII.


De Eclipsi Solis.

QUÆ Eclipsis dicitur Solis, appositè magis diceretur Terræ; quippe Terra est quæ tunc lucè Solis, Lunæ interjectu, privatur, ut Luna deficiens privatur interjectu Terræ, cum alioquin Sol lucem illibatam retineat. Sed dicatur tamen Sol Eclipsin pati, quatenus respectu nostrî deficit.

Deficere porrò nobis Solum ob Lunam interpositam vel ex eo manifestum est, quòd nonnisi per Novilunio, seu cum Luna ipsi est conjuncta, deficiat.

Quòd autem non in omni Novilunio deficiat, causa est latitudo Lunæ, quippe ob quam Luna aut suprâ ad Boream, aut infrâ ad Austrum prætereat, neque directè inter nos ipsûmque Solum transeat; transeat autem solum cum est

est in eodem (proximè) Nodo in quo Sol : sicque Eclipsis Solis tum solum creetur, cum ambo luminaria sunt aut simul in Capite, aut simul in Cauda Draconis (vel certè quàm proximè) ut ex hac figura intelligi potest.



Illud fortassis mirum videatur, quamobrem longè plures Lunæ quàm Solis Eclipses appareant : Sed causa est, quia globus Lunæ quo nobis Sol eripitur est longè minor globo Terræ quo Sol præripitur ipsi Lunæ ; ut proinde longè faciliùs Luna incurrat in umbram Terræ, quàm visus noster in umbram Lunæ.

Quanquam id accipiendum est de loco Terræ determinato, ut hoc in quo nos degimus : Nam spectato alioquin toto Terræ disco, (dimidiòve superficiè quasi plano habito) nihilo sunt Solis Eclipses Lunaribus infrequentiores, siquidem per senos ut plurimum menses aliquæ aut heic aut illeic terrarum contingunt.

Id autem ideo evenit, quòd Luna, cum sit, ut mox dictum est, longè minor quàm Terra, non possit toti Terræ disco ad Solem converso eripere Solem ; sed umbram solum in aliquam ipsius partem transmittere, nunc quidem in hanc,


nunc

nunc verò in illam; unde & solet fieri ut alicubi Terrarum Eclipsis Totalis tum sit cùm alibi partialis solum, alibi etiam nulla est.

Res intellectu facilis erit ex vulgari hoc schemate; in quo ubi Sol fuerit A, Luna B, Terra C; constat Solem eripi totum à Luna interposita habitanti in puncto Terræ D, dimidium habitanti in E, nihil habitanti in F, veluti etiam plus aut minus habitantibus in cæteris locis.

Obiter verò adnotare licet ex hoc schemate, eam diversitatem ad spectum ob Lunæ viciniam creati, ut merito Astronomi de ejus Parallaxi solliciti sint; ac non ea solum quæ Altitudinis, verùm etiam ea quæ tam Longitudinis quàm Latitudinis dicitur, ut ubi & quantamnam sit Solis Eclipsin factura definiant.

Cùm Partialis Eclipsis est, representari solet hæc formâ, & designari etiam per duodecas diametri parteis sive Digitos, eorūque minuta.



Nihil

Nihil interitum mirum est, posse totum Solem propter Lunam deficere : quoniam tamen Luna sit minor, est tamen etiam nobis propior; ut propterea possit apparens ejus discus apparenti Solis disco exaquari, sicque eum totum obtegere.

Id tamen discriminis est inter Eclipsin Solis Totalem & Totalem Lunæ, quod ista plerumque cum insigni sit mora, tanquam non valente se Lunâ ab umbra terrena brevi expedire ; illa verò nequeat esse cum mora, saltem valde sensibili, (neque aded possint esse valde diurnæ quæ interdum densissimæ etiam sub meridiem creantur tenebræ, aded ut stellæ conspiciantur, aves condantur, aut procidant, &c.) quod Luna motu suo in ortum Soli subtercurrens, statim ac limbo suo orientalem limbum Solis attigit, Solémque aded totum operuit, incipiat ipso occidentali occidentalem deferere, Solémque aded revelare.

Quin etiam contingit interdum, ut quia apparens discus Lunæ Apogææ minor est quàm Perigææ, atque ideo minor quàm ipse discus Solis, contingit, inquam, ut dum Apogæa subtercurrit Soli, & centrum centro conjunctum habet, supersit ex Sole totus circum limbus, quasi armilla aurea, aureusve quidam circulus ; totum scilicet non regente Lunâ.

Quod si requiras quæ maxima Eclipseos Solis duratio sit, perspicuum esse videtur illam duarum plus minùs esse horarum. Quippe cùm Luna singulis horis conficiat plus minùs unius gradus dimidium, quanta transcurrenda Solis diameter est, ideo necesse est, ex quo Luna limbo suo orientali occidentalem Solis attigit, Eclipseisque principium fecit, horam insumat, quousque idem limbus ad orientalem Solis perveniat, mediumque Eclipseos efficiat. Et quia tunc solum limbus Lunæ occidens ad occidentum Solis pervenit, quem & mox relinquit, aded ut cessante Incidentiâ incipiat Emergio, necesse est horam iterum insumat, quoad usque idem limbus ad orientalem Solis perveniat, & ab eo excedens Eclipsei finem faciat.



INSTITUTIONIS ASTRONOMICÆ

LIBER TERTIUS,

SIVE

Specialia COPERNICI &
TYCHONIS Systemata.

CAPUT I.

Quos imitatus Copernicus in Systemate consingendo fuerit.

CUM sit jam dicendum, Appendicis loco, de Mundano Systemate juxta mentem Copernici, & subindè quidpiam de eo quodd non multum ab simile Braheus ipsi substituit; præfandum est, Quicquid à nobis de priore præsertim dicetur, eò spectare solummodo, ut quoniam celebre evasit, cujusmodi sit explicetur, & quemadmodum propugnetur à suis assertoribus: Neque enim nos alioquin sponsores vadésque ipsius præstamus.

Principio verò, cùm Systema Hypothesisve Copernici moveri Tellurem supponat, ideo sciendum est, opinionem quæ Terræ motum tribuit esse antiquam admodum, nempe cùm etiam Pythagoræ Pythagoræorumque fuisse ostendatur; tamen si non omnes ipsam uno modo exposuerint defenderintque.

Aliqui

Aliqui enim voluere Terram in centro Mundi existentem revolvī in ortum circa proprium axem spatio horarum 24. & exinde fieri ut Sol cateraque Sidera videantur eodem spatio temporis revolvī in occasum.

Ita Ecphantus Pythagoreus & Heraclides Ponticus, ac Plato juvenis dum esset, & nonnulli præterea alii.

Notandum est autem istos non idcirco ademisse omnem Sideribus motum, sed ademisse solum diurnum, tanquam affectum ex motu Terræ; & reliquisse quibusque proprios, veluti Lunæ menstruum, Soli annum, Marti biennium, &c. Videlicet aliâ ratione explicare non poterant Conjunctiones, Oppositiones, Adspæctus alios Planetarum.

Ex quo fit ut mirari liceat censuisse Nicetam, apud Ciceronem, Cælum, Solem, Lunam, Stellam, supera denique omnia, stare, neque præter Terram aliquid moveri.

Alii voluerunt imprimis duo quædam constare immota, nimirum heinc Sphæram Fixarum, quam ut mœnia Mundi habuerunt, heinc Solem, quem in centro degentem appellârunt Jovis custodiam, & universi Lareis, seu Focum. Deinde inter Fixas & Solem fecere mobileis Planetas, ac inter ipsos Terram, quam & defenderunt moveri non modò diurno motu circa proprium axem, verùm etiam annuo circa ipsum Solem.

Ita Philolaus, Aristarchus Samius, Plato jam maturior, itémque Seleucus Mathematicus, & Hicetas, sive Oicetas, (utroque enim nomine videtur idem intelligi, imò etiam fortè nomine Nicetæ, ut proinde ejus opinio potuerit fuisse non undique ipsi Ciceroni perspecta) insupérque alii nonnulli.

Jam Nicolaus Copernicus, qui fuit Canonicus Turonensis, & ante annos paulò plùs centum floruit, imitatus est hosce posteriores; sed ita nihilominus, ut suppleverit aliqua quæ fuisse à veteribus animadversa Authores non tradunt.

Ex quo autem opinio instaurata ab illo fuit, (neque enim perinde restitui à Cardinali Cusano motus Terræ propugnator

natore, seculo antè uno, potuerat) amplexi eam sunt Rheticus, Rothmannus, Mastlinus, Landbergius, Schickardus, Keplerus, Galileus, aliique penè innumeri.

Atque id quidem nè Organum, Longomontanum, & aliquos alios ex recentioribus memorem, qui adhaerentes prioribus, detinentesque Terram in centrò, tribuère ipsi motum diurnum; & tam reliquere Planetis motus proprios explicatiùs quàm veteres, tum concessere Firmamento seu sphaeræ Fixarum motum illum lentum, hoc est, revolutionem unam intra annorum viginti quinque millia, de qua superiore libro dictum est.

Heic adnotandum, nomine Terræ Tellurisë intelligi globum hunc compactum ex Terra speciatim vocata, & aqua ipsi interfusa, & corporibus exinde prognatis. Hujusmodi autem corpora habenda sunt Animalia, Plantæ, Lapides, Mineralia, Meteora, Ignis ipse (prout ex pingui, quæ terrena est, materia creatur) Aër etiam seu Atmosphæra (quatenus aliud nihil est, quàm textura quadam vaporum corpusculorumve ex terra & aqua missisque rebus exhalatorum) ipsaque non altùm admodum evecta, ac solidiorem interim terræ & aquæ orbem eo penè modo quo lanugo malum coto-neum circumvestiens.


CAP. II.

Quo proinde sua atque ordine Terram Sideraque habuerit.

Intelligendum porrò est ex subjecto heic schemate quamnam sit Terræ ac Siderum, partim juxta antiquos illos, partim juxta Copernicum recentioresque, dispositio.

Videlicet Regio Fixarum habetur pro Mundi extremo, ipsoque penitus immoto, & quantum quidem ad sensum patet, orbiculari seu sphaerico; tametsi illius figura designari certò à nobis non potest, qui neque superficiem illius extimam videmus, deprehendimusve in quid, ubi, quomodo

modo definat; neque intimam etiam ullâ ratione discernimus, qui quicquid est sursum, à regione usque superioris aëris, quasi in eadem distantia superficiêve constitutum habemus, cùm & possint Fixæ propiùs remotiùsque dispositæ esse; & quæ inter ipsas apparet inæqualitas tam esse valeat propter minorem majoremque distantiam, quàm propter majorem minorémque corporum molem.



Sol verò habetur pro centro adspectabilis hujus conca-
merationis, seu potius illius centrum occupat, ipse pariter
existens immotus. Quamquam licet immotus sit quatenus
è loco suo non excedit, arguitur tamen in ipso loco, seu circa
K suum

suum axem revolvi intra dies viginti septem, ex ipso motu Macularum quæ in illo sunt observatæ postquam Telescopium adinventum est.

Hiscæ autem duobus quasi terminis immobilibus constitutis, disponantur in interstitio ipsi Planetæ mobiles, utpote qui varios motus circa Solem & sub regione Fixarum obeant.

Ac primò quidem proximè Solem collocatur Mercurius, ut qui circuitum circa ipsum omnium brevissimum describat, eundémque citissimè absolvat, nempe intra menseis quamproximè treis.

Secundo loco statuitur Venus, quæ ut ambitu superat Mercurium, sic velocitate superat sequenteis; videlicet circuitum intra menseis septem cum semisse absolvens.

Tertio ipsa Tellus, quæ ut suo circuitu complectitur Venerem, ità ipsam tardius absolvit; utputa solum intra menseis duodecim, sive annum unum.

Quarto Mars, qui & Telluri circumducitur, & non absolvit circuitum nisi annis proximè duobus.

Quinto Jupiter, qui & Martem pari ratione circumit, & circuitum nisi annis proximè duodecim non absolvit.

Sexto Saturnus, cujus circuitus ceteros omnes complectitur, & absolvitur solummodo intra annos proximè triginta.

Adjicit Copernicus, Terram inter Venerem Martémque locatam tantâ intermeare ab utroque distantia, ut in ipso eorum interstitio circumductam sibi habeat tanquam assecclam Lunam, quæ unà cum ipsa ità transvehatur circa Solem motu annuo, ut interim tamen motu menstruo ipsi Terra circumferatur.

Adjicere deinceps licuit incedentem pari modo Jovem inter Martem ac Saturnum, eà ab illis ferri distantia, ut in ipsorum interstitio circumductas sibi habeat tanquam assecclas quatuor quasi Lunas, sive mavis stellulas, solo telescopio conspicuas, & Medicea Sidera à Galileo indigittas; quæ unà cum ipso Jove ità circa Solem vehantur motu duodecenni, ut interim tamen motus peculiareis circa ipsum

obeant;

obeant; intima die uno cum dodrante, succedens diebus tribus cum semisse, tertia diebus septem cum sextante, extrema diebus sexdecim cum besse.

Adjiceremus Saturno quoque circumferri duos asseclas, si qui duo orbiculi ad latera ejus interdum apparent eâdem formâ constanter forent, & non interdum acuminarentur, exporrectisque quasi brachiis, relictoque medio intervallo, quasi ansulæ Saturno hæerent; interdum quasi unum idemque cum ipso corpus evaderent, proVectis contractisque heinc inde versus extremas cuspides intervallulis, ac tantâ insuper varietate Saturni corpus transformarent, ut expectandum omnino sit quousque tota & facierum & periodorum diversitas observata sedulo fuerit, priusquam aliquid pronuncietur.

Adjiciendum quinetiam erit, circumferri duos Veneri, si verum sit, quod scribitur, observatos duos ante paucos mensis à Fontana Neapolitano, qui eximio illo suo telescopia perhibetur etiam in Marte detexisse quasi globulum ad centrum, & proximè oram circulum quasi nigricantem; uti & in Jove duas tresve transversas nigricantes fasciolas, cujusmodi nihil nos adhuc potuimus telescopia nostro, Galileano licet, ipsoque præclaro, deprehendere.

Utunque sit, constare potest esse Planetas quosdam primarios ac veluti Principes, utputa Mercurium, Venerem, Tellurem, Martem, Jovem, & Saturnum; quosdam secundarios ac veluti pedissequos, lunas nimirum, tam Terrenam, quàm Jovialeis, quàm cæteras, quæ reliquis globis possunt circumduci.

Postremò, censuit Copernicus spatium à Saturno ad usq; Fixas interceptum esse ingens ac penè immensum. Quippe & distantiam Fixarum à Terra tantam fecit, ut non modò ipse Terræ globus ad regionem Fixarum collatus puncti instar sit, quod à nemine non admittitur, sed puncti etiam instar sit quem ipse alioquin Magnum orbem dicit; ipsum scilicet quasi coelum Terræ, sive in quo Terra circuitum circa Solem peragit, cujusque aded semidiameter est ipsa inter Terram Solémque distantia.

CAP. III.

Cujusmodi triplicem motum Telluri attribuerit.

Supposito Telluris loco, triplex motus est quem illi Copernicus tribuit, Diurnus, Annuus, Inclinationis.

Diurnus est ipsa Telluris revolutio circa proprium axem, idque tendendo versus ortum, & peragendo circuitum intra horas 24. Adeo ut eadem Terræ pars (v. c. hæc in qua nos versamur) nunc in Solem conversa die fruatur, nunc averſa patiatur noctem: ac ipsæ interim cœli partes quæ ex ordine quasi occurrunt retegunturque, oriri appareant; quæ ex opposito retro abeunt occultanturque, occidere.

Annuus est ipsa ejusdem Telluris progressio per Zodiacum, hoc est sub Signis Zodiaci; dum inter Venerem Martemque incedens, & in orientem etiam contendens, circumducitur ipsi Soli, ac circuitum peragit, ut jam dictum est, intra annum. Nempe dum ejus superficies diurno motu circa centrum axemve proprium convolvitur, ipsum interim ejus centrum provehitur sensim juxta successionem Signorum; eo modo quo voluto supra planum globo, ipsius centrum secundum longitudinem plani promovetur, donec interim superficies circa centrum axemve globi revolvitur.

Fieri autem vult ex hoc motu ut, quia Terrâ existente inter Solem & unum Signum, Sol tum regit oppositum, ac dicitur in illo esse, idcirco Terrâ constitutâ v. c. in Libra, Sol esse appareat in Ariete, & transeunte Terrâ ex Libra in Scorpionem, appareat Sol transire ex Ariete in Taurum, ac ita deinceps. Adeo proinde ut Terrâ sit quæ Zodiacum reipsâ percurrat describatque Eclipticam, Sol verò ipse sit qui percurrat describatque apparenter.

Motus demum Inclinationis Declinationisve est ipsa flexio axis Telluris à parallelismo cum axe Eclipticæ, & continentia in perpetuo sui secum in quovis situ parallelismo; ob quem aliunde & semper maneat axi Mundano paralle-

us,


lus, & æquatorem Terræ contineat ipsi æquatori Mundi parallelum: sicque dici hic valeat non tam reverà novus motus, quàm quædam quasi motuum superiorum modificatio. Potest autem eodem proportionis modo intelligi fieri, quodum puerorum turbo supra planum convolvitur, circulosque varios cuspide describit, ipse illius axis tum continet se sibi parallelum, seu in situ semper perpendiculari, tum continet quoque basin turbinis ipsi horizonti semper parallelum.

Nimirum si in Magno orbe, de quo est paulò antè dictum, concipias tum Eclipticam, tum interfecantem ipsam Æquatorem, cujus planum intelligatur esse in Fixas usque productum, ac simul Axis per Solem transiens intelligatur in eandem regionem, quousque in polos definat, traductus; finge deinceps Terram esse in principio Arietis, & ipsius æquatorem cum Mundi æquatore illiusve plano coincidere: erit tunc sanè axis Terræ axi Mundano parallelus. Concipiendum autem præterea solum est, dum Terra exinde versus Taurum porroque progreditur, illius axem non divariari, sed contineri semper sibi ipsi & axi Mundano parallelum, ex eoque fieri ut ejus æquator Mundi æquatori parallelus maneat.

Rem non malè capies, si acceptâ præ manibus vulgari Sphærâ, ipsam habeas pro Magno orbe, globulumque adeò intimum pro Sole, axem proportionis axis Mundi, & Æquatorem pro circulo in plano Æquatoris Mundi consistente; ac tum ad manum quoque assumes globulum quempiam suo axe trajectum, quem pro Terra ducas, & ipsum ita applices Sphæræ ad initium Arietis, ut in ipso plano Æquatoris sit, & axiculum suum ipsi axi Sphæræ parallelum habeat: deinceps autem globulum sic sensim & ex ordine traducas per Eclipticam, ut & axis axi, & æquator æquatori parallelus indefessè teneatur.

Quinetiam, quantum licet in plano rem utcumque repræsentare, esto in schemate sequente A B C D Sphæra fixarum, A C axis Mundi, E F G H Magnus orbis, ac in ipsius superficie F H Æquator, ejusque axis transiens per

Solem (in centro subesse intellectum) E G. Esto Ecliptica I K, & Terra per ipsam incedens multiplex ille orbiculus suo ubique axe suoque Æquatore notatus. Cernere licet, si Terra quidem in Æquatore magni orbis fuerit, habere ipsam suum Æquatorem cum Æquatore Mundi coïncidentem, & suum axem non coïncidentem quidem cum axe Mundi, sed parallelum tamen ipsi (nimirum concipiendum est axem AC, vel ejus portionem E G, per centrum Magni orbis



transire, axiculum verò LM esse in ejusdem orbis superficie.) Sin Terra extra Æquatorem Magni orbis fuerit, tueri ipsam semper suum Æquatorem ipsi Æquatori Mundi parallelum, & axem axi similiter; neque pati unquam ut divertatur versus axem Eclipticæ, qui heic esse intelligitur NO.

Notan.

Notandum verò obiter, cùm dici heic audis Æquatorem Mundi, Axem Mundi, Polos Mundi, id fieri retentâ denominatione ex vulgari Hypóthesi, quatenus Terrâ revolutâ in ortum, totus Mundus apparet revolvi in occasum secundum hunc Æquatorem, circa hunc Axem, super his Polis; qui reipsâ nihil aliud sint quàm Æquator, Axis & Poli ipsiusmet Terræ diurno motu circumvolutæ.

Quamobrem porrò Tertius hic motus excogitatus inventusque à Copernico fuerit, aliquantò pôst commodius dicitur.

CAP. IV.

Quamobrem de motu quieteque Telluris aut Siderum fidentum Sensui non duxerit.

Quoniam verò istine motus Telluri competant annon in controversiam vertitur, & res videtur debere sensui aut ratione dijudicari; ideo statuit Copernicus dirimi hanc litem ex eo quod sensui apparet non posse.


Siquidem, ipso etiam Aristotele attestante, ad hoc ut res visa moveri appareat, nihil prorsus refert ipsâne an oculus videns moveatur, utrovis enim modo motus imputatur rei visæ ab oculo; ac ipse quoque Philosophus, ad rem monstrandam, utitur exemplo navigantium, quibus à portu solventibus apparet terra recedere,

Provehimur portu, terraque urbesque recedunt.

Quocirca, ait Copernicus, ad hoc ut Astra tendere in occasum appareant, nihil interest ipsâne eò reipsâ tendant, an spectatoris oculus unâ cum Terra tendat in ortum, cùm utrovis modo ea sint apparitura tendere in occasum. Et ut Sol appareat ex Cancro in Leonem discedere, nihil refert an reverâ discedat, an spectator sit qui unâ cum Terra discedat ex Capricorno in Aquarium, cùm Sol utrovis modo appariturus sit ex Cancro in Leonem transire.

Videtur proinde res sic concipienda, ut si quis Mediterranea

Solem (in centro subesse intellectum) E G. Esto Ecliptica I K, & Terra per ipsam incedens multiplex ille orbiculus suo ubique axe suoque Æquatore notatus. Cernere licet, si Terra quidem in Æquatore magni orbis fuerit, habere ipsam suum Æquatorem cum Æquatore Mundi coincidentem, & suum axem non coincidentem quidem cum axe Mundi, sed parallelum tamen ipsi (nimirum concipiendum est axem A C, vel ejus portionem E G, per centrum Magni orbis



transire, axiculum verò LM esse in ejusdem orbis superficie.) Sin Terra extra Æquatorem Magni orbis fuerit, tueri ipsam semper suum Æquatorem ipsi Æquatori Mundi parallelum, & axem axi similiter; neque pati unquam ut diverteretur versus axem Eclipticæ, qui heic esse intelligitur N O.

Notatio.

Notandum verò obiter, cùm dici heic audis Æquatorem Mundi, Axem Mundi, Polos Mundi, id fieri retentâ denominatione ex vulgari Hypóthesi, quatenus Terrâ revolutâ in ortum, totus Mundus apparet revolvî in occasum secundum hunc Æquatorem, circa hunc Axem, super his Polis; qui reipsâ nihil aliud sint quàm Æquator, Axis & Poli ipsiusmet Terræ diurno motu circumvolutæ.

Quamobrem porrò Tertius hic motus excogitatus inventusque à Copernico fuerit, aliquantò post commodius dicetur.

CAP. IV.

Quamobrem de motu quietæve Telluris aut Siderum fidentium Sensui non duxeris.

Quoniam verò istine motus Telluri competant annon in controversiam vertitur, & res videtur debere sensui aut ratione dijudicari; ideo statuit Copernicus dirimi hanc litem ex eo quod sensui apparet non posse.

Siquidem, ipso etiam Aristotele attestante, ad hoc ut res visæ moveri appareat, nihil prorsus refert ipsâne an oculus videns moveatur, utrovis enim modo motus imputatur rei visæ ab oculo; ac ipse quoque Philosophus, ad rem morstrandam, utitur exemplo navigantium, quibus à portu solventibus apparet terra recedere,

Provehimur portu, terraque urbésque recedunt.

Quocirca, ait Copernicus, ad hoc ut Astra tendere in occasum appareant, nihil interest ipsâne eò reipsâ tendant, an spectatoris oculus unâ cum Terra tendat in ortum, cùm utrovis modo ea sint apparitura tendere in occasum. Et ut Sol appareat ex Cancro in Leonem discedere, nihil refert an reverâ discedat, an spectator sit qui unâ cum Terra discedat ex Capricorno in Aquarium, cùm Sol utrovis modo appariturus sit ex Cancro in Leonem transire.

Videtur proinde res sic concipienda, ut si quis Mediterraneus

neus marisque inexpertus transferatur dormiens nesciensq; in navim. Nam ut iste expergefactus juraturus sit accedere litus aut recedere, navim verò stare immotam, quatenus omneis navis parteis eodem semper situ inter se manere conspiciet, & nautas per ipsam, ut per domum terræ hærentem, quiescere, discurrere, scandere malum, &c. ac ipsum litus interim evadere aut accedenti propius, aut recedenti distantius: sic nos in ipsa Terra nati, educati, assuefacti, (quod est adhuc amplius quàm esse translatos) facile juraturi sumus Sidera esse quæ nobis oriantur aut occidant, Terram verò immotam esse, quòd omneis ipsius circumpositas nobis parteis eodem semper situ inter se observemus, & in ipsa, ut in domicilio fixo, quiescamus, varièque moveamur; ac aliunde Sidera extra ipsam posita in situm interim altiore depressiorèque nobis evadant.

Discrimen solummodo est, quòd ille exire è navi, & in portu se sistere, unde hallucinationem deprehendere colligereque liceat, possit; nobis verò exire è Terra in fixum locum non liceat, unde moveri Terram experiamur, fallaciàmque nostri visus emendemus.

Heinc, quia donec in terra sumus oculus est semper eodem modo affectus, atque idcirco incapax quo dijudicari controversia possit, Terrane moveatur annon, ideo sola superest Ratio, quæ facem quasi præferat, & utra pars problematis sit potissimùm probabilis doceat.

Opinatur porrò & Copernicus, & qui ab ejus partibus stant, suffragio Rationis se esse potiores. Id autem cognoscendum est, tum ex iis rationibus quibus sententiam suam propugnant, tum ex iis exceptionibus quas rationibus impugnantium opponunt,

CAP. V.

Quæ visa magis congruæ rationes ad adstruendum motum Telluris Diurnum.

NAM quod ad Diurnum quidem motum spectat, Tollitur primò, inquit, vastissima illa Primi mobilis sphaera Firmamento super-exstructa, & ad hoc solum excogitata ut inferiora omnia abripi ab ipso diurno motu intelligantur. Nimirum Terra simplici corpusculi sui versas ortum revolutione Primi mobilis vice fungitur, ac tantum præstans quantum ea Sphaera, coelos interim sideraque omnia eo labore subleuat, ut incessantem illam abreptionem haudquaquam patiantur.

Atque id quidem pro Genio Naturæ, quæ nunquam præstat per ambages quod potest per compendium, neque per plura quoties quid potest æque commodè per pauciora.

Secundò, tollitur proinde insana illa rapiditas quæ necesse est Spharam illam ferri. Quòd enim etiam rapiditas in motu Terræ obijcitur, quatenus assumptum in ejus Equatore punctum celeritatem bombardici globi dum è fistula exit amulatur, quàm immensiore quæso pernecitate necesse est ferri acceptum punctum in ipso æquatore Primi mobilis, cum etiam acceptum in Equatore Firmamenti, juxta communem sententiam, abripiatur necesse sit quinquagies millies rapidius quàm ejusmodi punctum Terra?

Ut prætereatur interim, Naturam, harmonicè omnia præstantem, non pusillas res ad quietem, ingenteis ad motum, verùm illas potius ad motum, has ad quietem, comparare. Arque heic quidem id tantò magis, quantò aliunde Terra ex natura figuræ suæ volubilis est, extremum verò Mundi corpus cujus figuræ exterius sit, ut paulò antè dictum, nescitur; cum & ejus esse probabile sit quæ sit ad quiescendum consistendūve maxime idonea. Nam & quòd alioquin tanta machina, quatenus est totus Mundus, incess-

incessanter circumrotetur, & pernecitate quidem inexcogitabili, sola hæc Terræ pilula, habita pro puncto, immota consistat, invariataque maneat, quæ haberi congruum aut concinnum possit?

Tertiò, tollitur perpetua violentia inferioribus cœlis facta; dum præter propriam inclinationem quâ in ortum tendunt, principium extrinsecum est quod vim in regionem oppositam imprimens ipsos in occasum abducit. Ac si foret quidem violentia naturæ inclinatione minor, res videri posset tolerabilis; at illam ita excedere, ut sit in Saturno plusquam decies millies ac septingenties major, & tantus hic excessus multiplicetur in Firmamento plusquam octingenties nonagies, qui videatur res posse tolerari?

Ex quo fit proinde, ut mirari liceat, Authores communis sententiæ alienum esse existimare à natura perfectioneque divinorum corporum, ferri inæquabiliter; & reputare tamen dignum ut ipsa eadem corpora distraherentur tantopere: & cum revereri Naturam videantur, non vereri eos tamen in ipsam inferre infandam violentiam, ac professos præsertim Nihil quod violentum sit diuturnæ esse durationis.

Quartò, tollitur ea absurditas, nisi impossibilitas potius, quam non satis cavent qui volunt spheram inferiorem intra superiorem revolvi, & simul ab ea abripi. Nempe, cum oporteat ambas superficies, convexam scilicet illius & concavam hujus, esse ut contiguas, ita æquabilissimas, constat perfectiò impressionem fieri hoc casu nullam posse, propter invariatum utriusque in suo loco situm, atque adeò propter defectum pressionis, quæ sine excessu è loco aut commissura partium intelligi fieri aliqua non potest.

Nè addatur, cœlestia spatia convinci esse fluida, non verò spheris solidis quæ abripiantur occupata, tum ex Phasibus Veneris, de quibus aliquantò post, tum ex Cometaturn per ea traiectione, tum ex defectu refractionum, tum argumentis id genus aliis.

Quintò, tollitur contrarietas, seu distractio motus ejusdem Planetæ in parteis contrarias, ac unus duntaxat, inque unam

unam partem, & ipse quidem admodum moderatus, relinquitur motus. Nam Saturnus, exempli gratiâ, non singulis diebus circumibit Terram; sed Terrâ hoc motu ipsum sublevante, totis solum triginta annis perlustrabit Zodiacum semel: & Luna non tricies circumibit Terram in mense; sed Terrâ hunc motum recipientem in se, circumibit semel duntaxat: & sic de cæteris Planetis.

Pari autem ratione Cometæ, si qui sursum appareant, non ferentur simul & suis trajectionibus & abreptu mobilis primi; sed suis trajectionibus solum agentur per æthera, ac motus interim diurnus ipsis affingetur ex ipsa Terræ revolutione. Ac pari rursus modo, si Novæ quæpiam Stellæ in cœlo nascantur quæ specialibus careant motibus (ut celebris illa anni 1572. in constellatione Cassiopeiæ visa, & alia rursus anni 1604. in pede Serpentarii, tum cum ibidem magna conjunctio trium superiorum Planetarum fuit) pari, inquam, modo hæc stellæ perinde constabunt ac perpetuæ Fixæ; Terra verò perinde illis motum diurnum, sui revolutione, ac Fixis perpetuis affingeret.

Postremò aiunt, ut congruum est magis circumlustrari à navi maritimam oram quàm ab ora ipsam navim; converti ex ordine Oratoris faciem ad varias auditorii parteis, quàm totum circum auditorium ad faciem Oratoris immotam; & alia id genus similia: ità videtur magis congruum convertere Terram seipsam ad parteis cœli varias, quàm totam regionem cœlestem ipsi immotæ circumferri, ac potissimum cum, ut dictum est, idem utrovis modo appareat.

Tantò autem est, addunt, magis consentaneum convertere Terram parteis sui varias in Solem, quàm Solem ipsum varias Terræ parteis circumlustrare, quantò ipsa est Terra quæ Sole, non Sol qui Terrâ indiget; cum sit magis secundum naturam, ut quòd alio eget versus illud tendat, quàm ipsum nihil egens versus id quod eget.

CAP. VI.

Quæ visa magis congruæ ad asserendum Annum.

Quod attinet verò ad Annum, Primò quidem inquit, cùm Sol sit veluti cor, & lucis, caloris vigorisque fons, quo tota regio Planetaria perfunditur ac animatur, locus ipsi maximè congruus in omnium medio tribuitur; nempe ut opportunè confideat is Moderator, & quasi Princeps,

Ad cujus numeros & Dii moveantur, & orbis

Accipiat leges, præscriptæque fœdera servet.

Certè illa Solis circumvolutio propemodum menstrua circa proprium axem, de qua paulò antè, occasione est ut concipiant Solem emissis à se radiis compellere omnes Planetas ad imitandum eundem motum; ac fieri exinde, ut quò unusquisque Planeta Soli propior est, eò citius circuitum absolvat, tanquam potentiùs propter radios confertiores circumabductus. Neque verò ad hoc obstare aut debilem radiorum vim, aut Planetarum corpoream molem. Nam Planetas quidem ex se neque graveis neque leveis esse, ac ideo posse minimo impulsu momentòve mutare locum; Radios verò quos experimur impingi, reflecti, subingredi, discutere, exurere ac dissolvere corpora, posse eà vi pelendi esse præditos, quâ Planetas nullatenus resistenteis moveant atque circumducant.

Secundò, si dispositionem tam quoad Magnitudinem quàm quoad motum Planetarum spectes, erit Mercurius minor simul & celerior Venere, hæc Terrâ, hæc Marte, hic Jove, hic Saturno; quæ series & concinna est & instituto naturæ digna. Ac series quidem motuum citra omnem controversiam est: quod ad magnitudinum verò seriem spectat, non desunt quidem qui existiment Terram esse non modò Marte, verùm etiam Jove majorem; sed nempe cùm res pendeat ex limitatione parallaxeos & apparentis diametri, quod negotium esse alex plenum superius insinuatum est,

mirum

mirum nihil est aliquibus secùs quàm cæteris videri.

Utrumque autem sit, saltem constat in vulgari Systemate nihil esse posse perturbatius, tam quod ad magnitudinum quàm quod ad motuum seriem spectat. Nam in eo Luna est Mercurio major, hic minor Venere, hæc minor Sole, hic major Marte, hic minor Jove, hic major Saturno. Et rursus, movetur Luna motu menstruo, Mercurius annuo, Venus etiam, Sol pariter, Mars annis 2, Jupiter 12. Saturnus 30. Firmamentum 25000. Nona sphaera 1700. Decima 3400. Primum mobile horis 24.

Tertiò, præclare exinde explicatur, quam ob rem Mercurius & Venus non multùm digrediantur à Sole, neque unquam Terram se inter ac Solem constitutam habeant; Mars verò, Jupiter ac Saturnus digrediantur summopere, ac Terram interdum se inter ac Solem intercipient. Nempe vel sola Systematis inspectio rem clarè demonstrat: cùm juxta communem sententiam fingere lineam inter Terram Solémque tensam oporteat, in qua centra Epicyclorum tam Mercurii quàm Veneris quasi illigata cohæreant; & ab hac tamen illigatione centra Epicyclorum Martis, Jovis ac Saturni libera sint; neque afferri alia disparitatis ratio quàm Systematis inconcinnitas possit.

Nè memoretur interim, quàm immanem fieri oportuerit coeli Veneris crassitudinem, ut intra ipsam tantæ capacitatis excavaretur Epicyclus, qui digressiones maximas heinc indè à Sole complexurus, ostentaret diametrum quartæ & ampliùs parti ambitùs coelestis subtensam.


Quartò, præclarius adhuc est, quod ex hoc Systemate & motu Telluris per Zodiacum supposito tum farrago illa Epicyclorum aboletur, tum omnes Planetarum Stationes Repedationésque tolluntur, tum unusquisque Planeta suo uno motu unòque tenore ac in eandem partem constantissimè agitur, ut sanè decet corpora tanta; ac interim quicquid Stationis Retrogradationisque, & in ipsa quoque directione alterationis motus est, affingitur ipsis Planetis à visu, ob Terram inter eos translatam.

Quippe

Quippe quod ad Mercurium quidem Venerémque attinet, non ii alternis in consequentia tendunt, in antecedentia regrediuntur; sed qui spectarentur ex Sole, ut centro suorum motuum, ire semper in consequentia, ac uno tenore Zodiacum percurrere, necesse est nobis, qui extra hoc centrum extráque ipsorum circumductus versamur, appareant ire rediréque; & dum nos interim circa idem centrum, sed lentius, circumducimur, appareant itus reditusque nunc in his, nunc in illis locis Zodiaci perficere.

Cùm Stationes verò perinde in hac atque in communi Hypothesi intelligantur, non apparere ipsas tamen in exscensu, aut ascensu per Epicyclum inter Solem Terrámque contentum, sed potius per circulum cujus centrum sit ipse Sol, (adeò ut hi duo Planetæ nunc infra seu citra Solem veniant, nunc tantundem supra ultráve eum abeant; quod & Ægyptii veteres, & postea Martianus Capella, aliique nonnulli opiniati sunt:) tum alia quædam arguunt, tum ipsæ Phases Veneris telescopio observatæ convincunt.

Venus scilicet apparere plena (proximéve) non potest cùm vesperi à Sole emergit, & ad Stationem primam tendit; nisi quia ultra Solem facta, hemisphærium sui (aut quamproximè) illustratum nobis obvertit. Neque dimidiata cùm circiter medias versatur longitudes; nisi quia obvertit dimidium duntaxat ejusdem. Neque corniculata cùm infrà descendens redit ad Solem vesperi; nisi quia dimidio minus. Neque rursus corniculata cùm manè à Sole emergens properat ad Stationem secundam; nisi quia tunc quoque obvertit minus dimidio. Neque rursus bisecta sub medias longitudes; nisi quia iterum dimidium. Neque demum iterum plena cùm manè Solem repetit; nisi quia rursus hemisphærium totum (proximéve) illustratum obvertit.



Quæ omnia quidem intelligi vel ex sola schematis appo-
 fiti inspectione possunt, quatenus Phases quæ ad laevam
 Veneris discum referunt qualis oculo exhibetur, & quæ
 ad dextram sunt, insinuant exhiberi aliam non posse ob di-
 midium globi illustratum, quod semper quidem Solem re-
 spectat, sed nunc plùs nunc minùs convertitur ad oculum,
 aver-

avertiturve ab oculo. Prætereo autem notum esse, si Venus ferretur in Epicyclo qui esset infra Solem totus, ipsam nunquam non modò plenam, sed nè exquisitè quidem dimidiatam, apparituram.

Quinetiam nunquam apparere telescopio exilissima, dum evadit plena, neque amplissima, dum corniculata; nisi plena foret in celsissimo, & corniculata in humillimo situ. Dico autem telescopio; quoniam alicui nudo visu tantè penè apparet dum non longè est à conjunctione ultra, quàm dum non longè est à conjunctione citra Solem; quòd spuria luce circumradians, (utì & luminosa omnia procul ac è tenebris visa) tamen si ille sit orbe exilis, circum tamen tota resfulgeat, heic non nisi falce sit tenui, ea tamen, quòd aliunde sit majoris orbis portio, præstet ut tunc Venus interdiu videatur, quæ perinde interdiu donec plena est videri non potest.

Quod ad Martem verò ac Jovem Saturnumque attinet, non ii alternis rectà eunt, cursumque reverà reflectunt; sed qui spectarentur ex Sole (& ex Terra quoque, si quiesceret) tendere semper in consequentia, necesse est nobis, qui intra ipsorum circuitus & celerius quidem quàm ipsi in orbem movemur, necesse est, inquam, Regredi appareant, quoties versus eandem regionem, ac prope ipsos facti prætervadimus, Solémque ex parte altera habemus; quasi eos nempe sic assequendo, & mox à tergo sic relinquendo, ut visus noster ad stellas Fixas, non jam consequenteis, sed antecedenteis, illos referat.

Ex opposito verò necesse est Dirigi seu in consequentia moveri appareant, quoties in oppositas parteis imus, ac Terra sic progreditur ut Solem ipsosque ad eandem partem habeat, & visus illos referat ad stellas Fixas consequenteis.

Necesse est demum ut Stare appareant, quoties à regione opposita in eandem ac ad eandem in diversam transimus; quòd Terra tunc ità moveatur ut visus per aliquod tempus referat ipsos ad easdem stellas. Quæ omnia vel ex ipsa inspectione depicti antè Systematis, & fictione motuum

motuum per circulos proprios, intelligi possunt.

Quintò, cùm proinde mirabile sit, fieri semper hosce Planetas in oppositione cum Sole Retrogrados, in conjunctione Directos, nunquam aliis locis aut temporibus, nec possit communis opinio causam dicere cur id fiat; dicit tamen ista præclare ex dispositione Systematis, juxta quam prorsus necesse est ut res fieri hoc modo, non alio, appareat.

Quinetiam præclare simul causam dicit cur hi tres Planetæ adeò magni sint in oppositione, seu quo tempore Acronychi sunt, præ reliquis temporibus: nempe quia tunc Terra proximè eos transit.

Cur item Retrogradationes sint in Saturno frequentiores quàm in Jove, in hoc quàm in Marte: nempe, quia Terra sæpiùs Saturnum lentissimum, quàm Jovem paulò velociorem, assequitur; ac Martem citissimum omnium ut tardiùs, ità infrequentius.

Cur ex opposito Retrogradationis arcus in Marte major quàm in Jove, in hoc quàm in Saturno sit: nempe, quia Martis Retrogradatio ob propinquitatem propiùs incipit, & desinit longiùs, quàm in Jove; & ob eandem rationem in hoc quàm in Saturno; atque ità de cæteris.

Denique, cùm cæteri Planetæ Retrogradi & Stationarii appareant, quorsum id non competere Lunæ ac Soli existimemus, nisi quia Luna quidem nobis, ubicumque simus, tanquam circa centrum circumducitur; Sol verò ipse est circa quem ipsi semper circumducimur; neque ille potest non videri semper procedere in consequentia, ad oppositam nobis partem?

CAP. VII.

Quæ vise demum magis congruæ ad motum Tertium inducendum.

Quod tandem spectat ad Tertium motum, seu mavis expositam illam in parallelismo axis continentiam, fuit imprimis excogitatio illius necessaria, ut dierum & noctium æstatisque & hyemis vicissitudo observetur.

Nimirum, si Terrâ translata per Zodiacum, conceptus in ipsa Æquator in idem cum Ecliptica planum coincideret, ejusque axis fieret axi Eclipticæ parallelus, quælibet pars Terræ haberet perpetuò suum horizontem in eodem situ ad ipsum Solem; neque Sol proinde oriretur unquam aut occideret, sed vel perpetuò appareret, vel perpetuò occultaretur, ac aliunde neque attolli neque deprimi unquam appareret; sicque nec dierum nec tempestatum efficeretur ulla variatio.

At Æquatore Terræ secante Eclipticæ planum, & axe illius constante in sui secum parallelismo, fit ut horizon cujusque loci situm cum ipso Sole commutet; & non modo interdum diem, interdum noctem, propter Solem nunc exhibitum, nunc subductum, faciat, sed etiam nobis v. c. ad Boream existentibus tumor Terræ obsit, nè Terrâ versante in Signis Borealibus Solem habeamus adeò altum apertumque ac donec versatur in Australibus, atque adeò nè dies habeamus tam longos, nec calorem adeò vehementem sentiamus. Quod vel ex sola applicatione circumductioneque memorati globuli supra vulgaris sphaeræ Zodiacum (servato semper parallelismo, ac designato in globulo puncto Lutetiæ situm representante) intelligi facillime potest.

Secundò, ut declaretur quomodo Poli altitudo in unoquoque Terræ loco eadem seu invariata maneat.


Videlicet Terrâ versante in Cancro, primum videtur existimare, debere nobis Polum Boreum apparere longè altio-

rem

Fix
circ
five
desc
aqu

rem quàm versante in Capricorno. Enimvero ex hoc parallelismo efficitur ut æquè altus, ubicumque Terra versetur, appareat. Res autem hoc modo concipienda est.

Repetatur hoc loco schema capite tertio propositum, ac intelligatur E G axis per Solem transiens produci heinc indè in Regionem usque Fixarum, defineréque in puncta AC, quæ appellentur Poli Mundi.



Intelligamus & axem Terræ continuatum heinc indè ad Fixas esse successive PQ, RS, &c. ac describere annuo circumductu circa axem Mundi superficiem cylindricam sive columnarem, cujus bases sint duo circuli circa Polos descripti, habentésque pro diametris lineas PT, QV, æqualeis diametro magni orbis FH.

Intelligamus rursus tantam esse distantiam ex orbe magno usque ad Fixas, ut spectata heinc ea columna, & decre-scere continenter visa, (eo modo quo solent parallela omnia in longum producta) desinere tandem ad utramque partem in acumen appareat, & duæ illæ bases, geminæ circuli circa polos descripti, habeantur ut puncta.

Ex his simul intelligemus, ubicunque Terra in Zodiaco Magnæ orbe existerit, exstantem supra Horizontem Polum constare eundem, seu apparere altitudinis invariata. Quoniam tametsi axis Terræ alias aliâsque cœli parteis circa Polum Mundi respiciat, intercapedo tamen harum omnium partium quasi punctum ad visum fit, & totus complexus circuli circa Polum descripti pro eodem reputetur.

Tertiò, ut explicetur quid fiat ut eadem stellæ verticales semper sint, magnitudinisque ejusdem appareant.

Quippe cum, si Terrâ existente in Cancro, Stellæ aliqua nobis transeunt ad verticem, ex transituræ non videantur pari modo ad verticem, neque apparituræ tantæ, ubi fuerint in Capricorno.

Enimverò quemadmodum altitudo Poli, ut dictum mox est, perseverat eadem ob memoratum Parallelismum: sic necesse est ut, ob ipsum met, stellæ verticales eadem perseverent; utpote retinentes semper eandem ab ipso Polo distantiam.

Ac verum est quidem, Terrâ existente in Capricorno, verticem nostrum tendere ad punctum regionis Fixarum, tantundem distans ab eo in quod tendit, dum terra in Cancro versatur, quanta distantia inter ipsos magni orbis Tropicos est. At si hic totus orbis instar puncti est ad totam Fixarum regionem collatus, à fortiore, erit parva ejus portio, distantia nimirum inter Tropicos.

Quam ob rem heinc fit, ut non eadem quidem partes regionis Fixarum vertici heic illeic reverâ respondeant, sed respondeant tamen eadem ad sensum: neque mirum fit si eadem stellæ, quæ sensibiles cœli partes sunt, verticales constanter maneant.

Fit verò quoque ut ipsa stellarum magnitudo invariata ap-

appareat, quòd ubicunque Terra sit, ex eodem quasi puncto respiciatur.

Quartò, ut ostendatur quæ descripta superius est Æquinoctiorum Præcessio, seu motus ille lentus in ortum, qui Octavæ sphaeræ seu Firmamento tribuitur.

Siquidem stellæ Arietis non videntur aliâ ratione recessisse jam ab Æquinoctiali puncto intra duo annorum millia triginta penè gradibus, quàm quia sunt reipsâ progressæ versus consequentia.

Attamen, quia idem est apparituum, seu stellæ reipsâ ab Æquinoctiali puncto versus consequentia recedant, seu ipsum Æquinoctiale punctum recedat à stellis versus præcedentia; ideo assumpsit Copernicus, istum motum Inclinationis axisve continentiam sic fieri, ut non assequatur præcisè motum centri; ac faciat proinde ut Æquator secet quorundam Eclipticam aliquantò citerius, efficiatque adeò æquinoctiale punctum in parte Eclipticæ aliquantò antecedente.

Unde & eveniat ut, dum Æquinoctiale punctum transsit in præcedentia, (ex quo fuit hic motus ab eo Præcessio seu Anticipatio æquinoctiorum appellatus) relictæ partes Eclipticæ, atque adeò stellæ Arietis, & aliæ, tantundem transire sive progredi in consequentia appareant.

Quæ ille subindè adjecit, ad salvandam partim inæqualitatem hujusmodi motûs Præcessionis æquinoctiorum, partim variationem obliquitatis, maximæve declinationis Eclipticæ, (dum ideo sufficere voluit, ut axis terrenus describeret speciem intortæ corollæ, hæc formâ (8) quòd eundo in ortum & redeundo in occasum acceleratio retardatióque illius motûs fieret; & eundo in Boream ac redeundo in Austrum incrementum decrementumque Declinationis illius crearetur:) quæ, inquam, hac de re adjecit, ideo memoratu necessaria non sunt, quòd utriusque Phanomeni observationes sint incertiores quàm ut de iis debite constet, aut immorandum in iis videatur.

Satis esto, visum fuisse magis congruum hæc quæ sunt hucusq; relata in ipsum Terræ globulum, quàm aut in Solem, aut in Sphæram Fixarum immensam, referre.

Addámne autem Quintò, Partim ex hoc motu, partim ex superioribus, visum Galileo fuisse magis congruum explicare Æstum seu Fluxum & Refluxum Maris, quàm illum referre ad influxum Lunæ, aut ad aliam quamlibet excogitatam hætenus causam ?

Nam ut aqua vase contenta, ipsóque translato refugiens, non hæret quasi accumulata, sed refluit prorsum, si translatio fiat inæquabiliter; ità voluit mare contentum in Terræ cavitatibus, & versus occasum refugiens dum ipsa versus ortum transfertur, non hære, verum refluere, ac iterum reciprocari, si contingat ipsum ejus quasi vas inæquabiliter transferri.

Transferri porro inæquabiliter ex eo probavit, quod licet quilibet trium motuum æquabilis secundum se sit; facit tamen eorum commistio, ut assumpta certa superficei Terræ pars inæquabiliter moveatur.

Nam ea v. g. in qua est mare mediterraneum ità constanter versus ortum motu annuo abripitur, ut interim motu diurno revoluta habeat dimidium revolutionis hujusce consentiens cum annuo, dimidium dissentiens; sicque dum ambo motus conspirant, feratur velocius in ortum, dum alter duntaxat eò tendit, feratur tardius: ac bis quovis die feratur æquabiliter; semel scilicet dum à velocitate in tarditatem, semel dum à tarditate in velocitatem transit.

Itaque ex hac inæquabilitate oriri ille voluit reciproca-tionem Æstus geminam singulis diebus contingentem.

Sic verò, quia diurnus motus nunquam obliquè, sed semper directè versus ortum fit, ob memoratum paralleli-smum, & interim ab annuo obliquè factò adjuvatur, seu promovetur minus circa Æquinoctia, ob obliquitatem, quàm circa Solstitia; ideo propter supervenientem hujuscemodi inæquabilitatem, intendi Æstum censuit per utraque ea tempora; & per Æquinoctia quidem maximè, quòd tum motus annuus diurno magis adversetur.

Sic etiam, quia si verum sit transferri Terram per Zodi-acum Solaribus radiis, & ipsam aliunde transferre secum Lunam,

Lunam, ut sui appendicem, necesse est translationem Terræ intendi ac remitti prout Luna nova aut plena exstiterit, illeic nempe citra, heic ultra ipsam Terram existens; eo modo quo vibrationes globi penduli chordæ appensi, & huc illuc reciprocantis, intenduntur aut remittuntur; prout globulus aut suprâ aut infrâ coappenditur: ideo ex hac nova inæqualitate putavit ille fieri, ut Æstus evadant per Novilunia ac Plenilunia quàm temporibus aliis intensiores.

Sic rursus, quia ex Luna Terræque unâ translatis unum quasi mobile sit, & ob motum specialem Lunæ totale hoc mobile non assequitur meridianum diebus singulis, nisi unâ propè horâ, seu quatuor horæ quintis, tardius; ideo fieri potest ut Æstus diebus singulis unâ propè horâ, sive quatuor quintis, fiat retardatio.

Prætereundum autem, varietates alias quæ in Maris & flu contingunt posse non incommodè ad littorum situs conditionisque revocari.

CAP. VIII.

Quid Copernicani ad ea quæ objici solent ex Astronomia respondent.

Nunc, cùm triplex sit Argumentorum genus quæ solent adversus Telluris motum objici, aliqua enim ex Astronomia, aliqua ex Physica, aliqua ex Sacra Scriptura petuntur; non est quare multùm in iis immoremur quæ Astronomica potissimùm sunt, quòd quâ ratione Copernicani ad illa respondeant maxima ex parte constet ex jam dictis.

Nam quod v. c. solet objici, fore ut neque eodem in loco altitudo Poli sit constans, neque eadem stellæ verticales sint, magnitudinisque ejusdem habeantur, neque, si motus secundùm Eclipticam fiat, variatio ulla dierum notitiumque & tempestatum eveniat, neque ullus motus Fi-

xarum in consequentia observetur, & si qua sunt hujusmodi; id fuit mox antè declaratum.

Quod præterea verò imprimis urgetur, fore ut integrum hemisphærium dimidiūve cœli appariturum non sit, neque adeò sex Zodiaci Signa possint perpetuò conspici, nisi Terra in centro degat;

Respondent, Ubicumque Terra intra ambitum cœli fuerit, id quod ex cœlo supra horizontem ipsiusve planum existabit appariturum oculo quasi integrum hemisphærium, nisi à cœli fornice tam paucis orgyiis absumus, ut verticale & circumstantia puncta internoscantur distare à nobis minùs quàm ipse horizon, extremūve illud quod erit ex terra conspicuum. Nempe oculus habens cœlum tanquam ipsi Terræ extremo circumquaque contiguum, non aliā semidiametro altitudinem fornicis quàm ipsam latitudinem distantiamve horizontis metitur,

Terram porrò, sive concipiatur evecta ex centro in Magni orbis superficiem, sive ex Tropico Capricorni ejusdem orbis translata in Tropicum Cancrī, non ideo ità accedere ad ipsum cœli fornitem, ut minùs ab eo quàm ab ipso Terræ horizonte distemus: quinimo, juxta antedicta, nè evadere quidem promotiorem versus ipsum ullo puncto sensibili, ut propterea aliquid minus hemisphærio ex eo cernaums, aut ex ipsius Zodiaco minùs quàm sex Signa, hoc est, quàm centum octoginta gradus, supra horizontem appareant.

Quod secundo instatur, Fore ut non possit Sol Apogeius, Perigeius, & alia dici;

Respondent, Posse semper dici; quòd hac Astronomia receptas voces non expungat, modò juxta ea quæ apparent usurpari intelligantur, ac nullum propterea existentia rei quæ reverà sit præjudicium fiat. Nam ipsos quoque Copernicanos passim dicere, Solem oriri, occidere, esse in Signo aliquo, cæteraque similia; loquatos nimirum prout res apparet.

Dicere itaque licebit Solem esse Apogeium quando Terra erit Aphelia, maximève distans à Sole; Perigeium, cum Perihe-

Perihelia, proximè circumstans Solem: Nam illud apparenter Soli, hoc reipsâ Terræ conveniet, quatenus ejus orbita Excentrica erit, seu non tam circulus perfectus quàm Ellipsis quædam, in cujus focorum seu centrorum altero sit Sol, ac Terra proinde ad ipsum nunc magis nunc minùs accedat.

Scilicet viâ Planetarum (quas nempe corporibus suis per ætherea spatia describunt, etiam dum vehi revehîq; per Excentricos & Epicyclos supponuntur:) observatæ Ellipticæ sunt, eo ferè modo quo circa Lunam superiore libro insinuatum fuit: tametsi itâ exigente facilitate calculi, intelligantur etiam Ellipses in Excentricos Epicyclosque reduci.

Quod additur tertio, futurum ut neque iidem Planetarum Adspæctus sint, neque eorundem Latitudines, neque speciatim Lunæ Phases, ipsiusque ac Solis Eclipses perinde appareant, &c.

Respondent, Ista & cætera perinde prorsus apparitura, quando licet ipsa sit Terra quæ reverâ describat Eclipticam, & Sol tamen est appariturus eam describere, & Planetæ cæteri, dum percurrant Zodiacum, videndi sunt variè cum ipso ac inter se configurari, discederéque ab Ecliptica, seu latitudinem sortiri.

Et quia Luna semper circa Terram feretur in orbita propria, quæ perinde Eclipticam in oppositis Nodis secet, perinde prorsus Phaseis subibit; & Soli conjuncta aut opposita perinde apparens, perinde Eclipsin patietur, aut non patietur, opposita cùm erit; ac perinde creabit aut non creabit in Sole, cùm erit conjuncta, absque ullo discrimine.

Quod subjicitur quartò deridiculum esse Terram, Elementorum faciem, cœleste corpus existimari, ac Planetarum unum censi;

Respondent, Terram non esse magis reputandam Mundi faciem quàm Martem aut alium Planetam: Nam & quamvis luce careat, carere tamen cæteros quoque; & si cæteri luce Solis splendeant, eadem pariter & ipsam splendere.

Non

Non esse eam minùs globosam quàm illos, ut proinde per ætherea spatia circumduci perinde valeat. Non esse molis incongruæ; cùm, ut minor aliquibus, ita major cæteris sit.

Et quamvis superficiem inæquabilem asperatamque habeat, habere tamen & ipsam Lunam, ut telescopio convincitur: & habere cæteros quoque non esse improbable vel ex eo, quòd plusquam ex uno sui puncto lucem Solis ad nos reflectant, ac aliunde obtusè luceant, neque Fixarum instar scintillent, tanquam majore radiorum parte ob anfractus varios aliò quàm versum nos deflexâ.

Imò & quamvis generationes corruptionesque in Terra fiant, non posse probari quin fiant similiter in cæteris; tametsi ipsas non magis videamus, quàm videri possent ex Luna & cæteris eæ quæ in terra fiunt.

Si fiant, non posse propterea ipsas reputari imperfectas; quoniam imperfectio est quidem posse unam rem quampiam corrumpi, sive esse definere, non autem manendo incolumem posse ex corruptione quorundam alia aliâque prognerare. Esse sanè longè majorem in ipsa terra perfectionem parturire hanc tantam florum aliarumque rerum elegantiam, cùm id citra ullum molis suæ detrimentum faciat, quàm si corruptione immunis, absque ulla prorsus suæ superficiei immutatione perseveraret.

Ad hæc non modò Terram & Lunam commutare vices, dum sese vicissim obscurant & illuminant, sed etiam quicquid Venus aut Mercurius apparent Terræ, apparere Terram Marti, Jovi & Saturno; & quicquid Mars, Jupiter, aut Saturnus Terræ apparent, Veneri & Mercurio Terram apparere; hoc est, quod attinet ad motum formamque ipsius, quod ad magnitudinis variationem, quod ad Phases, & cætera.

Quòd reputatur quintò inconcinnum, immensam adeò habere illam Fixarum à Terra distantiam, ut totus iste Magnus orbis puncti instar habendus sit;

Respondent, Cùm nulla sit ratio, nec sensu facta observatio, quæ eam minorem esse convincat, & ex ipsa aliunde suppo-

supposita Phænomena omnia concinnius salventur, quàm dum minor, juxta vulgarem opinionem, supponitur; ideo non videri eam jure inconcinnam existimari.

Nam quòd vastitas quidem tanta reputetur superflua, videri illos qui ità sentiunt esse summi Opificis magnificentiae injurios, dum non capientes quorsum Deus tam amplum Mundum fecerit, ejus potentiam sapientiàmque ad sui caput &, ut sic dicam, ad suae parsimoniae angustias deducunt.

Quòd demum, fore ergò Solem quavis stellâ Fixâ conspicuâ minorem, quando si totus Magnus orbis conspici à Fixis ob sui exilitatem non possit, longè fuerit minùs conspiciendus Sol, habitus duntaxat quasi ejus centrum;

Respondent, posse tamen Solem minorem non esse: & minorem licèt, posse tamen adhuc ex ipsa Fixarum regione videri; quòd ut lucernæ flammula procul è tenebris conspecta in amplissimam speciem dilatatur, ità per tenebras nocturnas dilatentur disculi stellarum, qui absque tali dilatatione essent punctula merè inconspicua.

Quare & futurum ut Sol perinde amplificaretur spectatus è tenebris, efficere utque stellæ instar conspicuus; utcumque absque amplificatione hujuscemodi evasurus esset punctulum planè inconspicuum.

C A P. IX.

Quid ad ea quæ ex Physica.

JAM ex Physicis illud Primum est, Quòd infimus locus, quale Mundi centrum sive medium est, corpori omnium gravissimo, qualis est globus Terræ, debeat.

Sed respondent primùm, ex mente Platonis, dari quidem in Mundo extremum & medium; verùm non idcirco extremum Supremum, neque medium Infimum censei. Quippe supremum & infimum dici duntaxat comparatè, five

sive respectu habito ad situm partium animalis, hominis verò maximè ; cui, ubicumque in Mundo sit, illud est superius sursùmve quod est ultra caput, & illud inferius deorsùmve quod est ultra pedes.

Deinde, Terræ quidem parteis esse dicìve posse graveis quatenus ad Terram, ut ad totum cujus incolumitas ex unionè partium dependet, feruntur ; at totam Terram secundùm se neque gravem esse neque levem magis quàm Lunam, Venerem, aut quemlibet alium cœlestium globorum, quorum partes similiter, si quâpiam vi distractæ fuerint, suum quæque globum pari jure repetent, & poterunt graves perinde censerì.

Ad hæc, dari quidem in Terra centrum sive medium, versus quod ex accidenti gravia ferantur, (ex accidenti, inquam ; nam per se feruntur duntaxat versus Terræ corpus, cui uniri appetunt, faciuntque interim id per brevissimam lineam, quam simul contingit respectare centrum :) at non idcirco Terræ centrum idem esse cum centro Mundi ; possèque adeò gravia, ubivis in mundo Terra fuerit, tendere versus ejus centrum.

Secundò illud, quòd simplici corpori, cujusmodi est Terra, unicus simplex motus conveniat : quare cùm Terræ competat rectus, ipsèque deorsum, (ut motus partium indicat) non competere circularem.

Sed respondent, Falsum imprimis id esse ut Terra simplex corpus sit, quod experientia docet potiùs esse ex rebus adeò heterogeneis variè commistum.

Deinde, Nè corpori quidem simplici repugnare varietatem motuum, modò ii non sint in parteis simul oppositas, verùm sint ex iis qui in eandem partem regionemve conspirent ; quemadmodum dictum jam est de globo supra planum voluto.

Ad hæc, Non idcirco competere toti quod ejus parti competit, si ut pars est competat ipsis ; alioquin enim totus homo deberet esse orbicularis, quòd ejus caput tale sit : quare & non ex eo quòd partes Terræ rectà feruntur, oportere rectà ferri totam terram ; quando motus rectus parti-

bus

bus ejus competit ut cum ea uniantur, Terra autem tota unionem cum aliare non appetit.

Postremò, Tametsi partium Terræ motus rectus sit proprius, ipsis tamen simul competere motum totius, hoc est circularem, quatenus dum cadunt unà interim transferuntur; eo modo quo manui, præter motus proprios, sursum, deorsum, prorsum, retrorsum, in gyrum, &c. competit simul motus corporis totius, cum quo incedente interim transferrur.

Tertiò illud, quòd Terra motu adeò rapido dissiparetur, nòsque ipsi adeò rapidè translati aërem à nobis proscissum, effectumque quasi ventum intolerabilem, non ferremus.

Sed respondent, primùm, pollere Terram magneticà vi, quâ terrena omnia revincta contineat, (eo scilicet modo quò Magnes magnetica omnia, ut frustra magnetis ac ferri:) & terrena eo modo attracta dici gravia, non tam insitâ qualitate, quàm impressâ à Terra virtute; levia autem censerì ea quæ minùs sunt gravia, minùsve trabuntur, ac cedunt locum gravioribus; non ut omnino distrahantur, sed solum ut sint remotiora sive exteriora, & cum propinquioribus interioribusve per intermedia cohæreant.

Deinde, non ideo dissipari Terram, quòd quemadmodum parteis sui omneis ab intimis ad extimas usque magneticà vi continet, ità moveat sese & convehat ipsas veloci quidem, sed uniformi tamen & æquabili placidòque, motu; non autem ità ut vel subsultet, vel impingatur in aliquid, à quo successa parteis exturbet pellatve à se, aliòque & citiùs quàm quò ipsa tendit projiciat.

Ad hæc, quòd Aër quoque sit, ex antedictis, terrenæ materiæ, & solidiorem ipsum globum lanuginis instar circumvestiat, ideo ipsum unà cum Terra ità circumferri, ut nos intra ipsum degentes, unàque translati, eum non proscindamus, neque quasi ventum factum præsentiamus.

Et deniq; tamen, quoniam Aër fluxibilioris est substantiæ, neque tam velociter abripitur ac solidus interior globus, heinc esse videri, cur sub Æquatore & circiter ipsum, quâ motus Terræ in ortum velocissimus est, aër sic resistat, inq; occasum

occasum veluti eat, ut Nautæ illum quasi ventum & indefinentem & æquabilem experiantur.

Nè quidpiam dicatur de Mari, quod ob sui quoque fluxibilitatem nonnihil retardatum fluat, & ex sui cumulatione objectuæ littorum refluat, ut paulò antè attingimus.

Quartò illud, quòd nullum corpus aut sursum emissum, aut supernè demissum, ad perpendiculum caderet, si dum esset per aërem, locus Terræ cui immineret perinde subduceretur ac emissæ sursum sagittæ, dum navis transfertur, subducitur puppis è qua emissæ fuerit.

Sed respondent primùm, Falsum esse sagittam sursum directè è puppi emissam in puppim non recidere; utcumque id hætenus fuerit, sed ab inexpertis scilicet, objectum. Nempe causam esse, quòd navis motum suum imprimat rebus omnibus quæ ipsâ vehuntur, ac ipsarum interventu mobilibus omnibus quæ mittunt aut demittunt ipsa. Et ex hoc fieri, ut dum arcus motum sagittæ imprimit sursum, imprimat simul motum prorsum, quem ipse interim à navi, aut ab homine ab eadem navi transvecto, habet; sicque sagitta dum est per aërem immineat semper puppi, & in eam tandem recidat, propter hujuscemodi motum.

Simile porrò esse, non modò dum quis è pterna, seu pede mali, lapidem projicit in charchesium, verùm etiam dum lapidem è carchesio demittit in pternam. Is enim lapis neque demissus ex parte puppis à malo deseritur, neque demissus ex parte proræ à malo attingitur; sed perinde in pternam ac si navis quiesceret cadit. Nimirum quia licèt demittens nullum motum sibi proprium adhibeat, imprimit tamen generalem quem habet à navi malo intercedente impressum: ex eoque fit, ut demittens ex parte puppis lapidem, tantundem ipsum versus malum interim aufugientem retrahat quantus est motus ipsius mali; & demittens ex parte proræ, tantundem ante malum interim prosequentem conjiciat quantus est motus ejusdem mali.

Itaque exemplum objectum ità posse retorqueri, ut pari modo Terra motum suum imprimat rebus omnibus à se vectis; ac lapidem emissum sursum ideirco in eundem Ter-

æ locum recidere, quòd projiciens ipsi non tantùm propriam imprimat vim quâ adigit sursum, verùm etiam vim quam habet à Terra, & propter quàm lapis tantundem quantum ipsa Terra transferatur prorsum; sicque, dum est in aëre, eundem semper locum respectet, & in eundem cadat.

Quo eodem modo è Turri demissus in locum cui imminet cadit; quòd licèt demittens motum sui proprium non adhibeat, motum tamen imprimit qui sibi fit à Terra, turri intercedente, impressus.

Deinde, ut motus sagittæ, lapidisve è navi emissi aut demissi, non est reipsâ rectus, sed inflexus, & secundùm lineam quam dicunt Parabolicam; ac apparet tamen his omnibus qui in navi sunt rectus seu perpendicularis, quoniam oculus non percipit motum quo vehitur ipse, quique est communis sagittæ ac lapidi, sed illum duntaxat qui præterea imprimitur: sic motum lapidis è Terra sursum missi, aut è turri demissi, non esse quidem reverâ rectum, sed esse per spatia Mundana admodum inflexum, & Paraboles apertissimæ; ac apparere tamen rectum sive perpendicularem omnibus à Terra convectis, quoniam pari modo oculus non percipiat motum quo ipse interim à Terra transfertur, quique communis lapidi etiam est, sed alium solùm qui præterea lapidi aut à projectore, aut à gravitate attractioneve, fuerit impressus.

Id solùm discriminis esse, quòd aliqui possint extra navim consistere, qui motum nautis perpendicularem visum observent inflexum; at nemo extra Terram figere pedem valeat, ut inflexum deprehendat illum qui videtur ipsis Terricolis perpendicularis.

Quintò illud, quòd globus bombardicus in occasum explosus longiùs tenderet, tanquam machinâ in ortum simul consequente; ac rursus explosus in Austrum vel Boream, tantundem semper aberraret à scopo quantum scopus, dum globus esset per aërem, ferretur in ortum.

Sed respondent primùm, Ut duo Pilæ colludentes supra navis transtra parem quidem vim, quantum est ex se, pilæ
impri-

imprimant, unde & habito respectu partium navis, tantum spatii peragit pila versus proram quantum versus puppim; verum qui est ex parte puppis adjicit proprio motum navis, & qui est ex parte proræ subducit; ac fit exinde, ut missa pila in proram tantum præterea spatii aërei conficiat, quantum collusor à prora interim abducitur dum pila est per aërem, & missa in puppim tantò minus conficiat, quantò dum pila est per aërem, collusor à puppi versus eam accedit: Pari prorsus modo, si sint duæ machinæ, altera ad ortum, altera ad occasum, ad se invicem paribus viribus collineantes, tantundem spatii ab exploso ex utraque globo supra superficiem Terræ confici; quoniam licet globus explosus in ortum habeat superadditam à Terra vim, explosus in occasum subductam, interim tamen quæ machina explosit in ortum, tantundem globum consequitur quantum ipsi motus à Terra accepti impressit, & quæ explosit in occasum, tantundem à globo abducitur quantum ipsi motus à Terra accepti subduxit; sicque compensatione additionis & subtractionis factâ, globus perinde supra Terram motam ac supra quietam promovetur.

Deinde, globum sive in Boream sive in Austrum directum, perinde attingere scopum ac si Terra acquiesceret; quod dum & machina & scopus versus ortum feruntur, feratur simul & globus per aërem trajectus, ob superadditam à Terra vim: ex qua efficitur ut hæc tria, machina, scopus, globus, intra eandem rectam semper contineantur.

Postremò illud, quod nubes, aves, aliæque in aëre suspensæ, apparerent semper rapidissimè ferri in occasum.

Sed respondent, primum, Ut qui per transtra navis salit, non modò motum sibi proprium, donec per aërem est, habet; verum etiam motum impressum à navi, quo unà cum navi transfertur, quancumque in partem in motu proprio saliat: I à volucrem v. c. dum supra Terræ superficiem ac per aërem volitat, habere præter motum proprium etiam generalem à Terra impressum, quo unà cum ipsa transfertur, quancumque in partem ipsa interim volitet, aut quomodocumque in aëre hæreat suspensæ videatur.

tur.

tur. Quod idem proportionē de nube cæterisque dicendum est.

Deinde, sicut salienti per transra navis tunc motus navis imprimitur cū ejus pedes attolluntur; ita motum Terræ tunc imprimi avibus cū primū ē Terra, arbore, aliāve re Terræ hærente, simulque translata, assurgunt; repeti autem ac velut inculcari, quoties volucres, nē ad perpendiculum seu in locum Terræ cui imminent cadant, alis aërem verberant. Nempe aër etiam cum Terra translatus fulcimenti loco est, cui illæ innixæ motus suos instaurent; ut esse possunt scamna transris imposita, per quæ ille dissulter.

Denique, ut res melius concipiatur, considerandos esse pisceis intra aquam cuppâ contentam quam transferat navis. Quippe ut pisces unâ cum aqua motu generali navis transferuntur, & interim tamen perinde aut hærent; aut huc illuc variè moventur intra cuppam, ac si aqua quiesceret, neque cum navi transveheretur; sic aves, & quæcunque alia in aëre sunt, ita motu Terræ generali transferuntur, ut perinde aut hæreant, aut quolibet versum per aërem moveantur, ac si aër quiesceret, neque cum Terra transferretur.

CAP. X.

Quid ad ea que ex S. Scripturas

QUÆ demum loca Scripturæ sacræ objiciuntur, ejusmodi sunt ut videantur quietem Terræ partim expressè asserere, ut illa, *Terra in æternum stat*; &, *Fundasti Terram super stabilitatem suam*, &c. vel tacitè, quatenus motus non Terræ sed Soli tribuitur, ut illa, *Oritur Sol & occidit*; &, *Régressus est Sol decem lineis*; &, *Sol, contra Gabaon nē movearis*, &c.

Verūm respondent illi imprimis, Scripturæ Sacræ scopum non esse ut homines aut Physicos aut Mathematicos efficiat, sed ut pios, & ad salutem seu gratiam gloriā-

que supernaturalem comparatos reddat. Quare & loqui eam de rebus quatenus apparent omnibus vulgò hominibus; ut quoniam sua salus omnium interest, intelligi ab omnibus possit.

Parùm curare ipsam proinde quales res in se & reverà sint, cùm erudiendis alioquin ad salutem hominibus vulgares de rebus notiones sufficiant. Nempe, nisi pleraque loca hoc modo exposuerimus, hoc est, dixerimus Scripturam ad vulgi captum se demisisse Scriptoréive sacros sese temperâsse accommodâsseque rudi populo, futuros nos procul à germano sensu quo Spiritus Sanctus intelligi voluit.

Ac nè longè ab argumento quod sit præ manibus abeatur, Reputare Scripturam sacram parùm interesse Terræne cum Cœlo collata punctum sit annon: ac ideo de Cœlo Terræque, ut de duabus Mundi partibus insignibus, loqui; quoniam tales esse videantur, dum Cœlum ut fornix, Terra ut tabulatum Mundani ædificii apparet. Ac rursus, parùm interesse minimane stellæ in Firmamento lucentes majora sint luminaria quàm Luna, annon: atque idcirco loqui de Luna ut de luminari secundùm Solem magno; quoniam Luna, utcumque minor minúsque in se lucida quàm stellæ, ob viciniam tamen & major & ampliore luce illustrans apparet.

Eodem ergò modo Scripturam reputare parùm referre Terræne moveatur, Sol verò quiescat, annon; ac propterea loqui de Terra ut quiescente, quoniam quiescere, & de Sole ut moto, quoniam moveri, nulli non apparet.

Quare & posteriora quidem illa loca paucis expediri, Sapientem scilicet, cùm dixit, *oriri Solem & occidere*, contendisse solum significare vicissitudinem in ortu occasuque Solis apparentem, seu foret deinde Terra, seu Sol, cuius motu contingeret. Et Prophetam, cùm dixit, *Solem regressum decem lineis*, aliud nihil voluisse quàm quod apparuisset intelligi, seu Solis, seu Terræ, fecisset regressio. Et Patriarcham, *Solem non moveri* cùm jussit, id solum curâsse, ut Sol appareret supra Terram consistere, seu Sol

demum

demum foret, seu Terra, cujus statu id præstaretur.

Possè addi circa priora, intelligenda illa videri non de eo statu qui motui, sed de eo qui exsolutioni corruptionive opponatur.

Et cum verba præsertim illa, *Terra in æternum stat*, in ore sint omnium, adnotandum esse locum integrum his exstare verbis, *Generatio præterit, & generatio advenit; Terra autem in æternum stat.*

Nimirum, ut dum ceræ massæ sigilla varia applicantur,figurationes variæ fiunt, & dum aliæ prætereunt, aliæ adveniunt, seu figurarum aliæ abolentur, aliæ in vicem earum succedunt, massa tamen ceræ non corrumpitur, seu nec minuitur nec augetur, sed perseverat eadem: ita videri intelligendum; licèt ab usque Mundi initio factæ sint in Terra, ac etiamnum fiant, & faciendæ deinceps sint, generationes variæ, non idcirco tamen, dum generationes prætereunt & adveniunt, seu aliæ formæ terrenorum corporum dispereunt, aliæ in ipsarum locum inducuntur, ipsam Terræ massam corrumpi, augerive, aut minui; sed eam constanter perstare, ac tantam adhuc esse, futuramque in posterum, quanta ab usque initio fuit.

Itaque cum ista videatur loci præsertim celebris interpretatio esse germana, videri ex ipso Terræ asserti non tam in loco consistentiam, quàm in integritate constantiam.

Urgeri heic solet Sententia Congregationis Cardinalium Inquisitioni præfectorum, qui in Galileo opinionem hanc de motu Terræ damnaverint.

Respondent verò Orthodoxi (nam Heterodoxi rem brevius conficiunt) sententiam illam fuisse specialem, seu Galileum sic attinentem, ut habere adversus ipsum speciales causas potuerit, adversus alios non valituras. Addunt sententiam quidem illam permagni esse ponderis; sed non ideo tamen necessariò habendam ut articulum fidei, cujusmodi habentur qui sunt à Conciliis generalibus constituti. Subjiciunt, non videri eam, saltem quousque promulgata, hoc est, præscripta legitimè, ut dogma quod-

dam Fidei, fuerit, Fideleis omneis obligare. Tandem profitentur, si semel præscripta legitime fuerit, se ad recantandum esse comparatos.

Et sic illi quidem tueri se solent.

CAP. XI.

Quid de Siderum à Terris distantia & magnitudine definiant.

CUM partim ex rationibus, partim ex exceptionibus responsionibusve Copernicanorum, perviderimus ut illi contentur omnia salvare Phænomena; vix quicquam aliud heic superest, quàm ut paucis commemoremus quam Sideribus à Terra distantiam, quam magnitudinem singulis attribuant.

Et Copernicus quidem ipse dicere contentus Spharam regionemve Fixarum adeò à Terris esse distantem, ut comparatus ad ipsam Magnus orbis tanquam punctum habendus sit, mensuram præterea non adhibuit quâ specialius quid de hac distantia pronunciaret. Contentus etiam de Solis ac Lunæ magnitudine dicere (Solem nempe esse majorem Terrâ vicibus 162, ferè, & Lunam 43. proximè) nihil de Siderum aliorum, sive Errantium sive Inerrantium, magnitudine consimile dixit.

Verùm succurrit ante annos quindecim Philippus Lanbergius, qui, ut Planetarum distantiam magnitudinemque comparatè ad Terram definiit, ità Fixarum tum distantiam tum magnitudinem designavit comparatè ad Magnum orbem, quem & Spharam Terræ appellavit.

Quod itaque primum ad Distantiam spectat, de Planetis quidem hunc in modum statuit.

Distantia mediocris quâ absunt à Terra	Luna	} est terrena- rum semidi- ametrorum	59
	Mercurius		1500
	Venus		1500
	Sol		1500
	Mars		2275
	Jupiter		8091
	Saturnus		14880

De Fixis verò, suppositâ semidiametro Magni orbis terrenarum semidiametrorum 1500, supposuit quoque Fixarum stellarum ad Magnum Orbem Parallaxin vix unam octavam aut nonam minuti partem excedere; ac preinde edixit Fixas, Fixarumve sphaeram, abesse à Terra semidiametris Magni orbis 28000, seu majoris semidiametris Terrenis 42000000.

Quod deinde ad ipsam Magnitudinem attinet; Supposuit primùm circa Planetas esse apparenteis diametros, Lunæ quidem minorum ferè 33, Solis ferè 35, cæterorum non aliam quàm quæ superius ex Albategnio Alphraganòque recensita est.

Circa Fixas autem, propter telescopium, quo spuria ab ipsis rescinditur lux, minores earum diametros quàm vulgò putarentur habuit; nimirum stellarum I. magnitudinis minuti 1, II. secundorum 40, III. 30, IV. 20, V. 10, VI. 4.

Unde & de magnitudine Planetarum sic censuit:

Sunt	Luna	} minores	45 $\frac{1}{2}$	} vicibus quàm Terra.
	Mercurius		12	
	Venus		3 $\frac{1}{2}$	
	Sol	} major	434	
	Mars		8	
	Jupiter	} majores	25 $\frac{2}{3}$	
	Saturnus		46 $\frac{2}{3}$	

De Fixarum verò magnitudine sic :

Sunt Fixæ Magni- tudinis	{	I	} maiores	{	67	} vicibus quàm Magnus orbis.
		II			20	
		III			8	
	{	IV	} minores	{	2½	
		V			3	
		VI			25	

Ita scilicet correctione numeris ejus adhibitâ; cum prius edidisset stellas Magnitudinis I. excedere orbem Magnum vicibus 2053, II. 5935, III. 2506, IV. 744, V. 92, VI. 11½.

Porrò, quia non modò stellæ Inerrantes, sed Errantes etiam, intercedente telescopia, deprehenduntur diametro minore quàm vulgò habeantur; idcirco Martinus Hortensius, Discipulus Adjutorque Lansbergii, admonitus factâ à nobis observatione Mercurii commemoratâ superiùs, & quibusdam præterea aliis, supposuit imprimis stellarum Errantium apparenteis diametros esse, Mercurii quidem secundorum 19, Veneris 59, Martis 36, Jovis 50, Saturni 37; ac tum de illarum magnitudine ita pronunciavit :

Sunt	{	Mercurius	} minores	{	6510	} vicibus quàm Terra.
		Venus			1109	
		Mars			1534	
	{	Jupiter	} majores	{	1¼	
		Saturnus			2½	

Supposuit verò diametros stellarum inerrantium esse, Sirii quidem seu Canis majoris præter ordinem positi, secundorum 10. & cæterarum magnitudinis I. secundorum 8, II. 6, III. 5, IV. 4, V. 3, VI. 2; ac tum Sirium habuit Magno orbe minorem vicibus 37, & cæteras Fixas itidem minores, ut consequitur.

Sunt

Sunt Fixæ magnitudi- nis	I	minores ma- gno orbe vi- cibus	}	6 $\frac{1}{3}$
	II			15
	III			25 $\frac{2}{3}$
	IV			50
	V			122
	VI			412

Quinetiam, quia supposuit quoque assumi posse (utî as-
sumptum à Lansbergio jam fuerat) Fixarum parallaxin ad
Magnum orbem secundorum 30. atque aded assumi ipsa-
rum distantiam semidiametrorum Magni orbis 6875. idcir-
co deduxit posse speciatim Sirium haberi Magno orbe mi-
norem ducenties decies septies, & cæteras Fixas consimili-
ter, hâc ratione.

Sunt Fixæ magnitudi- nis	I	minores ma- gno orbe vi- cibus	}	422
	II			1012
	III			1725
	IV			3385
	V			8245
	VI			27826

Verùm hac de re nimis multa.

CAP. XII.

Quale Mundi Systema sit quod Tycho Braheus induxit.

EX iis quæ de Copernici Systemate dicta jam sunt, in
promptu est illud intelligere quod Tycho Brahe, nobi-
lis Danus, novûsque Hipparchus, inclinante jam seculo su-
periore invexit. En cuiusmodi ipsum proposuerit.

De Fixarum verò magnitudine sic :

Sunt Fixæ Magni- tudinis	{	I	} maiores	{	67	{	vicibus quàm Magnus orbis.
		II			20		
		III			8		
	{	IV	} minores	{	2½		
		V			3		
		VI			25		

Ità scilicet correctione numeris ejus adhibitâ; cùm prius edidisset stellas Magnitudinis I. excedere orbem Magnum vicibus 20053, II. 5935, III. 2506, IV. 744, V. 92, VI. 11½.

Porro, quia non modò stellæ Inerrantes, sed Errantes etiam, intercedente telescopio, deprehenduntur diametro minore quàm vulgò habeantur; idcirco Martinus Hortensius, Discipulus Adjutorque Lansbergii, admonitus factâ à nobis observatione Mercurii commemoratâ superiùs, & quibusdam præterea aliis, supposuit imprimis stellarum Errantium apparenteis diametros esse, Mercurii quidem secundorum 19, Veneris 59, Martis 36, Jovis 50, Saturni 37; ac tum de illarum magnitudine ità pronunciavit :

Sunt	{	Mercurius	} minores	{	6510	{	vicibus quàm Terra.
		Venus			1109		
		Mars			1534		
	{	Jupiter	} majores	{	1¼		
		Saturnus			2½		

Supposuit verò diametros stellarum inerrantium esse, Sirii quidem seu Canis majoris præter ordinem positi, secundorum 10. & cæterarum magnitudinis I. secundorum 8, II. 6, III. 5, IV. 4, V. 3, VI. 2; ac tum Sirium habuit Magno orbe minorem vicibus 3½, & cæteras Fixas itidem minores, ut consequitur.

Sunt

Sunt Fixæ magnitudi- nis	I	{	minores ma- gno orbe vi- cibus	{	6 $\frac{1}{2}$
	II				15
	III				25 $\frac{1}{2}$
	IV				50
	V				122
	VI				412

Quinetiam, quia supposuit quoque assumi posse (ut à Lansbergio jam fuerat) Fixarum parallaxin ad Magnum orbem secundorum 30. atque adè assumi ipsarum distantiam semidiametrorum Magni orbis 6875. idcirco deduxit posse speciatim Sirium haberi Magno orbe minorem ducentes decies septies, & ceteras Fixas consimiliter, hâc ratione.


Sunt Fixæ magnitudi- nis	I	{	minores ma- gno orbe vi- cibus	{	422
	II				1012
	III				1725
	IV				3385
	V				8245
	VI				27826

Verùm hac de re nimis multa.

CAP. XII.

Quale Mundi Systema sit quod Tycho Braheus induxit.

EX iis quæ de Copernici Systemate dicta jam sunt, in promptu est illud intelligere quod Tycho Brahe, nobilis Danus, novusque Hipparchus, inclinante jam seculo superiore invexit. En cuiusmodi ipsum proposuerit.



Cernere nimirum in eo primū licet, esse firmamentum seu Sphæram Fixarum partem mundi extimam, intimam verò occupatēve ipsius centrum esse Terram; ac in interstitio collocari Planetas, qui motus illeic suos obeant per liberrima, hoc est fluidissima, spatia.

Nimirum Tycho maximè fuit qui solidas sphæras confregit deturbavitq; ex æthere, postquam Cometæ trajicere per ætheræa spatia ut observavit, sic demonstravit primus, ac Mercurium & Venerem ultra ac citra Solem ferri deprehendit, aliâque hujuscemodi: interim autem censuit fusam esse per illa spatia tenuissimam quandam & purissimam fluxibilissimamque

ibilissimamque substantiam, quam & dixit Auram ætheream.

Deinde, Tria quædam mobilia ferri circa Terram tanquam circa centrum : Lunam quidem proximam motu menstruo ; Solem remotiorem, & quasi medium, motu annuo ; Firmamentum, seu Sphæram Fixarum, remotissimam, motu illo lentissimo viginti quinque millium annorum.

Ad hæc, quinque Stellas Erranteis motus specialeis circa Solem tanquam circa centrum obire ; Mercurium scilicet trimestrem, Venerem octimestrem, Martem biennem, &c. & eâ quidem lege ut Sol annuo motu Zodiacum percurrentes illos omnes circumvehat ; ac ipsi interim Mercurius & Venus suis circa illum revolutionibus non complectantur Terram, complectantur autem suis Mars, Jupiter atque Saturnus, & Mars speciatim fiat interdum Terræ propior quam ipse Sol.

Postremo, cum nullam heic fieri motus diurni mentionem videas, intelligendum esse videtur, tria illa eadem Mobilia, Lunam, Solem, Sphæram Fixarum, dum suis illis motibus secundum Zodiacum feruntur, volvi interim dietim in occasum, veluti per se ; quinque autem stellas Erranteis, præter motus proprios circa Solem & secundum Zodiacum, ferri etiam dietim in occasum, non per se, sed traductas à Sole, qui sit ipsis vice primi Mobilis. Necessè est nempe, ut cum Sol eas omnes sibi quasi auriga revinctas contineat, easdem dietim circa Terram cui ipse circumducitur circumgesser.

Dixi porrò Systema hoc posse ex deductis de Copernicano perfacile intelligi ; quoniam si loco circuli per Solem transeuntis ducatur alius per Terram transiens, (qualem punctatum adjecimus) eadem distantia inter Solem & Terram pro semidiametro retentâ, & aut Planetaria compages aut Fixarum Sphæra tantisper emoveri sic intelligatur, ut Saturni circulus ex æquo à Fixis undiquaque distet, habebis omnino quale antè est ex Copernico Systema descriptum.

Quippe erit tum Sol in medio sive centro Systematis ; circumducentur ipsi proximè Mercurius & Venus, remotius

tiùs Mars, Jupiter & Saturnus ; in medio verò intervallo reperietur Terra cum circumducta sibi Luna. Adeò proinde ut Copernicus censerì non injurià prævisse Tycho ni possit, & Tycho nihil aliud quàm Copernici invertisse Systema videatur.

CAP. XIII.

Quibus rationibus adductis illud excogitaverit.

AC receperat quidem Tycho se pluribus Systema hoc declaraturum probaturumque in Opere quod destinaret de Instauratione Astronomiæ elucubrare : verumtamen morte præventus rem præstare non potuit, ac scriptum duntaxat reliquit, se fuisse permotum ut illud tale adinventiret, tum quòd tolerari neque Ptolemaicum neque Copernicanum posset, tum quòd juxta ipsum Phænomena omnia quàm aptissimè salvarentur.

Objecit autem Ptolemaico tum cœlestium orbium distributionem inconcinnam ; tum assumptionem supervacaneam tot tantorumque Epicyclorum, salvandis Retrogradationum Stationumque Phænomenis ; tum peccatum illud contra artis principia, quòd in ipso circularis motus æqualitas non circa proprium, sed circa alterius Excentrici (Æquantis nimirum) centrum admittatur. Nè quidpiam de soliditate Sphærarum cœlestium adjiciam, quam cum nuperis observatis stare non posse idem perdocuit.

Copernicano verò objecit potissimum tria. Unum, quòd tametsi in eo scitè admodum præcaveantur quæ superflua dissentaneæque in Ptolemaico habentur, ac nihil reipsâ adversus principia Mathematica delinquatur ; admittatur tamen absurditas illa contra principia Physices, quòd Terram cum sit grossum, inquit, pigrum, inhabileque ad movendum corpus, haud dissolutiore tenore motus (illiúsque etiam triplicis) quàm athera illa Lumina agitari statuit. Alterum, quòd proinde Sacris adversetur Literis aliquoties
ipsum

ipſius Terræ ſtabilitatem confirmantibus. Tertium, quòd illam capacitatem inter orbem Saturni & octavam Sphæram eſſe propemodum immenſam, & Sideribus tamen prorsus vacuum, ſupponat.

Postremò autem in ſui gratiam illud præſertim commemoravit, quòd, devitatis omnibus huiusmodi incommodis, dum Sol annuo motu Zodiacum perlustrat, ac interim quinque Planetæ ipſum comitantes ſuos circa illum motus peragunt, ſalventur exinde abſque ullis Epicycliis Phænomena illa Stationum Retrogradationumque præcipua, ac declaretur cur Mercurius & Venus tam parùm à Sole digredi appareant, cur Mars, Jupiter & Saturnus ipſi interdum oppoſantur, (Terrâ ſcilicet interceptâ) cur tunc proximè Terram tranſeant, & ſpecie maximè grandescant, cur in ſupputandis ſingulorum motibus motus Solis ſimplex commiſtus ſemper reperiatur; & quæ ſunt alia huiusmodi.

Quod ſpectat verò ad reliquas inæqualitatis apparentis differentias, quas veteres per Excentricos & Æquanteis, Copernicus per Epicyclum in circumferentia Excentrici, ſalvârunt, dixit eas quoque facilè poſſe in ſua ſalvari Hypotheſi, ſive per Circellum in orbe circa Solem Excentrico, ſive per duplicem Circellum in quopiam orbe Concentrico; ut ſe plenius explicaturum in affecto illo Opere promiſit.

CAP. XIV.

Quâ ratione id à Tychonis Sectatoribus propugnetur.

CUM porrò his jam temporibus eam eſſe Planetarum diſpoſitionem conſtet, ut neceſſe planè videatur aut Copernicanum aut Tychonicum Syſtema eſſe verum, idcirco ſunt plures (imò penè omnes aliunde averſati Copernicum) qui, improbati Veterum Hypotheſibus, Tycho-nem ſequantur, partim inducti nominis obſervationumque coeleſtium ab ipſo peractarum ſamâ, partim perſuaſi conſtare

tius Mars, Jupiter & Saturnus ; in medio verò intervallo reperietur Terra cum circumducta sibi Luna. Adeò proinde ut Copernicus censerì non injurià prævisse Tycho ni possit, & Tycho nihil aliud quàm Copernici invertisse Systema videatur.

CAP. XIII.

Quibus rationibus adductus illud excogitaverit.

AC receperat quidem Tycho se pluribus Systema hoc declaraturum probaturumque in Opere quod destinaret de Instauratione Astronomiæ elucubrare : verumtamen morte præventus rem præstare non potuit; ac scriptum duntaxat reliquit, se fuisse permotum ut illud tale adinveniret, tum quòd tolerari neque Ptolemaicum neque Copernicanum posset, tum quòd juxta ipsum Phanomena omnia quàm aptissimè salvarentur.

Objecit autem Ptolemaico tum cœlestium orbium distributionem inconcinnam ; tum assumptionem supervacaneam tot tantorumque Epicyclorum, salvandis Retrogradationum Stationumque Phanomenis ; tum peccatum illud contra artis principia, quòd in ipso circularis motus æqualitas non circa proprium, sed circa alterius Excentrici (Æquantis nimirum) centrum admittatur. Nè quidpiam de soliditate Sphærarum cœlestium adjiciam, quam cum nuperis observatis stare non posse idem perdocuit.

Copernicano verò objecit potissimum tria. Unum, quòd tametsi in eo scitè admodum præcaveantur quæ superflua dissentaneæque in Ptolemaico habentur, ac nihil reipsà adversus principia Mathematica delinquatur ; admittatur tamen absurditas illa contra principia Physices, quòd Terram cum sit grossum, inquit, pigrum, inhabileque ad movendum corpus, haud dissolutiore tenore motus (illiúsque etiam triplicis) quàm athera illa Lumina agitari statuit. Alterum, quòd proinde Sacris adversetur Literis aliquoties
ipsum

ipſius Terræ ſtabilitatem confirmantibus. Tertium, quòd illam capacitatem inter orbem Saturni & octavam Sphæram eſſe propemodum immenſam, & Sideribus tamen prorsus vacuam, ſupponat.

Poſtremò autem in ſui gratiam illud præſertim commemoravit, quòd, devitatis omnibus huiusmodi incommodis, dum Sol annuo motu Zodiacum perlustrat, ac interim quinque Planetæ ipſum comitantes ſuos circa illum motus peragunt, ſalventur exinde abſque ullis Epicyclis Phænomena illa Stationum Retrogradationumque præcipua, ac declaretur cur Mercurius & Venus tam parùm à Sole digredi appareant, cur Mars, Jupiter & Saturnus ipſi interdum opponantur, (Terrâ ſcilicet interceptâ) cur tunc proximè Terram tranſeant, & ſpecie maximè grandefcant, cur in ſupputandis ſingulorum motibus motus Solis ſimplex commiſtus ſemper reperiatur; & quæ ſunt alia huiusmodi.

Quod ſpectat verò ad reliquas inæqualitatis apparentis differentias, quas veteres per Excentricos & Æquanteis, Copernicus per Epicyclum in circumferentia Excentrici, ſalvârunt, dixit eas quoque facile poſſe in ſua ſalvari Hypotheſi, ſive per Circellum in orbe circa Solem Excentrico, ſive per duplicem Circellum in quopiam orbe Concentrico; ut ſe plenius explicaturum in affecto illo Opere promiſit.

CAP. XIV.

Quâ ratione id à Tychoſis Sectatoribus propugnetur.

CUM porrò his jam temporibus eam eſſe Planetarum diſpoſitionem conſtet, ut neceſſe planè videatur aut Copernicanum aut Tychonicum Syſtema eſſe verum, idcirco ſunt plures (imò penè omnes aliunde averſati Copernicum) qui, improbati Veterum Hypotheſibus, Tycho-nem ſequantur, partim inducti nominis obſervationumque cœleſtium ab ipſo peractarum ſamâ, partim perſuaſi conſtare

tiùs Mars, Jupiter & Saturnus ; in medio verò intervallo reperietur Terra cum circumducta sibi Luna. Adeò proinde ut Copernicus censerì non injurià præivisse Tycho ni possit, & Tycho nihil aliud quàm Copernici invertisse Systema videatur.

CAP. XIII.

Quibus rationibus adductus illud excogitaverit.

AC receperat quidem Tycho se pluribus Systema hoc declaraturum probaturumque in Opere quod destinaret de Instauratione Astronomiæ elucubrare : verumtamen morte præventus rem præstare non potuit, ac scriptum duntaxat reliquit, se fuisse permotum ut illud tale adinventiret, tum quòd tolerari neque Ptolemaicum neque Copernicanum posset, tum quòd juxta ipsum Phænomena omnia quàm aptissimè salvarentur.

Objecit autem Ptolemaico tum cœlestium orbium distributionem inconcinnam ; tum assumptionem supervacaneam tot tantorumque Epicyclorum, salvandis Retrogradationum Stationumque Phænomenis ; tum peccatum illud contra artis principia, quòd in ipso circularis motus æqualitas non circa proprium, sed circa alterius Excentrici (Æquantis nimirum) centrum admittatur. Nè quidpiam de soliditate Sphærarum cœlestium adjiciam, quam cum nuperis observatis stare non posse idem perdocuit.

Copernicano verò objecit potissimum tria. Unum, quòd tametsi in eo scitè admodum præcaveantur quæ superflua dissentaneaque in Ptolemaico habentur, ac nihil reipsa adversus principia Mathematica delinquatur ; admittatur tamen absurditas illa contra principia Physices, quòd Terram cum sit grossum, inquit, pigrum, inhabilèque ad movendum corpus, haud dissolutiore tenore motus (illiusque etiam triplicis) quàm athera illa Lumina agitari statuit. Alterum, quòd proinde Sacris adversetur Literis aliquoties
ipfius

ipſius Terræ ſtabilitatem confirman-
tibus. Tertium, quòd
illam capacitatem inter orbem Saturni & octavam Sphæ-
ram eſſe propemodum immenſam, & Sideribus tamen pror-
ſus vacuum, ſupponat.

Poſtremò autem in ſui gratiam illud præſertim comme-
moravit, quòd, devitatis omnibus huiusmodi incommodis,
dum Sol annuo motu Zodiacum perlustrat, ac interim quin-
que Planetæ ipſum comitantes ſuos circa illum motus pera-
gunt, ſalventur exinde abſque ullis Epicyclis Phænomena
illa Stationum Retrogradationumque præcipua, ac decla-
retur cur Mercurius & Venus tam parùm à Sole digredi ap-
pareant, cur Mars, Jupiter & Saturnus ipſi interdum oppo-
nantur, (Terrâ ſcilicet interceptâ) cur tunc proximè Ter-
ram tranſeant, & ſpecie maximè grandefcant, cur in ſup-
putandis ſingulorum motibus motus Solis ſimplex commi-
ſtus ſemper reperiatur; & quæ ſunt alia huiusmodi.

Quod ſpectat verò ad reliquas inæqualitatis apparentis
differentias, quas veteres per Excentricos & Æquanteis,
Copernicus per Epicyclum in circumferentia Excentrici,
ſalvârunt, dixit eas quoque facilè poſſe in ſua ſalvari Hy-
potheſi, ſive per Circellum in orbe circa Solem Excentrico,
ſive per duplicem Circellum in quopiam orbe Concentri-
co; ut ſe plenius explicaturum in affecto illo Opere pro-
miſit.

CAP. XIV.

*Quâ ratione id à Tycho-
nis Sectatoribus propugnetur.*

CUM porrò his jam temporibus eam eſſe Planetarum
diſpoſitionem conſtet, ut neceſſe planè videatur aut
Copernicanum aut Tychonicum Syſtema eſſe verum, id-
circo ſunt plures (imò penè omnes aliunde averſati Coper-
nicum) qui, improbati Veterum Hypotheſibus, Tycho-
nem ſequantur, partim inducti nominis obſervationumque
coeleſtium ab ipſo peractarum famâ, partim perſuaſi con-
ſtare

stare semper quicquid Copernicani respondeant, quæ objecta superius sunt tum ex Astronomia, tum ex Physica, tum potissimum ex sacra Scriptura.

Et quia tamen illis quoque difficultates variæ opponuntur, idcirco ita illis occurrunt, ut vices eorum suppleant quæ Tycho fortassis fuisset responsurus.

Nam primum quidem obijcitur, absurdum esse uni corpori duos per se motus tribuere, quales scilicet attribuuntur Lunæ, Soli ac Firmamento, dum asseruntur specialeis circuitus secundum Zodiacum, seu versus ortum peragere, & interim tamen diurnâ revolutione ferri in occasum.

Verum respondent aliqui, non ideo his tribus, cuilibetve ipsorum, competere duplicem motum; sed competere unicum, ipsumque spiralem, ac versus occasum. Res intelligitur ex iis quæ dicta superiore libro circa Hypothesin varietatem sunt. Adnotandum solum, debere proinde ferri ipsam Fixarum Sphæram velocissimè omnium in occasum, ac spiras describere confertissimas attiguasque; Solem moveri segniùs, & laxiores spiras describere; Lunam moveri segnissimè, & describere laxissimas spiras. Heinc autem fieri, tum ut Sol diebus singulis uno gradu, & Luna tredecim, retardatior quàm Fixæ moveri in ortum videantur; tum ut Sol anno uno, & Luna uno mense, excursus in Boream & in Austrum sic peragant, ut sub ipsis Fixis circuitiōnem compleant.

Cum dicere verò hi nequeant, cujus respectu ipsum Firmamentum censeatur pariter in Boream & in Austrum excurrere; ideo respondent alii, admittendum esse supra Firmamentum primum Mobile, quod diem revolvat Firmamentum versus occasum; ac ipsum interim Firmamentum proprio sibi motu moveri in ortum secundum Zodiacum, ac pro illius obliquitate tendere in Boream & Austrum. Nempe necessarium aliunde supra Firmamentum esse aliam Sphæram, cui inesse intelligantur Dodecatemoria, immobiliave Zodiaci Signa, donec mobilia seu Asterismi secundum illius ambitum discurrunt.

Secundò, perquam incongruum esse, Firmamento, ant
etiam

etiam ulteriori Primo mobili, existenti tanto tamque procul abducto, diurnum motum tribuere, qui & celeritatis incredibilis sit, & utilis esse non possit ad circumducendum Planetarum Sphæras, ut quæ Solidæ nullæ sint, neque ideo abripi possint.

Verùm respondent, neque Firmamentum, ulteriùsve etiam mobile, tantæ esse vastitatis quantam fingit Copernicus; neque ejus motum, celerrimum licet, reputandum esse incongruum, quòd ipsi moli corporis congruat: ac, ut motus ille quo Equus spatium conficit, non est habendus respectu ipsius incredibiliter celer, qui incredibiliter celer foret respectu Formicæ aut Testudinis, si tempore eodem idem spatium perageret; ità reputari non debeat supra omnem fidem celer motus in Firmamento ulteriorëve sphæra, qui posset tamen in parvo globo hujuscemodi reputari.

Quod subjicitur verò de impressione, quæ non possit mobilibus Firmamento inferioribus ob interceptorum spatiorum fluiditatem fieri, aut talem nullam impressionem esse omnino necessariam, si motus quidem inferiorum mobilium secundum spiras fieri censeantur; aut etiam tam posse impressionem ipsis Planetarum globis fieri, etiam seclusis solidis sphæris, & per spatia liberrima, quàm fieri ab ipsis Copernicanis admittitur, dum radiis à Sole emissis circumagi posse Planetas in liquidissimo æthere pariter versantibus admittunt.

Tertiò, inconcinnum esse admodum, compaginem illam Planetarum totam dietim veluti luxari, tum circa ipsam Terram, tanquam circa centrum non suum, tum sub ipsa Fixarum sphæra, à qua inæqualiter absit, seu cui concentrica non sit.

Verùm respondent, nihil esse posse in eo opere inconcinnum quod sapientissimus Opifex disposuit. Quippe neque fieri ullam luxationem, cum Planetæ à Sole circumducuntur circa centrum non suum, ut reputari posset si quâpiam gravitate distraherentur, & pars major compaginis ex una Terræ parte, ac pars minor ex alia non possent velut

velut æquilibrari : neque à nemine non admitti esse Planetarum circuitus respectu sphaeræ Fixarum Excentricos, cum & aliunde ipsa Planetarum compages ita circa Terram diutim revolvatur, ut qualibet ipsius pars concentricum illi circulum describat.

Non esse verò (quod præterea urgeri potest) insolens, Planetas, donec circa Solem speciales motus obeunt, adeò interim detorqueri, ut abducti motu rapidissimo adigantur ad peragendum diurnas illas circuitiones; quippe & secundum Ptolemaicos, Planetas proprios obeunteis morus à mobili interim alio diverti atque abripi, & secundum Copernicanos, ipsam speciatim Terram, dum motu sibi proprio circumducitur, deduci interim abripique alio à Sole per radios emissos impresso. Quo modo quoque & ipsam Lunam, dum Terræ circumducitur, simul cum ipsa interim per Zodiacum à Sole transferri; & Planetas etiam Lunasve Joviales, dum ipsi Jovi circumferuntur.

Postremò, esse prorsus improbabile, inane esse illud tantum inter Venerem Martemque interstitium; & spatio tanto habito, non posse adhuc Martem eatenus abduci, ut ipsius circuitus non interfecet circuitum Solis.

Verùm respondent, Ut Conditor Mundi fecit interstitia Fixarum adeò inter se inæqualia, sic fecisse illum ut spatia inter Planetas inæqualia forent. Nempe varietate res gaudent, & Mundi perfectio in ea sic consistit, ut deberet potius videri improbabile, nisi talis varietas in rebus naturæ observaretur.

Sectionem porrò illam circuitus Solis à circuitu Martis nulli esse obstaculo, tum quia hujusmodi circuitus per liberissima spatia sunt, ac mente duntaxat cernuntur; tum quia non possunt unquam Sol & Mars sibi ad ea loca invicem occurrere, quoniam Mars in ipsis non est nisi dum est Acronychus, seu circiter ipsam sui cum Sole oppositionem.

Et sic illi quidem sententiam defendunt.

CAP. XV.

Quæ sit juxta ipsam distantia & magnitudo Siderum.

Supereſt coronidis vice, (cùm Tycho non modò impro-
bârit vaſtitatem illam ingentem Copernicani Syſte-
matis, ſed Syſtema quoque Ptolemaico longè anguſtius in-
vexerit, ſupereſt, inquam) pervideamus quid opinatus fue-
rit non modò de diſtantiâ & magnitudine Planetarum, ſed
etiâ de diſtantiâ & magnitudine Siderum Affixorum.

Quod ad Planetas itaque ſpectat, poſtquam ipſorum
parallaxeis quantum licuit venatus eſt, talem pronuntiavit
cujuſque (dum verſantur circiter medias longitudines) à
Terra diſtantiâ,

Diſtantiâ mediocriſ quâ abſunt à Terra	{	Luna	}	eſt terrena- rum ſemidi- ametrorum	{	56 $\frac{1}{2}$
		Mercurius				1150
		Venus				1150
		Sol				1150
		Mars				1745
		Jupiter				3990
		Saturnus				10550

Et poſtquam ſtudioſè obſervavit, quantumque (teleſco-
pio nondum adinvento) exquisitè potuit, apparenteis ſin-
gulorum diametros ità definivit;

Diameter apparens in diſtantiâ mediocri,	{	Lunæ	}	eſt minuto- rum	{	32
		Mercurii				2 $\frac{1}{2}$
		Veneris				3 $\frac{1}{4}$
		Solis				3 $\frac{1}{2}$
		Martis				1 $\frac{1}{4}$
		Jovis				2 $\frac{1}{2}$
		Saturni				1 $\frac{1}{2}$

Tum

Tum magnitudinem cujusque, ut consequitur, pronunciavit.

Sunt	Luna	} minores	{	42	} vicibus quàm Terra.
	Mercurius			19	
	Venus			6	
	Sol	} major	{	139	
	Mars			13	
	Jupiter	} majores	{	14	
	Saturnus			22	

Ad Fixas verò quod attinet, postquam attendit debere eas esse evectiores Saturno, non modò cum est in distantia mediocri, qualis recitata jam est, sed etiam cum in maxima, quam statuit semidiametrorum terrenarum 12300, ac evectiores etiam secundi cujusdam quasi Epicycli Apogeo, cui distantiam largitur semidiametrorum 12900. idcirco ait Fixarum Sphæram vix posse à Terra propius abesse quàm semidiametris terrenis 13000.

Et cum sit incertum utrùm omnes Stellæ æqualiter à terris distent, ac verisimilius videatur earum quasdam altiùs, quasdam humiliùs intra ejusdem Octavæ sphæræ capacitatem collocari, consultius fecerimus, inquit, si adhuc millenas semidiametros priori summæ aggregaverimus.

Quare & Distantiam Fixarum à Terra statuit præterpropter (neque enim hæc, inquit, exactâ & subtili mensurâ sunt pervestigabilia) esse Terrenarum semidiametrorum 14000.

Subindè autem ex hac distantia, & ex definitis quantum licuit (citra telescopii subsidium) diametris Fixarum apparentibus, in hunc modum :

Diameter apparens Fi- xarum mag- nitudinis	I	} est minuto- rum	2
	II		$1\frac{1}{2}$
	III		$1\frac{1}{3}$
	IV		$1\frac{1}{4}$
	V		$1\frac{1}{5}$
	VI		$1\frac{1}{6}$

Deduxit cujusque, pro suo ordine, magnitudinem seu molem ità se habere;

Sunt Fixæ Magni- tudinis	I	} majores	68	} vicibus quàm Terra.
	II		$28\frac{1}{2}$	
	III		11	
	IV		$3\frac{1}{2}$	
	V		$1\frac{1}{8}$	
	VI	3 minores	$\frac{1}{2}$ 3	

Adjecit verò, cùm non omnes primi ordinis primæve Magnitudinis stellæ æquales inter se appareant, & propo- sita magnitudo conveniat propriè mediocribus, adjecit, inquam, fieri posse ut quæ in I. ordine maximæ sunt, uti Canis major & Lyra, excedant Terram centies; quæ mi- nimæ, quadragies quinquies. Et sic quidem Tycho.

Verùm de hisce Systematis, deque tota Institutione A- stronomica, hætenus.

FINIS.

N

ORA-

Tum magnitudinem cuiusque, ut consequitur, pronuncia-
vit.

Sunt	Luna	} minores	{	42	} vicibus quàm Terra.
	Mercurius			19	
	Venus			6	
	Sol	} major	{	139	
	Mars			13	
	Jupiter	} majores	{	14	
	Saturnus			22	

Ad Fixas verò quod attinet, postquam attendit debere eas esse evectiores Saturno, non modò cum est in distantia mediocri, qualis recitata jam est, sed etiam cum in maxima, quam statuit semidiametrorum terrenarum 12300, ac evectiores etiam secundi cuiusdam quasi Epicycli Apogeo, cui distantiam largitur semidiametrorum 12900. idcirco ait Fixarum Sphæram vix posse à Terra propius abesse quàm semidiametris terrenis 13000.

Et cum sit incertum utrùm omnes Stellæ æqualiter à terris distent, ac verisimilius videatur earum quasdam altius, quasdam humilius intra ejusdem Octavæ sphære capacitatem collocari, consultius fecerimus, inquit, si adhuc millenas semidiametros priori summæ aggregaverimus.

Quare & Distantiam Fixarum à Terra statuit præterpropter (neque enim hæc, inquit, exacta & subtili mensurâ sunt pervestigabilia) esse Terrenarum semidiametrorum 14000.

Subindè autem ex hac distantia, & ex definitis quantum licuit (citra telescopii subsidium) diametris Fixarum apparentibus, in hunc modum :

Diameter apparens Fi- xarum mag- nitudinis	{	I	{	est minuto- rum	{	2
		II				$1\frac{1}{2}$
		III				$1\frac{1}{3}$
		IV				$0\frac{3}{4}$
		V				$0\frac{1}{2}$
		VI				$0\frac{1}{3}$

Deduxit cujusque, pro suo ordine, magnitudinem seu molem ità se habere;

Sunt Fixæ Magni- tudinis	{	I	{	majores	{	68	{	vicibus quàm Terra.
		II				$28\frac{1}{2}$		
		III				11		
		IV				$3\frac{1}{2}$		
		V				$1\frac{1}{8}$		
		VI		3 minores		3		

Adjecit verò, cùm non omnes primi ordinis primave Magnitudinis stellæ æquales inter se appareant, & propo- sita magnitudo conveniat propriè mediocribus, adjecit, inquam, fieri posse ut quæ in I. ordine maximæ sunt, uti Canis major & Lyra, excedant Terram centies; quæ mi- nimæ, quadragies quinquies. Et sic quidem Tycho.

Verùm de hisce Systematis, deque rota Institutione A- stronomica, hætenus.

FINIS.

N

ORA:

THE UNIVERSITY OF CHICAGO

1893-1894

THE UNIVERSITY OF CHICAGO

1893-1894

THE UNIVERSITY OF CHICAGO

1893-1894



ORATIO

INAUGURALIS

HABITA IN REGIO COLLEGIO

Die Novembris XXIII.

A PETRO GASSENDO

Regio Matheſeos Profefſore.

D Emirabuntur, ſi qui me nōrunt, addictum divinis muneribus virum ad humana digredi ſtudia, & quaſi propriæ functionis pigeat, ſuggeſtum Ecclēſiaſticum cum Academico commutare. Nimirum videri id poteſt, nomen dediffe militiæ ſacræ, & transfugere ad profanam; manum miſſiſſe ad aratrum, & retrorſum aſpicere; aſſertum eſſe in libertatem, & cogitare adhuc *Ægyptum*. Sanè verò, ad me quod ſpectat, non ſine pudore rem aggrederer, ſi ipſam quidem ex ſpontaneo proprioque delectu obirem, ſi non ſemel ac iterum tertiumque juſſus obſequi, obtemperarem voci quam licuit interpretari eſſe divinam.

Ipſa porrò vox tua eſt, **EMINENTISSIME CARDINALIS**, qui Regi Chriſtianiſſimo à quo inſtitueret oblaturus me, ſic dignatus eſ me interpellare, ut multum ſuūque repugnantem tuā (dicam patientiā? an) bonitate regeris; & qui poteras imperando, perſuadendo malueris compellere tandem ad dedendum manus. Nempe effeciſti ut

intelligerem non vocari me ad profanum munus, quod credentium Pater Abrahamus alienum à se non duxisset, cum, testantibus Hecatzò, Berofo, Nicolaóque Damasceno, docuerit Ægyptios numerorum ac Siderum scientiam. Et licet Aristoteles ipsos Sacerdotes Ægyptios Mathematicas invenisse scribat, dum post exhibitum Diis cultum, abunde esset temporis quo feriari permitterentur, heinc saltem constare, eas creditas fuisse à viris divinis originem ducere, neque ipsarum professionem fuisse habitam Sacerdotibus indecoram. Ac nè quis solos Ethnicos reputet hoc censu habendos, commendari ecce D. Basilium à B. Gregorio Nazianzeno, quòd fuerit non mediocriter in Astrologia, Geometria, Arithmetica, aliisque versatus: & cum Patres ceteros, tum speciatim Beatos Hieronymum & Augustinum, passim declarare, quàm hæ disciplinæ necessariæ sint ad Scripturæ Sacræ interpretationem.

Effecisti quinetiam ut intelligerem duplicem esse Codicem sacrum, quo Deus innotescere hominibus voluerit: alterum scriptum, & qui Sacrorum Bibliorum venit nomine; alterum apertam hanc faciem, sive majestatem ac Naturam rerum. Et cum priori interpretando destinati sint viri Theologi supernaturali scientiâ eruditi; ad posteriorem interpretandum comparatos esse Mathematicos, qui naturali scientiâ instructi haberi non immeritò Theologi naturales valeant. Scilicet ipsam Veritatem, quæ non aliud à Deo est, manifestari duplici luce, Revelationis putà ac Demonstrationis; & priore uti vocatam Theologiam, posteriore Mathesin solam: cum aliarum quidem, quæ dicuntur, scientiarum non demonstrationes, sed conjecturæ sint, nisi si quâ luce Matheseos fruuntur.

Denique effecisti ut intelligerem duplex esse Templum in quo Deus Mystas Sacerdotéve exigit: alterum nempe ipsam Ecclesiam, in qua juxta divini verbi revelationem adoretur; alterum Systema hoc rerum, in quo agnitus juxta characteres ineffabilis sapientiæ colatur. Quamobrem & me duntaxat voluisti è Templo in Templum transferri; quòd, cum gratiarum sint divisiones, & in domo Dei man-

fiones

fiones sint multæ, credideris fore ut mea qualiscunque industria possit in hac parte Divinæ familiæ non inutiliter collocari.

Itaque tua hæc est vox, quæ, ut alter Samuel, (si dicere liceat) constanter vocatus mentem obediendo composui, ratus te locum in Ecclesia tenere adeò eminentem, te eâ providentiâ dispensare munera, quibus, ut Maximus à sacris Regi Christianissimo, es præfectus, ut resistere diutius puderit; neque eam adire stationem in qua me collocatum velles, ac pro viribus eam Spartam quam præscriberes exornare. Quinetiam probè memor cùm fuerim hericæ illius Virtutis consummatæque pietatis, quæ pernōsse te ab usque Eremitis Insulique primis præfulgentem licuit, induxi faciliè in mentem, quicquid consilii caperes, non posse à summa virtute pietatēque non proficisci.

Sisto proinde me jam Tibi, totique illustrissimo nobilissimoque Confessui, ut opus aggrediar sub tantis auspiciis quod iussisti me exsequi; & prælectiones habiturus Cosmographicas, seu de Mundo ab hymno exordiar Conditoris Mundi. Siquidem cùm Plato, qui habitus est inter Philosophos divinus, quærenti quid ageret Deus, celebre illud responderit, *Γεωμετρεῖν ἢ Θεὸν, Exercere Geometriam Deum*; nihil videor facere posse aut argumento accommodatius, aut generi vitæ meæ consonantius, aut Tuâ totiusque Concessus celeberrimi attentione dignius, quàm si, cùm ipse quoque personam Philosophi Christiani gerens, haud secus quàm ille fuero responsurus, dicere adnitar, qui Deum exercere Geometriam putem.

Principio verò, cùm Geometria aut contemplando aut agendo (ex quo distinguunt Theoremata Problematæque) exerceatur, videri potest non incongruè intelligi Deum exercere Geometriam tam dum contemplatur, ac potissimum sese ipsum considerat, quàm dum agit, maximè verò Mundum creat ac moderatur. Et de Contemplatione quidem ut primum dicamus: Supponendum profectò est, illud esse inter divinam humanamque discriminis, quòd humana ratiocinando, seu ex principiis ad conclusiones gradatim per-

gendo, incedat; divina, cui nuda & aperta sunt omnia, cui nullum consequens est minùs manifestum quàm antecedens, cui omnis propositio communis sententia seu axioma est, divina, inquam, simplici & citra omnem successione intelligentiâ perficiatur.

Donec porro Deus in seipsum attendit, ecquid inspicit, ut Geometricè contemplari quicquam censeatur? Scilicet primùm Naturam suam, ac deinde Triadem sacram Hypostaseon seu Personarum. Nam imprimis quidem Naturam contuetur, habétque ut Sphæram, cujus (Ethnico etiam definiente) centrum sit ubique, circumferentia nusquam. Quo loco par est admonere, cùm Deum nemo viderit unquam, cùm habitans Deus lucem inaccessible, & hominum, quasi noctuarum, oculos fulgore prætinguens, posuisse dicatur tenebras latibulum suum, ea propter non esse cur nos, miselli homunciones, & pulvis cinis que cùm simus, quidpiam de tanta Majestate quatenus in se est, non dico effari, sed nè hariolari quidem, contendamus. Quocirca decere ut nos sic habeamus, nôsse Deum figmentum nostrum, & paternâ quâdam indulgentiâ ferre nos de se, non ut in se est, sed ut nostro captui congruum est, loquentis; ac esse abundè, si ea balbutiamus ex quibus ipse, quâ bonus est, tanquam ex ore infantium lactantiùmque laudem perficiat.

Igitur concipimus Deum, dum suam speculatur naturam, habere ipsam quasi Sphæram, quatenus a nobis nulla figurarum capacior, æquabilior, perfectior intelligitur; quatenus cùm sit summè individua, est ipsamet veluti centrum ex quo divinæ perfectiones, quas & proprietates & attributa nominant, quasi radii quidam dimanent; quatenus istæ perfectiones, sunt ipsi quasi circumferentia quâ veluti circumscribatur, seu, quo potest modo definiri, discernatur ab omni re quæ non est Deus. Quanquam, nè propterea veram aliquam limitationem imaginemur, nusquam existare hujusmodi Circumferentiam dicimus, innuentes nullam perfectionum divinarum esse extremam, nullam in qua sit aliquid extremum. Quo modo, nè vox quoque Centri li-

mitatum

mitatum quid suggerat, ideo ipsum esse dicimus ubique ; innuentes naturam divinam in omnibus & cum omnibus perfectionibus idem esse, utpote quæ fons simul inexhaustus & Oceanus interminatus sit.

Ac mirari quidem par est Centrum tantæ fecunditatis, ut, punctum cùm sit, pro immenso tamen habeatur : sed illud nimirum idem est quod Monas five unitas ; quo nomine Pythagoras jam olim designavit Deum. Dictum celebre Trismegisti est, Monas genuit Monadem, & suum in se reflectit ardorem ; idque tum nonnulli de Sanctissimo Trinitatis mysterio accipiunt, tum D. Thomas censet potius ità esse interpretandum, ut intelligatur Deus, qui est unus, Mundum, qui etiam unus est, ob sui amorem condidisse. Sed potest forsan res eò spectare, quòd cùm numeri in se ipsos ducti alios à seipsis gignant numeros ; nam binarius bis quaternarium creat, ternarius ter novenarium, quaternarius quater senarium denarium ; Monas tamen seu unitas nihil aliud quàm Monadem seu unitatem pariat, quoniam unum semel unum tantum est. Et cùm binarius, ternarius, cæterique numeri, multiplici seu in se ipsos ductu reduciturque, sese in quadratos, cubos, quadrato-quadratos, quadrato-cubos, cubo-cubos, aliosque majores majoresque numeros, ut in radios quosdam, veluti diffundant, ipsa Monas seu unitas in seipsam perpetuò rediens, sibi & radix, & quadratum, & cubus, & alia existens, ipsos sui radios, seu (nomine alio) ipsum sui ardorem, in seipsam reflectat.

Hâc proinde ratione Deus verè Monas est, quatenus non potest enunciando duci in ullum sui attributum quod Deus non sit, ut aliud de Deo quàm Deum declarer. Quippe dum quis dicit, Deus bonus est, nihil aliud quàm dicit, Deus Deus est, quòd Deus sit Bonitas sua ; neque tam istud attributum, quàm Sapientia, quàm cætera, aliud sint quàm ipsemet Deus. Unde & dici potest Monas enunciari de Monade ; ac suum in se reflectere ardorem, quatenus divina natura quodvis attributum enunciando refert ad se, suamque cum ipso communicat denominationem. Ac rursus

esse idem cum Centro, quòd ubique sit, quatenus nullum est attributum in quo & cum quo idem non sit, quòdque in seipsam quasi non reflectat; instar lucidi in centro Sphæræ collocati, dum radii ut exeunt, sic redeunt in centrum.

Exinde verò intelligitur non modò Unitas divina, prout tam repugnat naturam Divinam quàm aut Monadem aut centrum sphæræ multiplicari, verùm etiam Simplicitas, prout tam à Deo aliena est omnis compositio attributorum quæ Deus non sint, quàm ab unitate omnis contextura quadratorum & cuborum qui unitas non sint. Et cùm aliunde Sphæra sit cujus centrum ubique est, circumferentia sine extremo; intelligitur etiam ut perfectione Infinitus, sic spatio Immensus, duratione Æternus. Imò & intelligitur ut Immutabilis, prout nulla perfectio est quam acquirere, nulla quam amittere valeat; ità & Immobilis, prout non est locus ad quem accedere aut à quo recedere possit; & Ingenitus atque Immortalis, prout inceptionis desitionisque est incapax, ut putà τὸ ὄν, *idipsum quod est*.

Prolixior æquo evaderem si perconsere cætera vellem, aut in iis etiam ostendere quas rationes Geometricas Deus contempletur. Nam circa Potentiam, ut exemplodicam; relationem intelligens quæ est inter vim motricem & pondus, comparat creabilia omnia in nihilo sui quasi quiescentia cum sua illa omnipotentia, quæ sola est par ipsis è nihilo dimovendis. Circa Justitiam; tum similitudinis, tum æqualitatis rationes perspicuens, priorem agnoscit in specie illa justitiæ quam Distributivam appellant, quatenus tribuit unicuique secundum propria opera; posteriorem verò in illa quam Commutativam, quatenus licet nemo prior dare quod illi retribuatur possit, ipse tamen est adeò bonus, ut ea quæ largitur munera coronet. Circa Bonitatem proinde, atque adeò circa Clementiam Misericordiámque; ad tam majoris quàm minoris inæqualitatis rationes attendens, pervidet quí juxta priorem remuneretur ultra condignum probos, quí juxta posteriorem puniat citrà condignum improbos. Circa Scientiam; atque idcirco

circo circa Sapientiam Providentiámque; fortiter attingens à fine ad finem, sicut inter figuras congruas incongruásque, intelligit quicquid est rebus omnibus vel consensuaneum vel dissensuaneum, ut exinde sit ratio quâ omnia suaviter disponit. Circa denique Prædestinationem; altitudinem divitiarum scientiæ sapientiæque considerans, ac pernoscens quæ longitudo, quæ latitudo, quod profundum, seu quæ abyssus sit iudiciorum decretorumque æternorum, commensurationem intuetur quæ est inter hominum massam, operaque eorum vel bona vel mala, cum suo beneplacito; tametsi nobis fecerit iudicia incomprehensibilia, & non vestigabileis vias, ut sit quod miremur potius quàm scrutemur, quasi hæc sint nobis incommensurabiles, & veluti irrationales, seu surdæ ac ineffabiles, ut vocant Geometræ, quantitates.

Jam quod ad sacram Hypostaseon Personarúmve Triadem spectat; ipsa sanè esse videtur, ob quam dici potest Deus contemplando *dei παρρησία*, æternam quandam, ac ipsam quidem super-eminentem, super-excellentem, nulli comparandam, *exercere Geometriam*; juxta illud, Pater meus usque modò operatur, & ego operor. Videlicet actu ipso contemplandi duæ Hypostases seu Personæ existunt; altera Intelligentis, seu Patris æterni, altera Verbi, seu æterni Filii. • Et quasi Contemplatio hæc, quâ Pater & Filius constituti se mutuò spectant, sit eminentissimâ ratione Propositio simul & Assumptio incomparabilis Syllogismi; non potest non consequi ardor, seu potius non simul accendi coexistere reciprocus Amor, tertia nimirum Hypostasis, Personæ Spiritus Sancti, quæ, Conclusionis cuiuspiam instar, numerum terminet productionum Personarúmque æternarum.

Anne proinde hoc adorandum Trinitatis mysterium habebimus rursus ut Sphæram, cuius quasi Centrum sit Pater æternus, qui potius Divinitatis fons, origo, principium accommodatè dicitur; Circumferentia Filius, in quo legitur habitare plenitudo Divinitatis; & Radii centro circumferentiæque intercedentes Spiritus Sanctus, qui est Patris & Filii

Filii communis & quasi intercedens ardor, ac veluti nexus vinculumve mutuum? Anne porius dicendum est eminare in hoc Myfterio quicquid sublime magnificumque humana Geometria etiamnum requirit? Percelebre est latere eam adhuc quam Quadraturam circuli vocant; atque idcirco in eo esse, ut describat Triangulum, cujus si basis ostenderit circuli ambitui æqualem, tum demum esse Circulo Triangulum æquale demonstraret. At in hoc Myfterio augustissimo gloriosissima Personarum Trias ita infinitæ essentia, ipsiusque fecunditati, tanquam Circulo exæquatur, seu, ut sic loquar, & veriùs quidem, penitus identificatur, ut cum sit omnium & cuiusque una atque eadem essentia, una proinde ac eadem sit immensitas, æternitas, & perfectionum plenitudo.

Sic, cum nondum nôrit humana Geometria trisecare angulum, divideréve, & citra accommodationem mechanicam ostendere divisum esse in tria aqualia; habemus in hocce Myfterio unam essentiam non tam trisectam, quam integram communicatam in tria aqualia Supposita, quæ cum simul sigillatimque totam individuamque possideant, sint inter se tamen realiter distincta. Et cum illa adhuc mirretur in iis Angulis quæ ad contactum circuli fiunt, dari quidpiam majus, dari quidpiam minus, non dari æquale; seu posse à minore ad majus, à majore ad minus, & non tamen unquam per æquale, transiri: ecce in hisce Suppositis, Hypostasibusve divinis cum ipsa Essentia identificatis, datur quidem produciens, datur & productum, (quæ inter esse vulgò solet Disquiparantiæ relatio) & tamen non majus, non minus, sed æqualitas mera est; quando neque Persona produciens est causa, ut eâ ratione major sit, neque producta sic oritur ut quasi effectus dependeat, sicque censeri minor possit.

Ad hæc, ignorat illa adhuc descriptionem aliam quam mechanicam duarum linearum proportionalium datis duabus intermediarum, ut factum super secunda facto super prima simile solidum, rationem cum ipso referat extremarum. Nempe ex hac re ignorata, notum est nesciri quid duplicandus

plicandus cubus sit; ac peccatum propterea esse, cū jubente Minoe sepulcrum Glauci, & jubente Apolline Deliorum aram duplicare oportuit; uñ & peccavit oppositum Chares, cū duplicare Rhodium Colossū in dimensionem omnem aggressus, nonnisi materiæ duplum postulavit. At hīc, miro modo, inter Deū & Hominem, quasi extrema, datur qui ex duabus Naturis constituitur, & cui inditum Mediatoris nomen Θεῶν Διὸς, Christus; Compositum nempe admirabile, quod in secunda Hypostasi, seu persona Verbi, (assumptā in illam naturā humanā) veluti fundatur; atque idcirco comparatum cum Natura alterutra, & reconcilians ima summis, (ut in Ecclesia canitur) rationem refert extremorum. Quippe & cū vulgo Geometria suam commendat Hyperbolen, ob descriptionem τῶν ἀσυμπίπτων, *incoincidentium linearum*, etsi productæ in infinitum ad se invicem continuò accedant; datur hīc Hyperboles genus omni majus Hyperbole, utpote in quo illa potius quæ infinitè distant junguntur.

Quinetiam, cū sese efferat Geometria ob illud Problema, quo Datis duabus figuris, conscribitur tertia quæ alteri æqualis, alteri similis sit, (nimirum reputat Plutarchus ipsum potius esse ob quod Pythagoras immolārit, quàm celebre illud Theorema de Quadrato subtensā, includentium rectum laterum quadratis æquali:) illud hic mirabile est, ut hinc Deo, hinc Homine, si modò liceat dicere, datis, constituatur quasi quid tertium, ipse idem Θεῶν Διὸς, seu Mediator Dei & hominum, Christus, qui ex Symbolo sit æqualis Patri secundū Divinitatem, & secundū naturam assumptam sit ex Apostolo in similitudinem hominum factus, habitūque inventus ut Homo. Verūm hæc satīs de priore sive Contemplativa parte.

Ad posteriorem seu Activam, respectu nempe hujus Mundi universitatīsve rerum, quatenus Deus ejus est Author Moderatōrque, quod attinet, perspicuum est sanè non Philosophiam modò, sed Sacra etiam oracula edicere ποιεῖν ὁ Θεός, *exercere Geometriam Deum*; quando non aliud sonant ea verba quibus dicitur omnia facere in Numero,

Numero, Pondere & Mensura. Et quoniam Deus non aliâ ratione, vel ipso Platone auctore, Mundum regit quàm condidit, (ex quo efficitur ut Mundi rerûmque conservatio intelligatur nihil esse aliud quàm continens quædam productio) ideo sufficit pauca attingamus de ipsa divina Geometria, tam circa Originem Mundi præcipuarûmque ejus partium, quæ constanter eadem perdurant, quàm circa institutam seriem suborientium continuò rerum.

Imprimis verò, cùm Deus æternam Mundi Ideam præhibuerit, quemadmodum ipse, ut prædiximus, intelligibilis Sphæra fuit; sic Sphæra corporeæ ideam, quâ esse formosior figura non posset, concepit, ac ipsam deinceps expressit in opere.

—————Tu cuncta superno
Ducis ab exemplo; pulcrum, pulcherrimus ipse,
Mundum mente gerens, similique ab imagine
formans.

Quid enim pulcrius eâ figurâ, inquit ille, quæ sola omnes alias figuras complexa contineat, quæque nihil asperitatis habere, nihil offensionis potest, nihil incisum angulis, nihil anfractibus, nihil eminens, nihil lacunosum? Nimirum, tametsi figurâ Geometricâ eâ perfectione æquabilitatis, indivisibilitatis, & similium, quibus definiri etiam vulgò solent, reperiantur solum in Ideis divinis, (ac proinde solus Deus ad illas attendens agere censeatur perfectissimum Geometram) & taleis neque assequi mens neque exhibere manus nostra valeat, (ut ideo causari solitus sit Plato labefactari Geometriæ bonum, cùm illæ ex statu intelligibili ad sensibilem demittuntur;) attamen quæ sunt immediatè ex Dei manu opera non possunt non perfectissimè Exemplaris sui perfectionem referre. Unde est idemmet professus, dedisse Deum figuram Mundo & decoram & sibi congruam (quoniam consentaneum foret, ut quod animal continere debebat omnia animalia, eâ esset figurâ quæ omnes figuras caperet) ac ideo globosum fuisse factum Mundum, ut paribus à medio radiis ejus extremum attingeretur.

Ac adnotari quidem posset, quod nonnulli notant, Platonem

tonem ad memoratum respexisse Problema, cùm, datis materiâ inordinatissimâ & Ideâ pulcherrimâ, docuit fuisse Mundum à Deo, ut à Geometra præstantissimo, materiæ æqualem, Ideâ similem effectum : verùm displicet, quòd materiam coæternam fecerit Deo, si voluit eam quidem duratione præcedere Mundum, ut plerique intelligunt; aut coæternum etiam ipsum Mundum, si præcessisse solum naturâ, ut interpretes celebriores accipiunt.

Siquidem utrumque repugnat sacro Geneseos Codici, juxta quem satius est observare Senarium dierum numerum quo Deus Mundum conditum voluit. Quippe non modò hic numerus designandæ Mundi perfectioni idoneus est, quatenus est omnium perfectorum primus, constans scilicet exquisitè ex aliquotis partibus, quæ sunt unitas, binarius, ternarius; verùm etiam præstat quod Plato contendit, unitate nempe ideam, binario materiam, ternario ipsum Solidam corpúsve Mundi referens; quod Philo quoque ex parte habet. Ut taceam aliunde numerum, Senarium, licet in se ductus reductúsque excrescat in numeros, redire tamen semper in sese, (quoniam sexies sex sunt triginta sex, & hic numerus sexies ducenta decem & sex, & hic rursus sexies mille ducenta nonaginta sex, atque ità porro:) ut intelligamus esse quidem Mundum & actu compositum, & potestate multiplicem; sed reipsâ tamen & unicum esse, & ipsam Exemplaris Autorisq; sui, quantum potest, simplicitatem unitatémque æmulari.

An autem, cùm Geometria non agnoscat corpora plura vocata Regularia quàm quinque, tribuit Deus illorum formas corporibus quinque simplicibus Mundi; Cubicam videlicet Terræ, Icosahedricam Aquæ, Octahedricam Aëri, Pyramidalem Igni, Dodecahedricam Cœlo? Ità quidem ipsemet Plato Pythagoreos imitatus: utcumque id esse accipiendum constet, non de figura sanè totali ac externa, sed aut de Proprietatibus symbolicè significatis, verbi causâ, soliditate, fluiditate, mobilitate, & cæteris, ut vulgaris sententia est; aut de Harmonicis regionum Planetariorum intervallis, ut non desint qui autument; aut citra ambages
de

pe figuris Atomorum corpusculorumve *Ida quinquaginta, ob parvitatem*, inconspicuum, ex quibus Deus unumquodque corporum primorum contextuerit, ut ille in Timæo non obscure insinuat, & nonnulli, quos inter Simplicius Pachymeriusque, interpretantur. Utcumque sit autem, & quantum habeanur præcipua Mundi corpora; constat profecto posse nihil ipsis regularius formari.

Nam & quamvis non admittatur illa Mundi Anima quæ
ἐκ τριῶν ἁρμόνων, ex Eodem & Diverso composita, & qua-
si tertia Natura facta, contineat in sese rationes harmoni-
corum numerorum, ipsique adeò accommodetur decanta-
tus ille Quaternio, Sacramentum Pythagoræ, & ἀεικὴς φύ-
σις ἀρχὴ, *semper eterna natura fons*, propter denarium (&
ipsum quidem Principiorum) numerum, quem ejus partes
junctæ componunt, proptérque præcipuas Consonantiæ spe-
cies quarum proportionēs ambitu suo complectitur, (eum
quatuor ad duo & duorum ad unum sit proportio dupla,
quæ constat Diapason, seu vocata Octava; trium ad duo,
sesqui-altera, quæ Diapente, seu Quinta; quatuor ad tria,
sesqui-tertia, quæ Diateslaron, sive Quarta:) nihilominus
manifestum est, eam esse naturam Mundanorum corporum,
ut, seu molem spectes, quæ maxima sunt, seu contexturam,
quæ integerrima, seu cohesionem, quæ congruentissima, seu
figurationem, quæ speciosissima, seu positionem, quæ de-
centissima, seu mutuam habitudinem, quæ ordinatissima, seu
motionem quietémve, quæ durabilissima, seu finem ac de-
stinationem, quæ appositissima, seu aliud demum quidlibet,
esse nihil possit concinnius.

Quare & nihil est necesse ad explicandam *τὴν τὰυτὴν ἁρμονίαν*, *Ejusdem & Diversi*, seu *Individui & Dividui circa corpora naturam*, progressionem Geometricam instituere ad duos primos Cubos, octo scilicet ac viginti septem, ex quibus contextus numerus triginta quinque dicitur Harmonia, quod componatur aliunde quoque ex sex, octo, novem, duodecim, in quibus etiam enumeratae proportionem harmonicam, ac insuper sesqui-octava, quæ Toni majoris appellati est propria, consistunt. Neque item fingere Deum

mistam ex utroque naturam fecisse quasi literam *Iota*, ex qua in longum bisecta, & partibus in medio revinct s, ac in formam literæ *Xi* diductis, inque orbem oppositè conversis, duplices cœlorum conversiones intelligantur; nimirum & una primi mobilis Sphæræ Inerrantium in occasum, ob naturam Ejusdem individuum, & septem ipsorum Planetarum in ortum, ob naturam Diverſi dividuum ac septupliciter subdistinctam. Satis est, factam occasionem adnotandi illum concentum, sive tantum illum ac tam dulcem sonum, propter quem attributæ sunt singulis Sphæris suæ Sirenes seu Musæ, separatæ illæ Substantiæ, ideo à posterioribus dictæ Intelligentiæ, quòd corporeæ molis alioquin expertes, intelligentissimæ sint harmonicarum proportionum à Deo verò Musagete & quasi Apolline præscriptarum. Nempe quasi sint Astra matutina à quibus se Deus laudari testatur, ac subinde interrogat, Quis enarrabit cœlorum rationem? & Concentum cœli dormire quis faciet?

Atque id quidem, nè memorem quòd Deus rursus legitur appendisse tribus digitis molem Terræ, & monteis in pondere, colleis in statera librâsse; quòd appendisse Aquas in mensura, posuisse legem pluviis, fecisse ventis pondus, & id genus similia; ex quibus mirum haudquaquam est, agnosci vulgò in Elementis eam symmetriam atque temperiem, ut ex ipsis, tametsi variè tam secundum alteratrices quàm secundum motrices qualitates contrariis, Systema tamen harmonicum quasi ex quibusdam acutis gravibusque sonis resultet. Præclare videlicet ille,

Tu numeris Elementa ligas, ut frigida flammis,

Arida convenient liquidis, nè purior Ignis

Avolet, aut mersas deducant pondera Terras.

Ut jam de mistis corporibus, quæ in serie sunt rerum suborientium seu generabilium corruptibiliūque, dicamus; Ecquis vel in iis quæ solent imperfectè mista censerī, non admiretur Arcum illum quem Deus apertè recepit se positurum in nubibus, quasi non foret Geometra alius qui circino ullo tam perfectum describeret, & pictore adhibito,

tanta

tantâ colorum varietate, misturâ, suavitate, vividitate, pulcritudine exornaret? Vide Arcum, inquit Sapiens, & benedic eum qui fecit illum: valde speciosus est in splendore suo; manus Excelsi aperuerunt illum. Ecquis non proinde Halonem vocatâmve Coronam suspiciat, quæ ut diametro est dimidio minor, sic ambitu est duplò consummatior quàm Iris? Ecquis non Parhelia, sive Soleis spurios, qui ut sunt Iridum Coronarûmque mutuo intersestarum quasi nodi, sic habent semper à vero Sole dimensam statâmque distantiam? Præcipit Deus Nivi ut descendat in terram, ac ipsam sicut lanam dat: Putatisne verò, illi quasi pappi flocculive nivei divinâ quâdam Geometriâ carent? Ecce ipsi aliud nihil sunt quàm texturæ quâdam candidarum stellularum, quarum quælibet ex sex radiis scitissimè compingitur, iisque nunc quidem simplicibus, nunc verò heinc indè veluti ramosis. Putatisne carent & Sales, quos Deus Terræ ad illius fecunditatem indidit? Ecce commune, seu marinum, quod vulgò nonnisi detritum habetur, formatur constanter in hexahedricam, seu cubi figuram, Aluminosum in octahedricam, & cæterorum quodque in suam: utcumque mentem oculosque ad hæc non advertentibus omnia esse temere potius quàm Geometricè figurata appareant; neque manifestum fiat illico quàm verè dictum fuerit, & fide carere momentis singulis Naturam, & opera omnia Naturæ opera esse intelligentiæ.

Quid commemorem verò Lapides; quos inter Smaragdus dodecahedricâ specie nascitur, Adamas octahedricâ, Amethystus hexahedricâ, & Chrystallus etiam, non modò quâ parallelipipedos est, verùm etiam quâ in cuspidem coit. Sic & apud nos creatur Rhomboïtes; & passim Pyrites tessellatus est, & specularis lamellatus, & Focarius tabellatus; & Cotes etiam id speciale servant, ut sint, præter formam, longitudine ad latitudinem duplâ. Dicerem de Stellatis, Striatis, Cornutis, Conchitis, Ostreitis, Pectinitis, Stromboïtis, & cæteris; imò & de fluviatilibus, aliisque passim obviis; etiam de Saxis Rupibusque, quibus, si per tempus liceret, suas quoque esse figuras nativas ediffererem;

reū: Sed vice tamen omnium unus esto Magnes, qui cū sit alioquin

Decolor, obscurus, vilis; non ille repexam
Cæsariem Regum, nec candida Virginis ornans
Colla—

si quis tamen in eo attendat non modò illam ferri pellicien-
di convertendique in polos vim, verū etiam æmulationem
Geometricæ structuræ Mundi, cū non modò sit, ut jam
dici solet, *μικροὺν Τετρεττα*, sed etiam *μικροκοσμοῦ Μονδου*
λου, quatenus suum habet Axem, suum Centrum, suos
Polos, suum Equatorem, suos Parallelos, suos Meridianos,
cæteraque miracula;

Tum superat pulchros cultus, & quicquid Eois
Indus littoribus rubra scrutatur in alga.

Ad Vegerabilia quod spectat; Geometrica sanè est Semi-
nea vis quam Deus initio impressit; dū iussit Terram
germinare herbam virentem, & facientem semen, & lignum
pomiferum faciens fructum juxta genus suum, cujus semen
in semetipso esset. Non enim potest Imperator Geometri-
cè ac scitè magis milites componere, ordinèque & aciem
instruere, quàm hæc vis parteis plantæ omneis earūque
functioneis, quasi pensæ quædam, distribuit. Hinc nempe
sunt distinctæ illæ, ut secundum totas, sic secundum parteis,
plantarum figuræ, & distincti etiam statique ordines ac
numeri, quibus in cauleis pullulant, finduntur in ramos,
panduntur in folia, luxuriant in floreis, excrescunt in fru-
ctus: & tantà quidem concinnitate, ut turbinatis, orbicu-
latis, angulosis, cylindricis; ut umbellatis, racematis, spicatis,
jubatis; ut galeatis, umbilicatis, lunulatis, campanulatis; ut
crispatis, aculeatis, denticulatis, laciniatis; ut triphyllis, per-
taphyllis, heptaphyllis, hecatomphyllis; ut monostichis,
distichis, tetrastichis, hexastichis, atque id genus innume-
ris, nihil excogitari elegantius possit. Nè proportionem
memorem quā unaquæque attemperatur, ut læta suo solo
cœloque proveniat; ut si aliunde sit imbecillior, aut firme-
tur geniculis, aut claviculis, quasi manibus, fulcimenta
corripiat, aut hamulis cuilibet rei quam contigerit ad-
hære-

hærescat; ut donec foetus sunt teneriores, ipsos pulpis, corticibus, filiquis, utriculis, caliculis, glumis, imò etiam spinis, aristis, aliisque id genus decentissime figuratis communiat.

Porrò & in ipsis Animalibus Semineâque illorum vi luculentior adhuc Geometria, tum instituta cùm iussit Deus producere Aquas Cete grandia, & omnem animam viventem atque motabilem in specieis suas, & omne volatile secundum genus suum; producere Terram animam viventem in genere suo, jumenta & reptilia & bestias terræ secundum specieis suas; ac Hominem ipsum, quem de limo terræ formaverat, crescere, multiplicari, & replere terram. Nimirum ea vis tantâ est industriâ, ut tota nostra Mechanica nihili prorsus habenda sit, si cum ea quam observare vel in minimi animalculi fabrica licet comparetur. Verè profectò vir ille Sanctus, Manus tuæ fecerunt me, & plasmaverunt me: pelle & carnibus vestiisti me, ossibus & nervis compegisti me. Ecquis enim alius Dædalus aut Archytas potisesset excogitare elaborarêque tam præclara Automata, ac tot in ipsis machinamenta, non ad paucos sanè atque momentaneos, sed ad innumerabileis constantisque, tam naturaleis quàm spontaneos, motus? ac ipsa quidem potissimum tam exquisitè fabrefacta, tam concinnè disposita, tam aptè coherentia, tam congruè distincta, tam inconfusè copulata, tam instituta oppositè, tam usurpata faciliè, tam obsequentia expeditè, ut nemo vel ad unum cor, vel ad unum oculum, vel ad unam manum, vel ad aliam quamlibet partem ejusque texturam inimitabilem attendens, non obstupescat, exclamêque cum Psalte, Quàm mirabilis facta est scientia tua ex me, O Deus! Quid verò exclamet duntaxat factam ex se mirabilem? Quid ex ipsis quinetiam Elephantibus ac Balanis? cùm etiam Pulex, etiam Acari, ex tam multis tamque admirandis organulis & machinulis constent, ut jure dicatur à sancto Doctore Divinus ille Artifex ità magnus esse in magnis, ut minor in parvis non sit.

Enimvero cùm ipsum corpus tantâ molietur symmetriâ, ecquid

ecquid dicamus de Anima, in cujus gratiam id comparatur? Annon vel in ipsismet Brutis mirari licet ordinem quo se Facultates animales habent, dum sentiens movetur, apprehendit imaginans, jubet appetens, exsequitur movens? Annon mirari proportionem quâ Facultates singulæ cum objectis suis sic contemperantur commensuranturque, ut in relatione patientis ad agens aut excipientis ad exceptum coæquatio ulla exquisitior esse commendatiórque non valeat; & maximè quidem prout ex objecti ad facultatem applicatione sensus voluptásque sequuntur? Annon mirari præ cæteris vim illam Imaginatricem, Rationis adeò æmulam, ut nè Bruta nostri nimidum similia esse videantur, præstare putemus, si ea non ratione, sed instinctu seu impetu naturæ cæco agi dicamus? Utcumque sit enim, quantus quæso esse Geometer ille debeat, à quo habent Apes instinctum, ut favos tam scitè conforment figurâ hexahedricâ, quâ non est alia magis idonea ad relinquendum vacui nihil, quâ ad latera apicésque cohererent? A quo habet Aranea ut contextura in orbem telam, de centro provideat, radiósque diducat ac firmet, quos inter deinceps ordiatur, perficiatque opus *ἐλκυστῶς*, seu *spirali ductu*? A quo Formica ut sua illa cava subterranea tantâ providentiâ discriminet, cellulasque quasi adolis pro usum varietate partiatur? A quo Hirundo ut ad trabem hemicyclikum nidum fingat; quâ formâ, si locus finisque spectetur, esse nec capacior nec commodior valeat? A quo Gruum grex ut volando in Triangulum sese componat, ac adversante ventorum vi, cuspidem penetrando præmittat? A quo grex Thynnorum ut in illa sua quæ quotannis peragitur per Mediterraneum peregrinatione, formet se in cubum, ad natandum semper non modò gregatim, sed etiam in omnem positionis diversitatem; aliâque id genus sexcenta?

Denique verò ex Rationali sive Hominis Anima, quam Deus speciatim ad imaginem & similitudinem suam fecit, licet sanè intelligi quanta Dei Geometria sit, quando ipsa tota ex rationibus veluti Geometricis constat.

Primum quippe sua ex natura ad sciendum comparata est ; scientia verò in eam non subit, neque ipsi accommodatur, nisi sub forma figurâque Syllogistica ac Demonstrativa ; qualem reperire in Geometricis duntaxat ratiociniis licet, aut si qua alia sint quæ ex ipsis quadatenus participant, eorumve structuram & vim perfectionemque æmulentur ; ut etiam de iis quibus oratori utendum est, ille præscribit qui jure omnium optimus in arte dicendi magister habetur. Heinc certè propter naturalem veluti commensurationem quæ inter scientiam scientemque est, existere videntur illæ omnium humanissimæ ac ineffabilissimæ voluptates quibus non modò Pythagoras, Archimedes, & quotquot præclarum aliquid inveniunt in Geometricis afficiuntur, ac ideo aut sacrificant, aut exclamant, ingeminantque celebre illud *Eugenia* ; verum etiam Tyrones ipsi, qui nescio quâ mirâ suavitæte exsiliunt, quoties ejuspiam Theorematis demonstrationem primum perspiciunt. Deinde, cum humana mens fundat ex seipsa, tanquam ager ferax, tantam segetem admirandorum Theorematum ; annon par est ipsam sic conditam esse, ut semina eorum in sese contineat, & ex ipsis veluti constet, naturæque adeò Geometricæ sit? cum & tametsi nugamenta sæpenumerò proferat, illa tamen sint quasi partus spurii, & recrementa veluti quædam, ipsâ existente ex se comparatâ ut veritatem parturiat, & cognoscendo Authorem suum, qui Veritas est, ideo referat quòd ille qui plantavit aurem, ut Psalter canit, non audire, & qui finxit oculum, non considerare non possit. Et sanè id vel heinc suâdetur, quòd ad imaginem Dei facta Anima exsatiari nunquam cognoscendo valeat, quousque ipsum omnia videntem facie ad faciem videat ; & factâ inter gratiæ seminem gloriæque lumen exæquatione, illum secundum omnem sui quasi dimensionem possideat, ac plenissimâ securissimâque ejus fruitione felix conquiescat.

Atque hætenus quidem Hymnus esto, non qualem pro rei majestâte decuit, sed qualem pro virium tenuitate licuit præcinere rerum Authori sapientissimo, potentissimo
optimò-

optimoque. Nunc, cum ipsum opus exsequi oporteat in hocce celeberrimo totius non modò Gallici imperii, verùm etiam orbis Christiani, theatro, quid, putas, mihi est animi, EMINENTISSIME CARDINALIS, cogitanti non posse me eam sustinere personam quæ tuæ de me opinionis, ac fortassis aliorum quoque expectationi, respondeat? cogitanti me imparem qui claritatem promoveam tantæ Academiæ quæsitam, tum ab illis luminibus Orontio, Pena, Bressio, aliisque claris antecessoribus, tum à clarissimo collega Morino, cui famam Famosum peperit Problema, & scientia Longitudinum longè latèquè propagavit? cogitanti immeritum qui in Societatem coopter tot caterorum celebrium Professorum adeò illustrem? Nam Duvalius quidem meritisissimus non ætate magis quàm virtute suâ Decanus, aut Decani vicibus fungens, ejusmodi est, qui quantum in Græca Latinâque Philosophia possit testis esse abunde valeat vel ipse Aristoteles, qui toties Græcè Latinèquè ab eo illustratus, quam ab ipso accipit lucem cumulativè in ipsum refundit. Nemo interim ambigit quin designatus ipsi collega Capreolus electione tuâ dignissimus sit, qui tories tantâque frequentia ac celebritate tantâ nominis Philosophicum stadium est emensus. Quod idem dicendum quoque de Alverno, quem designasti similiter collegam eximio Flavinio. Flavinio, inquam, eximio illi, qui cæteris Sacræ Facultatis Doctoribus par, id speciale habet, ut ex ipso fonte, Hebræo nempe textu, hauriat, unde quasi vivo gurgite exunder. Nec secus Dartisus, qui in Jure, quod proficitur, haberi potest quasi liber Polycteti inscriptus Canon, à quo olim, velut à lege, lineamenta artis, ut Plinius loquitur, petebantur.

Jam in Medica facultate is Riolanus est, quem exteri æquè ac indigenæ admirantur; ut quo minutissima quæque ex quibus corpus humanum constat scrupulosissime scrutante, nemo videatur meliùs parere oraculo illi, γυνώσκωνταυτον, *Nosce teipsum*. Is Charterius, cui quantum sit tota medicorum natio debitura, clamat magnum illud Hippocraticorum Galenicorumque operum Syntagma quod

quod generosissimè est aggressus; idque substituto interim Cusino, qui sese ut suggestu Regio, sic Augusti cubiculi primario gradu, dignum exhibuit. Is Moreus, quem nescias plures in mente an in Musæo libros possideat: dignus qui vivat, per quem vivunt tot nobiles medici; dignus qui valeat, à quo illustrata tot valetudinis documenta. Is Akakias, qui eum se præstat, ut brevi claris majoribus præluere virtute possit.

In ipsa verò Arte dicendi Latinæve Eloquentia novit non-nemo quantum valeant tum Tarinus, quem aliunde Græca, imò omnigena eruditio adeò commendat; tum Remius, in quo cum Tulliana facundia certat Virgiliana majestas Heroicorum poematum, Tibi, sat scio, pridem perspecta. In linguis autem Exoticis, ac præter Hebræam, de qua est jam dictum, ignorat nemo esse Mon-morium Dubosiumque ejusmodi viros, qui, Simonideâ pollentes memoriâ, quicquid Græcarum est literarum restituere si perierint possint. Nemo Sionitam, qui inter primos nominandus fuerat, ejusmodi esse, qui Arabas ipsos docere Arabissimum possit.

Cogitanti, inquam, hæc mihi, quid esse putas animi, EMINENTISSIME CARDINALIS, nisi quòd, Tibi dum obsequor, & Regi Christianissimo, quam te suatore censuit mandavitque, operam præsto, spes est ut Deus ter Optimus obedientiam magis quàm sacrificium probet, ac ideo mihi quod in me erit facienti non deneget gratiam?

Quod superest, cum Regium sit quo deinceps defungor munus, finem dicendi non antè facio quàm *ευχαριστώ* persolvens Regi optimo maximo, apprecer ipsi omnimodam (quod totis sanè viribus plenisque votis facio) à Rege Regum felicitatem. Et quàm sit quidem reliquo Imperii decursu felix existiturus augurari vel ex eo licet, quòd omnia jam hocce triennio prosperè adeò successerint. Scilicet cor Regis in manu est Dei; neque abbreviata est manus Domini, ut minùs deinceps de Sion tueatur ipsum, minùs consilium ejus confirmet, minùs de Sancto auxilium mittat, minùs eventa omnia fortunet. Natus inter lilia, crescit

scit inter lauros, & palmarum victricium proceritate obumbratur: Ecqua proinde opima spolia relaturus olim non sit, ubi ad Heroum pervenerit robur? Ecqua non domicurus monstra, qui etiam in cunis, ut Hercules alter, facinora adeo gloriofa patravit?

Annon aliunde speremus ipsum iri Salomoni exæquatum sapientiâ, quando nè expectato quidem (necdum superato) altero septennio, sed etiam per primum, quod nuper exegit, ita se præbuit compositum, ut neque privatim quicquam egerit cujusmodi infantes solent, neque publicè quicquam quod non virum ætate maturum maximè decuerit? Annon speremus ut veluti Salomonis temporibus, sic in ejus diebus, justitia & abundantia pacis oriatur; quando inter pacis desideria crescit, & à sceptro usque assumpto Augustissima ejus parens ea agitavit de Pace consilia, quæ futurum est propediem ut, faventibus Superis, bene ac feliciter vertant?

Annon proinde spes magna sit, ut quemadmodum Salomon ædificavit Templum in monte in quo victimæ Pacis offerrentur, sic ipse, præter cætera pietatis suæ monumenta, Delubrum hoc in hoc monte instauret ac perficiat, in quo ornamenta pacis excolantur? Ornamenta, inquam, hoc est bonæ Artes, ipsaque inprimis Mathefis, quæ Reges quoque ipsos tantopere decet, illósque à quibus amatur, fovetur & excolitur, super æthera notos facit; ut sunt exemplo tot Principes, quorum nomina, tanquam ipsi cælo inscripta, cum cælo perennant.

Spes certè est ingens ut futurus Princeps & domi & foris felicissimus gloriosissimúsque, nomen quoque suum, ob earundem artium amorem, perinde inscribat; ac per ora volitans virum, & magis magisque in dies efflorescens, assequatur, quod voveo, famam nominis sempiternam.

DIXI.

Habita die suprad. an. 1645.

